

Jamoatchilik kengashi raisi:  
Abdulla ORIPOV

Jamoatchilik kengashi:  
Najmaddin Jiyanova  
Abulqosim MAMARASULOV  
Minhajiddin MIRZO  
Feruza MUHAMMADJONOVA  
Ahmad OTABOYEV  
Shuhrat SIROJIDDINOV  
Ahmad USMONOV

Bosh muharrir:  
Sobir O'NAR

Bosh muharrir o'rinnbosari:  
Luqmon BO'RIXON

Mas'ul kotib:  
Akbarali MAMASOLIYEV

Tahrir hay'ati:  
Bobur ALIMOV  
Iqbol MIRZO  
Abduqayum YO'LADOSHEV  
Abdusaid KO'CHIMOV  
Sirojiddin SAYYID  
Alisher NAZAR  
O'rozboy ABDURAHMONOV

Sahifalovchi: Saodat RUSTAMOVA

Ushbu son "Yoshlik" jurnali tahririyatining kompyuter markazida sahifalandi.

Manzilimiz:  
Toshkent. sh.  
O'zbekiston shohko'chasi, 16-a" uy.  
E-mail: yoshlik-xatlar@rambler.ru  
Tel/faxc: (8371) 227-0-227,  
245-5-793, 245-0-552



## © "Yoshlik" № 11/12 (262) 2012-y.

O'zbekiston Yozuvchilar uyushmasi,  
"Kamolot" yoshlar ijtimoiy harakati muassisligidagi  
yoshlarning adabiy-ijtimoiy jurnali  
1982-yildan chiqsa boshlagan.

## MUNDARIJA

### TADQIQOT

Jamshid NORBOBOYEV. Ostonasi obod yurt. .... 2

### ADIB XONADONIDA

Abdulla AHMAD. So'z yurakka muhrlanadi. .... 4

### NASR

G'ozi RAHMON. Shukuhli karvon. Qissa. .... 10

Abduqayum YO'LDOOSH. Biz izlagan tilsim. Hikoyalari. .... 27

Husniya PARDAYEVA. Ikki hikoya. .... 36

### NAZM

Sa'dulla HAKIM. Samolarda sayron-sayron uchdim manam. .... 7

Ikrom OTAMUROD. Ruhdan sizgan nur. Doston. .... 20

Oydina MUMTOZ. Siz yurgan yo'llardan kelmoqda o'tgim. .... 35

Munavvara QURBONBOYEVA. Sog'inch – payoni yo'q, dolg'ali ummon. .... 48

Jumanazar BEKNAZAR. Umr sarhadlari. .... 60

Yulduz ZOIROVA. Bolalik – hayotni bezar zar lavhang. .... 55

### XOTIRA

Tursunboy ADASHBOYEV. Arralangan giloslar yoxud ustozning ko'z yoshlari. Esse. .... 20

### AN'ANA

Marg'uba XUDOYNAZAROVA. Tarbiya ustuni. .... 34

### SO'NMAS YULDUZLAR

Dildora TURDIYEVA. Lotin amerika dahosi. .... 43

### BIRINCHI UCHRASHUV

Muborak RUSTAMOVA. Eh... bolalik. Hikoyalari. .... 50

Dilafro'z SHUHRATOVA. Ko'nglimga berdi hayot. .... 51

### MUTOLAA

Turg'unoy KAZIYEVA. Shon haqida doston. .... 56

### NEVARAKULCHA

Muhabbat HAMIDOVA. Hikoyalari. .... 46

Hidoyat OLIMOVA. Eskirmagan ertaklar. .... 62

### JAHON HIKOYACHILIGI

Zu VINTER. Birinchi muhabbat. Hikoya. .... 58

### YELPUG'UCH

Mirza AHAD. Shingil tabassumlar. .... 64

Bosishga 25. 12. 2012 yilda ruxsat berildi. Qog'oz formati 60x84 1/8. Nashriyot hisob tobog'i 8,7. Indeks 822.  
ISSN 0207-9137. Jurnal 2007 yil 4 mayda Matbuot va Axborot agentligi tomonidan № 0253 raqami bilan ro'yxatga olingan.  
Jurnaldan ko'chirib bosinganda "Yoshlik" dan olindi" deb izohlanishi shart.  
"O'qituvchi" NMIU bosmaxonasida chop etildi. Buyurtma № 292-12. Adadi 2000 dona.  
Toshkent shahri, Yunusobod tumani, Yangishahar ko'chasi, 1-uy.



**Жамиид НОРБОБОЕВ**

# ОСТОНАСИ ОБОД ЮРТ

Эсимда, бобом менга терак новдаларини тутқазиб: – Бисмиллоҳ, – деб сўз бошлагач, Худо насиб этса, Яратган Эгам ўша кунларга етказса, иморатбоп бўлганда уларни йиқитиб сенга уй соламиз, деганлари. Ҳар гал қишлоққа борганимда нигоҳим энг аввал осмонга бўй чўзган тераклар билан учрашади. Бобом эккан тераклар узоқ хаёллар суришга, хотираларни эсга олишга ундайди.

Катта асфальт йўлдан чанг кўчаларга кириб борар эканман, бутун борлиғимни қишлоғимнинг тафти, ҳарорати қамраб олади. Йўл-йўлакай тоғажиянлар, кўни-кўшнилар билан саломлашиб, ҳолаҳвол сўрамашаман-да, уйга, бобом эккан тераклар ўсган ҳовлига шошиламан. Аввало онам бағри ва пешонамга илиқ тафти, сўнг отам қучоғи ва қовурғаларимнинг қирсиллаши, жигарларимнинг соғинч ила йўғрилган меҳрли нигоҳлари мени кутиб олади. Кўлимга сув куйишга шай турган жигарларимнинг жон томирлари, ота-онамнинг набиралари ни кўриб, кучимга куч, ғайратимга ғайрат қўшилади.

Отам ҳар доим дуони қисқа қилиб: “Дастурхонимиз тўкин, юртимиз тинч бўлсин, омин Аллоҳу Акбар”, – дея якунлайди. Одатдагидек, келган кунимнинг кечки овқатини ош билан қарши оламан. Дастурхон атрофида катта бир оила жамулжам бўлади. Уйнинг тўрида ота-онам, ёнларида эркатой набиралари ва акалар қабатидан биз жой эгаллаймиз.

“Намунча, семириб кетмасанг, улим”, – дея кесатиб, ош устидаги гўштдор иликни менга илинади онам.

Қорақозоннинг ошини, қорақумғоннинг чойини ичиб, қишлоқ ҳавосидан тўйиб-тўйиб нафас оламан.

Қишлоқ тонгини қарши оламан. Отам кетмонни елкага олиб томорқага ўтади, онам кечки пайт тол



тагига қўйган икки пақир сутни олиб кувига солади, акамлар давлат ишига отланади, катта янгам сигир соғишга ошиқади, кичиги ҳовлига сув сепиб, супуришга тушади, мен эса гўё бу манзараларни суратда кўраётгандай бир зум термулиб қоламан. Таътил бўйи отамнинг кўмакчиси бўлганинг. Ерга икки кетмон урар-урмас ҳориб қоламан. Яна отамнинг меҳрибонлиги тутади ва қўлимдан кетмонни олади.

– Мана бу ниҳолларни невараларим – Исломбек ва Асилбек учун экдим, – дейди отам ниҳоллар остини юмшатиб. – Шеър-пер ёзиб турибсанми? Нима бўлса ҳам улим, яхши ўқи, жамиятга фойданг тегсин.

Остонамни озроқ таъриф этсам. Қишлоғимиз ажаб бир кенглиқда жойлашган. Бир ёғи Оқтовга тулаш, иккинчи томони то Қорақалпоғистонгача ястаниб кетган. Айни Бахши куйлаганидек:

*Масканум Нурота тоғлар ораси,  
Отим Эргаш, Жуманбулбул боласи...*

Икки тоғ оралиғида ястаниб ётган лалмикор ерлар баҳор ва ёзда гавжум, куз ва қишида эса чўпон-чўлиқнинг елкасига офтоб тегишида беминнат хизматкордир. Қишлоқ ахолиси чорвачилик билан шугулланади. Эрта баҳордан то кеч кузга қадар чорвага ем-хашак тўплаш ғамида яшайди. Чорва орқасидан янги иморат солади, тўй қиласи, олий ўкув юртида шартнома асосида ўқийдиган ўғли ёки қизининг шартнома пулини тўлайди. Мехнати, пешона тери билан рўзгор тебратади. Хуллас, бир қишлоқдошимнинг ҳазил аралаш ҳақ гапи бор: “Биз мол билан одаммиз”.

Танаси меҳнатда қотган қишлоқ болалари катта орзулар билан шаҳарга интилади. Илм истаб, касб-хунар ишқида Ватанимизнинг турли вилоятларида фаолият юритади. Қишлоғимиздан ҳали машҳурлар чиқмаган эса-да, олий маълумотли, зиёли инсонлар кўп. Бугунги кунда йигирмага яқин ўғил-қизлари олий ўкув юртлари талабалариридир. Улар қўлга киригтан кичкина бир ютуқ, муваффақият қишлоқ аҳли учун катта байрам. Қисқаси, кўз очиб кўрганим, Ватаним остонаси, шоир айтганидек, кўнглумга орзулар солган шу мўъжаз замин – қишлоғим.

Иккинчи куни қишлоқни айланаман. Қариндошларнинг, мактабда дарс берган устозларимнинг

хонадонларини зиёрат қиласман. Бир пиёла чой устида ажойиб сұхбатлар кетади. Мен таълим олган 16-умумтаълим мактаби директори – амакимнинг хонадонига кираман. Соҳамиз бир бўлғанлиги боис сұхбатимиз анча чўзилиб кетади. Ўзининг ўқувчилик, талабалик даврини хотирлайди. Бугунги ўқувчига яратиб берилган шароитни кўриб қалби қувончга тўлади. Чекка бир қишлоқ ахолисининг фарзандлари замонавий типда қурилган мактабда таълим олишини давлатимизнинг келажакка бўлган эътиборидан, юртимиз тараққиётидан нишона, деб баҳолайди.

– Яқинда Тошкентда малака ошириб қайтдим. Тошкентнинг қиёфаси бутунлай ўзгариб кетибди. Ҳамма соҳа сингари бизнинг соҳамизда ҳам янгиликлар кўп экан. Ана шу янгиликларни ва малака ошириш институтида Республикализнинг турли вилоятларидан келган мактаб директорлари билан ўзаро алмашган тажрибаларимизни мактабда жорий қиласман, – дейди раҳбарона оҳангда.

Қишлоқдаги ҳар бир куним мароқли кечади. Ўзинг тупрогини чангитиб ўсган кўча, биринчи муҳаббатингга сазовор бўлган қиз ҳовлиси, кенг дала томон кетган ёлғизоёқ йўл, хуллас, ҳамма-ҳаммаси узоқ хотираларни жонлантиради. Вақт бир зумга ортга қайтгандай туюлади.

Ҳар бир гап замирада бир маъно бор. Ҳар бир йил ўз номи билан аталиб келинмоқда. Мана, ўтаётган йилимиз "Мустаҳкам оила" йили эди. Унда жуда кўп ёшлар оила қуришди. Ундан олдинги йилдаги номлар ҳам халқимиз манфаатларидан келиб чиқиб қўйилган эди. Келаётган, 2013 йилни муҳтарам Президентимиз И. Каримов "Обод турмуш" йили, деб атагани ҳам бежиз эмас. Халқимиз болажон ҳалқ.

Тошкентга йўл оламан. Туманимиз яқинида қурилаётган замонавий турар-жойларни кўриб ҳавасим келади. Юртим жамолига кўрк бўлиб қўшилаётган ҳар бир бинога "Эрк", "Озодлик", "Истиқбол", "Мустақиллик" деб ном бергим келади. Чунки бундай буюк ишларнинг замирада Ватан озодлиги ётади. Бобом эккан тераклар менга, набирасининг келажаги учун аталганлиги аниқ. Ватан остонаядан бошланиди, дейдилар. Остонаси-да обод бўлаётган озод Ватаним ободлиги йўлида озгина бўлса-да ҳисса қўша олсан мендан баҳтли фарзанд йўқ!



Абдулла АХМАД

# СЎЗ ЮРАККА МУҲРЛАНАДИ

Менинг китобга, бадиий ижодга меҳр кўйишимга раҳматли онам Баҳринисо сабабчи бўлганлар. Онамнинг айтишича, ота томонидан беш авлоди Бухородаги Мир Араб мадрасасида таҳсил олган эканлар. Жумладан, онамнинг бобоси Абдураҳим домла ва отаси Муҳаммадраҳим бобом ҳам шу мадрасада ўқишган. Катта бобом Абдураҳим домла мактабдор бўлганлар. Унинг хусусий мактабида ўғил болалар ҳам, қиз болалар ҳам таълим олишган. Ўғил болаларга эркак муаллимлар, қизларга отинойилар сабоқ беришган. Онам ҳам бобомнинг мактабида сабоқ олганлар.

Бобом Муҳаммадраҳим 1912 йилда мадрасани битириб қайтгач, отасининг мактабида ва Жиззахдаги Нуриддин ҳожи мадрасасида фикҳдан дарс беради. Айни пайтда Оғажон қишлоғида имомлик ҳам қиласди. Бобом илм-маърифатли, бир сўзли одам эканлар. 1916 йилдаги мардикорликка олиш воқеасига у бефарқ қараб туролмайди. Негаки, мардикорликка жўнатилган йигитларнинг ярмиси Россияга етиб бормасданоқ очлик ва қаровсизликдан йўлда жон таслим қиласди. Бунинг устига рус ўрмонлари хўрликка чидолмай жонига қасд қилганлар жасадига тўлиб кетганди.

Бунга чидолмаган халқ жабр-зулмга, ҳақсизлик ва адолатсизликка қарши исён кўтаради. Бунинг бошида ўз даврининг улкан уламоси Назирхўжа эшон ва йигирма олти ёшли Муҳаммадраҳим бобом турган эканлар. Кўзголон шафқатсизларча бостирилгач, маҳаллий ҳокимият (рус тўралари) кимки Назирхўжани ва Муҳаммадраҳимни тирик ёки ўлик ҳолда келтирса, беш кило тилло мукофот берилишини ваъда қиласди. Лекин халқ ўз халоскорларини тутиб бермайди. Аксинча, уларни жон-жаҳди билан ҳимоя қиласди.

Чор амалдорлари бобомни кўлга олишолмайди. Бироқ укаси Исакулуни қамоққа олишади. Кейин Абдураҳим бобомни қийноққа солиб, уни қамашга ҳукм чиқаришади. Буни эшитган бобом ўз ихтиёри билан “қўлга тушади”. Кўлга тушганининг эртасига уни дорга осишади. Бечора онам ўла-ўлгунча шуларни эслаб, зор-зор ийғлаганча дунёдан ўтди.

Энди онамга келсақ. Волидам араб тилини мукаммал биларди. Ён-атрофга отинойи деб ном чиқарганди. Араб тилидаги китобларни бемалол ўқир, ўқиганда ҳам ҳар бир жумлани чертиб-чертуб, оҳангдор қилиб ўқирди. Кечки пайт уйимиз хотин-халажга тўлиб кетарди. Онам уларга китоб ўқиб берардилар. Унинг ўқиганлари ичida Алишер Навоий, Бедил ва Машрабнинг ғазаллари ҳам бўлар эди. Онам шу ғазалларни деярли кунига ё куна-ра ўқирди. Ўшанда мен тўққиз-үн ёшларда бўлиб, онам ўқиган ҳар бир мисрани илғаб, эслаб қолишга интилардим. Ғазалларни ичимда тақрорлардим.

Шу сабабми, шеъриятга, умуман адабиётга меҳрим тушди. Юрсан ҳам, ўтирсан ҳам қўлимдан китоб тушмас, Ойбек, Ҳамид Олимжон, Миртемир шеърларини ёд олардим. Буни ўқитувчиларим сезишарди. Мактабдаги бирон тадбир менинг шеър ўқишимсиз ўтмасди. Бир куни адабиёт муаллимим Пўлат ака Турробов мени чақирди-да, бироз ўйланаб туриб: “Шу бугундан бошлаб, деворий газетага сен масъулсан”, деди. Газета тайёрлашга киришдим. Дилимда бир ис так тинчлик бермасди: “Ўзим шеър ёзсан-у, уни деворий газетада чиқарсан”, дердим. Уч кун куймалашиб, “Дўстимга” деган шеър ёзиб, деворий газетанинг кўринарли жойига қўйдим. Лекин ичимда қаттиқ ҳадик бор эди: “Муаллим урушса-я, йиртиб ташласа-я”, деб ўйлардим. Бироқ ўқитувчим аксинча, буни кўриб хурсанд бўлди. Елкамдан қучиб, табриклади ҳам. Кўп ўтмай унинг раҳнамолигида, шоир Назиржон Баракаевнинг таҳрири билан “Ватан” деган шеърим туман газетасида босилди.

Уша кунлар ҳеч ёдимдан чиқмайди. Мени “Шоир бўлибсан” деб табрикламаган синфдошларим қолмaganди. Дўконга бориб, газетанинг шеърим босилган сонидан бир йўла 10 та сотиб олдим. Менга қолса ҳамма газетани сотиб олгим келарди. Шеърим чиқкан куни деярли ухламадим. Яна бир шеър ёзиб тонгни қаршиладим.

Мактабни битиргач, акам Қишлоқ хўжалик институтига кирасан деб туриб олди. Мен адаби-

ётчи бўламан дедим. Хуллас, ўз айтганимни қилиб, СамДУга икки йил ҳужжат топшириб киролмадим. Кейинчалик Тошкентдаги техникумлардан бирига ўқишига кирдим. Тошкентдаги уч йиллик давр мен учун адабиёт бўйича чинакам сабоқ йиллари бўлди. Бу ерда таникли шоир Азиз Абдураззоқнинг адабиёт тўгарагига қатнашиб, кўп нарсалар ўргандим. Кейинчалик етук ижодкорлар бўлиб етишган Ҳожиакбар Шайхов, Рауф Толипов, Абдулҳай Носиров, публицист Ҳабибулла Олимжоновлар шу тўгаракнинг қатнашчилари эди. Ҳар ойда бир марта Ёзувчилар юшмасида бўладиган семинарга борар эдик. Семинарга Одил Ёқубов мутасади бўлиб, машгулотларниFaafur Гулом, Асқад Мухтор, Пиримқул Қодиров, Миртемир ўтказишарди.

Бир воқеа эсимдан чиқмайди. Шоир Юсуф Шомансур шеър ўқиди. Шеърда “Аразлаган келин-куёвлар кароватни бошқа қўйиб ётмасин” деган сўзлар бор эди. Шунда Миртемир домла Юсуф Шомансурга ҳалимлик билан: “Укам, шу жойини тузатинг. Келин-куёвлар кароватни эмас, ёстиқни бошқа қўйиб ётмасин, деб ёзинг”, деди. Атоқли шоирларимиздан Абдулла Ориповнинг барчага манзур бўлган шеърларини, Эркин Воҳидовнинг “Палаткада ёзилган достон”ини ҳам биз ҳаваскор қаламкашлар шу семинарларда эшитган эдик.

1989 йилнинг баҳори. Шоир Туроб Тўланинг ёрдами билан Дўрмонга бордим. Бу ерда биринчи танишган кишини Шукур Холмирзаев бўлди. Боғда айланиб юрсам, “Жигули”дан тушди-да, мен томон юрди.

– Танишиб қўйайлик, укам! Шоирмисиз, носирми?

– Журналистман.

Шу кундан икковимиз иноқлашиб кетдик. Шукур ака ортиқча мулозаматни хуш кўрмасди. Кўнглидаги гапни шартта-шартта айтарди. Танишганимизнинг эртаси куни: “Нималар ёзгансиз?”, деб сўради. Унинг сўзга талабчанлигини билганим учун: “Ҳозирча ҳеч нарса” дедим. Аслида юз бетлик қиссан тайёр бўлиб, Дўрмонда қайта кўз югуртироқчи эдим. Шукур ака билан адабиёт ҳақидаги сұхбатларимиздан сўнг уни йиртиб ташладим. Кейинчалик унинг ўрнида ўн тўрт бетлик ихчам асар юзага келди.

Бир куни кечки пайт Шукур ака хонамга кириб келди. Бир пиёладан чой ичилгач, “Укам, сизга топшириқ шундай: икки-уч кун ичиди бир ҳикоя ўйланг. Мен ҳам ўйлай. Иккимиз бир-биrimizgaga айтамиз. Майқул



бўлса, маъқул дейман. Номаъқул бўлса... уни ҳам кўрамиз” деди. Кетатуриб қўшиб қўйди: “Билиб қўйинг, зинҳор “Ленин, партия” деган сўзлар бўлмасин. Фақат дардингизни ёзинг. Ҳа, инсоний дард бўлсин!”

Кейин билсам, Шукур ака “Гулистан” журналида “Темур тузуклари” босилгани учун ишдан олинган экан. Лекин устоз ҳеч кимга бу ҳақда арзи ҳол қилмас эди. Ҳикоя ҳақида бош қотира бошладим. Менинг дардим ўзи нима? Тўрт марта олий ўқув юртига имтиҳон топшириб, киролмай, бешинчи сафар кирганимми? Колхознинг пахта экамиз деб боғларимизни яксон қилгани, ҳилвираб турган уйимизни ҳам буздирагч, қишилласида бошпана излаб юрганимизми? Онам бетоб ётганида, ўн уч ёшли акам ўрнига далага ишга чиқса, бригадир: “Сен тирранчага куним қолдими?” деб акамни от билан қувлаганими? Йўқ. Булар ҳам эмас. Менинг бирдан-бир армоним ва дардим отамнинг на ўзини, на суратини кўрганим эди. Отам Катта Фарғона канали курилишидан қайтганинг учинчи куни оламдан ўтган.

Ҳикояда мен тушимда отам билан учрашаман. У қабристондан чиқиб келган бўлиб, эгнида илвираган кафан. Отам мен билан хайрлаша туриб: “Кетар фурратим етди. Кетмасдан иложим йўқ. Эҳ, на чора, ҳали ҳам золимнинг қўлидамиз, ўғлим! Золимнинг қўлида!” деб фарёд чекади. Шу ўринда рус босқинига ишора қилинган эди. Ҳикояни эшитиб, Шукур ака: “Яхши нарса топибсиз, аммо бироз қалтисроқ экан. Лекин кўрқманг, одамзоднинг юзта томири бўлади. Биттаси узилмасаям яшайди. Ёзиша киришинг, менга кўрсатасиз” деганди. Аммо уни ёзишим қийин бўлди. Кўз олдимдан устознинг синчков нигоҳи кетмас, ёмон ёзишдан кўрқардим. Аммо мен уни ниҳоясига етказдим. Ҳикоя республика газеталарида чиқди. Лекин ҳикоя чоп этилиш пайтида ўша “нозик” жой олиб ташланибди.

Биз Шукур ака билан ўшанда йигирма тўрт кун ҳамсұҳбат бўлдик. Устоз ўша кунлар “Обком секретарининг севги саргузаштлари” романинг қўллэзмаси устида ишларди. Бу асарнинг тақдири нима бўлди, билолганим қадар ўзимни ҳаваскор қаламкаш ҳис этиб, ижодий ишга қаттиқ киришмагандим. Бироқ устоз сабоқларидан сўнг адабиёт ҳақидаги ўй ва тасавурларим бутунлай ўзгарди. Унча-мунча нарсани қаламга олмайдиган, аксинча мутолаага зўр берадиган бўлдим.

Шоирлар Тўлқин, Иброҳим Дониш ва ёзувчи Ўқтам Жавлоновнинг далдаси билан “Ёш гвардия” нашриётiga биринчи китобим – ҳикоялар тўпламимни топширдим. Бироқ китоб тайёр бўлиб, босилай деганда нашриётнинг номи ўзгариб, вақтинча “нафас ростлаш” бўлди. Тўплам Ёзувчилар юшмасининг тавсияси билан Сирдарё босмахонасида чоп этилди. Биринчи китоб кўлга теккач, ҳам суюнганим, ҳам масъулият туйғусиданми, анчагача ҳеч нарса ёзолмай юрдим. Кейинчалик изга тушиб, яна ижодий жараёнга киришдим.

Мен табиатан ҳазил-мутойибага мойил эмасман. Лекин бир воқеа бўлди-ю, ҳажвия ёза бошладим. Шуши ҳажвчилиқда ҳам қалам тебратадиган бўлдим. Қишлоғимизда бир киши бор. Кимни кўрса танбеҳ бериб, насиҳат қилади. Ўзини ўта диёнатли, доно санайди. Бир куни тунда ишдан қайтаётсам, икки бош эчкини боқиб ўтирибди. Эчкилар ён кўшнисининг дарахтини



кемирияпти. Шу кечасиёқ “Мирхобид ёки ўкимишли одам” деган ҳажвия ёздим. Ҳажвия нишонга теккан экан. Қаҳрамоним “Нега менинг устимдан ёзасан!?” деб уйимга бостириб келди. Анча пайтгача иккимиз ўнгу терс бўлиб юрдик.

Инсон камолоти, ундаги ўй-фирқлар, эзгу ниятлар ва дунёкарашнинг шаклланишида, жамият тараққиётида, бадиий адабиётнинг ўрни ниҳоятда юксак. Бошқа бирон соҳанинг таъсир кучи билан бадиий адабиётнинг кучини тенглаштириб бўлмайди. Адабиёт инсон ақлигагина эмас, унинг руҳиятига ҳам сингади. Зотан, бадиий сўз юракка муҳрланади. Тошга битилган ёзувдай асло учмайди. Бу муҳрни замонларнинг ибтидоси ҳам, интиҳоси ҳам учиролмайди. Инсоннинг инсонлиги ҳам, бошқа мавжудотлардан айричалиги ҳам сўз билан бўлгани каби, адабиётнинг бошқа тарбияловчи ва таъсир қилувчи воситалардан фарқи унинг сўз санъати эканлигидир.

Сўзни отиб ҳам, чопиб ҳам бўлмайди. Адабиёт орқали бир юракка сингган сўз, минг юракда садо беради. Бу сўзда инсонга меҳр-шафқат, Ватанга садоқат барқ уриб туради.

Миллатнинг миллатлигини белгиловчи ва асрорчи ҳам адабиётдир. Миллий тил бўлмаса, миллат ҳам битади. Фақат юксак бадиий асарларгина она тилимизни бойитиб, асраб-авайлаб авлоддан авлодга етказади. Ахир нима учун зулмкор тузумнинг биринчи ҳамласи Чўлпонга, Фитратга, Абдулла Қодирий ва Усмон Ноңсирга қаратилди. Чунки уларнинг нажоткор ҳар бир

сўзи ўз ҳалқи учун малҳам, мустабид тузумга отилган ўқ эди. Шунинг учун даврнинг улкан сўз усталари аёвсиз маҳв этилди.

Адабиётнинг жамият тараққиётидаги юксак ўрнини, ҳалқ маънавиятидаги муҳим аҳамиятини англаган етук адаб ва шоирларимиз бугунги кунда ҳам самарали ижод қилмоқдалар. Истиқлол берган улкан имкониятлардан самарали фойдаланиб, ҳалқнинг қувончи, орзу ва ташвишлари билан ҳамнафасликда баркамол асарлар яратилмоқда. Лекин шу асарлар билан бирга бадиийликдан йироқ, танланган жанр талабларига жавоб бермайдиган романлар, қиссалар ҳам босилиб турибди. Гоҳо ўшаларга кўз югуртириб (ўқишининг ҳожати йўқ), наҳотки шу китобни сўз санъатидан хабардор киши ёзган ёки шу китобга ижод оламини тушунган киши муҳаррирлик қилган деб, ўйланиб қоласан киши.

Бир зарб билан ёзилган бундай китоблар кошки бир-иккита бўлса. Айрим “ҳозиржавоб” адibu шоирларимиз бир асарнинг сиёҳи қуримай туриб, иккинчисини “ёзиз” ташлашапти. Ижодий сермаҳсуллика ҳеч ким қарши эмас. Лекин китоб китобдай бўлсин-да! Дўкон пештахтасини безаб турган китобда бадиийликдан асар ҳам бўлмаса, китобхоннинг ҳафсаласи пир бўлмайдими? Бундан адабиётнинг обрўси тўкилмайдими?

Яқинда бир шеърий тўплам қўлимга тушди. Унга таникли бир шоир сўз боши ёзибди. Бу ҳам етмагандай китобнинг орқа муқовасига шеърлар сўз боши ёзган шоир таҳрири остида босилганлиги қайд этилган. Тўпламдаги шеърларни атайн сабр билан ўқидим. Алмойи-жалмойи гаплар. Ахир шеър – санъат, ноёб бадиий қашфиёт-ку! Наҳотки, шу шеърларга сўз боши ёзган, таҳрир қилган киши буни ўйламаган. Сабаби нимада? Манфаатдорликми ёки шуҳратпарамастлик? Англаб етолмадим.

Бу сўзларни айтишдан мурод шуки, эзгу ният билан қўлга қалам олган киши адабиётга хиёнат қиласлиги керак. Чала-чулла, саёз ёзилган асарларни улуғлаш, кўкка кўтариш, улар учун нашриёт эшикларини очиб беришни адабиётга хиёнат деб билмоқ жонизdir. Қолаверса, ҳар бир носир ёки шоир Абдулла Қаҳҳор таъбири билан айтганда “муқаддас қаламни” қўлида тутар экан, адабиёт қўядиган залворли юкниям мардлик билан елкасига ола билиши шарт.

## АДИБ ҲАҚИДА

**Абдулла Аҳмад** – 1943 йилда Жиззах шаҳрида туғилган. Сирдарё Давлат педагогика институтининг филология факультетини битирган. Ўзбекистон Ёзувчилар уюшмасининг аъзоси. Ҳозирги кунда “Жиззах ҳақиқати” газетасида адабий котиб бўлиб ишламоқда. Унинг “Мерған” (1992), “Олтин дарахт” (1993), “Элин севган минг яшар” (1993), “Маърифатга баҳшида умр” (1998), “Зафарободнинг зумрад тонглари” (1999), “Юракдаги исм” (2004), “Нажом эшиги” (2005), “Дардисар” (2007), “Умид чироги” (2008), “Олислаган соялар” (2008), “Энди кафил бўлмайман” (2010), “Сенга интиламан” (2011) сингари китоблари чоп этилган.

**Саъдула ҲАКИМ**

## *Самоларда сайрон-сайрон учдим манам*

**НАВОЙ ВА БОБУР**

*Она тили ори, гууруи  
Асрлардан садо беради.  
Навоийдан сўз айта туриб,  
Тилга Бобур келаверади.*

*Олти кунда яралмии олам  
Ва Одам ҳам. Шукрона айта  
Биз февралнинг олти кунида  
Түгиламиш ҳар иили қайта.*

*Ҳали борлиқ қиши уйқусида,  
Ҳали кўзин очмайин бодом, –  
Туркий замин кенгликларида  
Чапараста гуллайди одам.*

*Сен, эй кўнгил, гар тиларсан хўб,  
Сўз сеҳридан умрингга најжот, –  
Мир Алишер этагини ўп,  
Бориб Мирзо эшигида ёт...*

*Она тили ори, гууруи  
Асрлардан садо беради.  
Навоийдан сўз айта туриб  
Дилга Бобур келаверади!*



*Оқил айтар: «Тўёри тушунинг,  
Ҳар не келса келар кишиидан.  
Ёлғони кўп ростидан унинг,  
Хатоси кўп тўғри ишидан».*

*Ошиқ айтар: «Чечак чаманда  
Яшиар офтоб борлиги учун.  
Ҳар инсон бус-бутун меҳр ва  
Соғинчдан иборат бус-бутун!».*

**СЎФИЁНА**

*Муҳаббатнинг шаробини ичдим манам,  
Майкўзани жонон каби қучдим манам.*

*Учқур хаёл учогида ҳайрон-ҳайрон,  
Самоларда сайрон-сайрон учдим манам.*

*Бу дунёнинг минг бир қуроқ матоҳидан  
Ҳою ҳашам либосини бичдим манам.*

*Йўқ замонлар бобом ечган муаммони  
Тўқ замонлар қайта бошдан ечдим манам.*

*Муҳаббатсиз кишилардан бир қуши каби  
Оллоҳёрдан ибрат олиб қочдим манам.*

*Сенинг бўлдим – кимлигимни англашим, ёр,  
Меним бўлдинг – ўзлигимдан кечдим манам.*

*Таърифингда сўзимга ранг, маъно кирди,  
Сўз бозори ичра дўйкон очдим манам.*

**ОДАМ АНАТОМИЯСИ**

*Олим айтар: «Одам зоти ҳам  
Олам ичра ажисб иморат.  
Саксон фоиз танаси сувдан  
Ва қолгани «лой»дан иборат».*

Машиқ териб улуг назм элларида  
Хар сўзимни бугдой каби сочдим манам.

## КЎЗИНГ ҚУЁШИ

Кўзинг қуёшидан куйиб жингалак  
Бўлмишидир соchlаринг, қошлиаринг қаро.  
Кўзинг қуёшидан бўлиб жисизганак  
Менинг ҳам шайдоийи юрагим яро.

Боқсам ёнди кўзим, қара чўгига,  
Куюқ қора тушиби қорачигига.  
Ўчирмаса уни кўзим булоги,  
Билмадим, не бўлар эди буёги?

Ўзинг айт, юрагим куйгани озми,  
Кўзинг қуёшидан, қалбим суюги.  
Ахир, қора қилди қанча қогозни  
Ишқинг ўти ёккан сўзлар куюги!

## БОШИ ТИК ОДАМ

Юлдузларга туташи чўққида, қаранг,  
Тоғлар салобати, кўрки мужассам.  
Туз берган элига келтирап шараф  
Чўққи каби юксак қалб соҳиби ҳам.

Мағрур чорлаб турар, кундузми-кеча,  
Ҳеч қачон урмагай ерга қадрини.  
Бамисли қуёшига интилган чечак  
Миллат унга қараб тиклар қаддини.

Юксаклик қуёшидан бошланар десам,  
Балки жўн қарашибек туюлар бу ҳол.  
Асли ўзи шундай, боши тик одам  
Оёги остини кўражсак яққол.

## ҚАЙФУ ВА ҚУВОНЧ

Тупроқдан яралдинг, эй одамизод,  
Сўнг руҳдан танингга жон бўлди ато.  
Кўрганинг аламу изтироб наҳот,  
Асли яралмиша ўтганми хато?

Иблис алдовига учмаса магар  
Момо Ҳаво йўлдан оздирмасайди,—  
Балки рўй бермасди бу кўргуликлар,  
Кезмасдинг ер узра қувгинди, дайди.

Мағрур бошинг баланд тутиб борасан  
Ғам-гусса тун каби ётирилса ҳам.  
Зулматни ёритиб кетиб борасан  
Кувончни ой каби қучганча маҳкам!



## ОЛТМИШБОЙЛАРГА

Гоҳ ўйлаб қоламан: олтмишига кириб,  
Борми ҳали яна билмаганимиз?  
Не-не юмушларга кўрдик қўл уриб,  
Колмади-ёв дейман қилмаганимиз.

Бу бари бор гаплар, ўтирик эмас,  
Демаганимиз ҳам қолмади ҳисоб.  
Гоҳида қанд едик, гоҳи панд... хуллас  
Емаганимиз ҳам қолмади ҳисоб.

Умр йўлларида кездик қирма-қир,  
Гоҳи яхши, гоҳи ёмони келди.  
Бошдан ўтганини энди бирма-бир  
Айтиб ҳузурланиши замони келди.

Бу ҳам бир баҳт асли. Офтоб изидан  
Осмонга юлдузлар сочишган сиёқ.  
Дуру гавҳар томар кўнгил кўзидан,  
Ўчмас ёшлик руҳи, сўнмас иштиёқ.

Чуқур ўйлаб кўрсан, олтмишига кириб,  
Билғандан кўп экан билмаганимиз.  
Не-не юмушларга кўрдик қўл уриб,  
Ҳали олдиндадир қилмаганимиз!



## УМР ҚЎШИҒИ

Ҳаётнинг талх шаробин ича-ича,  
Умр ўтар ийлларни кеча-кеча.

Оппоқ офтоб қора тун ўғли бўлар,  
Яшил дараҳт қизи қизил олуча.

Ер қўпориб эр йигит боз яратар,  
Гул тугади гул ҳидлаб гул бойбича.

Дили поклар йўли пок эл бўлажсак,  
Шам каби порлаб ёнар то ўчгуча.

Вале нопок инсонлар охиратда  
Қадр томрас Исонинг эшагича.



Чин ошиқлар айланар қатра дурга,  
Тун ва кундек бир-бирин құча-құча.

Битар даврон котиби бир оятни:  
“Отди тонг. Оғди кундуз. Оқди кеча”.

## ФАХРИЯ

Ким Миллий боз сари қўйса гар қадам  
Юксалур Алишер Навоий қадар.  
Ким кезса қўл бериб ҳазрат илкига,  
Дунё айланажак ўзбек мулкига!

## ОШИҚЛАР

Ошиқлар сўз демас билса-бильмаса,  
Ҳар ишига қўл урмас бўлса-бўлмаса.  
Чироқ симларига ўхшар ошиқлар,  
Дил ёнмас, туташув – бўса бўлмаса.



## ДУР ҚАДРИ

Бир дона марварид – момо мероси  
Ётарди қутида чанг-губор босиб.  
Неча дур бирлашиб таманно қилгач,  
Ёр сулув бўйнига кўрди муносиб!

## ШОИРГА

Белни маҳкам боғла, боғлама тилни,  
Ва лекин унутма бир таомилни.  
Оғзингдан киргани ўзингни боқар,  
Оғзингдан чиққани боқади элни!

## АКАЛАР

(Махмуд ва Бахридин акамга)

Акаларнинг елкасида  
Катта бўлар ука зоти.  
Ука юлдузни қўзласа  
Ака бўлар қўкка шоти.

Хов укалар, ёнингизга  
Олиб сулувbekангизни.  
Куллуқ қилиб янгангизга,  
Йўқлаб туринг акангизни.

Гар аканинг кўкси баланд –  
Ука дасти доим узун.  
Офтобани беринг, акам  
Кўлига сув қуяй ўзим!

## КЎРМАДИМ

Кўрмадим ҳеч бир гўзалда кўрганимдек сенда ноз,  
Кўрдиму уйгонди кўксим кўксида ёнгин овоз.

Қайга боқсанг ноз ила нозли чечаклар нозланур,  
Кўзгалур сен юз ўғирган ҳар кўнгилда муз аёз.

Ғайри кўзларга назар бир бора солсанг мингчалик,  
Мен сари минг боққанинг бир боққанингча дилга оз.

Ой сенинг чехрангдадур, офтоб сенинг кўксингдадур,  
Чехранга юз ишқибоз, офтобинга минг ишқибоз.

Кел, баҳор янглиг, Саъдулло умрин обод айла, ёр,  
Ҳам ҳофиз мадҳингни битсин, куйласин то қўлда соз.



Гози РАҲМОН

# ШУКУҲЛИИ КАРВОН

Қисса





## ХИЗР ЮРГАН ДаШТ...

Бундай барокатли дашт Амирлик худудида танҳою ягона, десаям бўлаверади. Абдуллахон замонида За-рафшон суви кўл меҳнати билан Эски Анҳор канали орқали шу кенг даштнинг ярмидан кўпини сероб қилганида Бухородан Қарши орқали Самарқанд сари йўл олган карвонлар, бу даштнинг нақ киндинги кесиб ўтган йўл ёқаларида мевазор боғлар бисёрлиги учун уларга интилмасин, зиёни тегмасин, дея тяляр оғзига тўрхалта тутиб ўтишгани оғиздан-оғизга ўтиб келади. Шимол томони Галатепа-Жом қишлоғи, кун чиқиш тарафи Кеш воҳаси, қибла тарафи Бухорога, оёқ-адоғини Қарши тарафга узатган бу даштга сув келтиришга бот-бот уринишлар кўп бўлган. Чашмиоб сой йўлига тошқалоқ банд қилдириган Араб қизи Жийдагули номи билан боғлиқ Араббанди сепхонасига сув йигифламай қолганидан бери ҳам беш-олти пушт одамлар ўтиб кетган...

Айни кўклам сой ёқаларида қўнғироқ бўлиб гуллайдиган, бойчечак тусли, аммо кўм-кўк сиёҳ ранг Эрбаҳоси Чўлика телпак гуллар ям-яшил майсалар устига сиёҳ тўкилгандай сочилиб ётади. Қизалоқлар уни териб олиб, бошига чамбарак ясадилар. Унинг ғоят шифобахшлигини билган аёллар сояда қуритиб, ич оғриғига даво қиласидилар. Эрбаҳоси бор жойда йигит ўлмас, дегани шундан қолган.

Боши Ургут тоғларига туташган, адоғи Жомда тўхтаган, Офтоб йўли тоғнинг адок тарафида худди шу тоққа монанд чўзилган, аммо ярмини бўйлайдиган Қорақия адирларида Бешчашма деган жилғали юртга, элсарайликларнинг қачон келганини ҳеч ким билмайди. Бу адирларнинг баҳори файзиёб. Ёз бўйи ҳам Бешчашмадаги зилол булоқлардан билақдай сув оқиб туради. Ҳамал тўлишган паллада сой ёқалари қип-қизил лопага тўлиб кетади. Лолабулоқ қишлоғи ҳам шу юртда...

Жанубдан қишилаб қайтаётган булбуллар бу даштни кўналға қилишмайди. Агар турналар қанотига кўниб қайтаётган бўлса ноилож. Чунки тоҷдор турналарнинг қарийб юз суруви кўкламни шу даштда ўtkазади. Жавзогача сабр қилган булбуллар ўз эгаллаган жойини мезбон тўрғайларга қолдириб, тоғ ораларидаи дараҳтзор, бутазор юртларга йўл олади. У ёқда бола очгунча шундай сайроқи бўладики, боғ-роғлар кечаю кундуз қўшиққа тўлиб кетади. Бу ёқда Араббанди даштларида қишлоғва қоладиган тўрғайлар, "сўфитўрғай" деб атальмиш булбулдан бироз катта дашт тўрғайлари субҳи содикдан чулдираб-чулдираб, мудроқ даштни уйғотиб юборади. Айни чошгоҳда даштнинг ҳар ер -ҳар ерида бир-икки арғамчи бўйи баландлиқда ҳавода муаллақ туриб қоладиган тўрғайнни кўрсангиз, факат ерда юришга маҳкумлигингиз, куш бўлиб туғилмаганингиз ёдга келиб, ҳафсалангиз пир бўлади. Салкам икки кулоч қаноти бор чўл бургутлари ҳам баднафс эмас, сабру қаноатда ҳар қандай қанотли жонзотга сабоқ беради.

Аслида ўн беш даҳага бўлинадиган, баъзида саноғидан адашиб кетиб, сонсиз сарой, деган атамага ҳам эгалик қилган бу элнинг минг йиллик макони бўлган Бешчашмага Хизр бобонинг назари тушган. Бироқ адокдаги даштда қудук қазувчилик ҳунари, новвой ёки қассобникидан кам эмас. Қудуқчилар қудук атрофидаги заранг ердан шундай ўхшатиб чим ўядики, гугурт

кути каби терилганда, бири бошқасидан сира фарқ қилмайди.

Араббандининг шундоққина елкасидан ўтадиган Кеш ва Бухоро, Самарқанд карвон йўли ёқасида от бозори бор. Бу бозор йилнинг тўққиз ойида гўшангага кирган куёвнавкарлар олдига тортиладиган тўққиз то-воқ каби ранг-баранг, назар-эътиборли бўлади. Отбозлик, чавандозлик элсарайликларнинг ота-бобосидан қолган. От йигитнинг – муроди, деган нақъ балки шу элдан тарқаган бўлса ажаб эмас. Бу элнинг бойлари яхши насллик отни қаердан бўлса топиб келтиради. Эрону Аффон, Туркману Қирғиз йўрга отларини ҳам шу бозорда учратса бўлади. Элсарайликлар уруғига чатишиб кетган найманлар (улар ўзларини қара найман деб атashadi), қаерда донғи чиққан от бўлса, ўғирлаб бўлса ҳам келтиришни эплайди. Қара найманлар ўзларидан чиққан чапдаст от ўғирларини йигитнинг зўри, каҳрамон сифатида эъзозлашади. Қадим кўнғиротларнинг Мавлеш деган тўфорида ҳам шундайларни учратса бўлади.

Бозор – эл кўрки. Эл ободлиги, ҳунармандлиги бозорда билинади. Араббанди бозорида тилло ёки кумуш безакли юган жиловни, дубулға дастали қамчин, узангию эгар-жабдуқни, тулпор отларни, бели биқинида тойчоги тепиб турган сулув бияларни бир сафга тортилганча, қиблани кўзлаб турганини кўрганда, ишқибоз одамнинг боши айланиши турган гап. Айниқса, бешчашмалик усталар томонидан қўйма, терма пўстлоқдан елимлаб ясалган, аждар бошли, қўйма карсонли эгарларнинг ҳар қайсисига икки панжи қўчқорнинг пулини берсанг ҳам, пулинг ўзинг билан кетади. Эгарсозлик – қадимги касб. Бу ҳунар Бешчашмада қондан-қонга, отдан ўғилга ўтиб келади. Бу элда ёрма жабдуқ, ўрама-бабр ясовчи усталар, ёпиф гиламча тўқийидиган аёллар, чарм пишириб, унга анор пўстидан ранг бериб, айил, пуштан, чавандоз этик ясадиган ноёб ҳунарли усталар ҳам борки, уларнинг таъриф-тавсифи амирликка бориб етган.

Гавжум расталарда бошдан-оёқ от анжомлари бисёрлиги учун анча арzonга тушириб олса бўлади. Юрған йўлида урчук кўтариб, жун йигирадиган момолар терма, араби, ғажари, патгиламларни қотириб тўқийиди. Эркак – оила бошлиғи, от-эшагига чиройли хуржун ташлаб, бозорга боради. Бозор деворига қатор қилиб илиб қўйилган хуржунлар кўзига бегона қўл яқинлашмайди. Кўкламги ёмғир икки-уч марта зиёдрок тушгани учун арпа-буғдой ҳосили мўл бўлади. Камида икки-уч ой сомон шувоқли охур-хаммада дам олиб етилган буғдой донаси лой сувоқдан куч олиб мағзи тўлади. Ҳар бири ўн-ўн беш қопдан дон йиққан дехқон кеч куздан қиш бошланиб, то ёз оёқлагунча от-эшак, тялярда ғалла ортиб унлатиб келгани, тоғ орасидаги серсув қишлоқларга тегирмонга боради. Тоғ орасида нуқра тангайдай сочилиб кетган Лангар ота, Тарагай, Тутли қишлоқларида катта-кичик сув тегирмонлари ке-чаю кундуз ишлайди. Ҳар бир бешчашмалик учун бу қишлоқларга юмуш билан ёки беюмуш келиб-кетишса ёхат ёки зиёрат каби хуш ёқади. Ҳар қайсисида айни кўклам пайти тўлиб тошадиган дарёю дарёчалар, унинг қирғоқлари, ҳатто ўртасида ҳам қиқирлаб-биқирлаб оқиб ётадиган бессаноқ чашмалар сероблигидан чети уч пахса девор билан ўралган токзорлар, ҳар ҳовлида

кўм-кўк суви чайқалиб турадиган ҳовузлар, атрофи чинний райхонлар ҳидини бир марта ҳидлаш, энг та-баррук маскан Лангар Ота мачит-мадрасаси тупроғини "ялаш" ҳам кўпчилик ёшларнинг орзу-ҳаваси. Араббандининг катта бойларидан Жумағулбой ҳам ўша мадрасанинг тупроғини "ялаган". Лангар Ота мадрасасида диний билимлар қатори, дунёвий билимлар, сўз санъати, нотиқлик санъати, фалсафадан ҳам сабоқ берилар, чинакамига илм кувганлар сабоқни Бухорода давом эттирас, баъзилар чекка қишлоқ огулларига имомлик, шариат илмини пишиқ ўзлаштирганлар эса қози калонлик қилиб кетарди.

Дунё яратилган куни Жумада таваллуд топган Жума ўғли, шевада Жумағулбой бир кун келиб минг кўйли машҳур бой бўлиши, унинг бир бошқа саховати билан бус-бутун тўфор бой эл, деб ном олишини, унинг шарофати билан неча қавму қариндош амирлик назарига тушгани, Бухоро ва Самарқандда таҳсил олгани, экин майдонлари кўз илғамас бўлиб кенгайиб кетишини қаердан билсан?

Ўшанда энди етти ёшга етиб, Наврӯз куни бошланағидан хат-савод мактабига бораман, деб шайланиб турганда отажони тўсатдан бандалик қилиб, ўқиши ҳам аро йўлда қолиб кетди. Шу-шу унга мактаб насиб қилмади. Икки акасининг кўй-эчклиларини боқадиган беминнат чўпон бўлиб қолди. 11-12 ёшларда эди. Даштда кўй боқиб юриб, ғафлат босди-да, ухлаб қолди. Уйғонса, сурув бўлинниб кетган, изиллаб йиғлаб, роса қидирди. Йўқ. Оз эмас, салкам қирқ жонлик изи-туби билан йўқ. Қош қорайганда судраниб уйга борди. Бўлган воқеани оқизмай-томизмай акалари Яхшибой ва Кўйлибойларга етказди. Яхшибойнинг сарғишдан келган қизил юзи бирданига ловуллаб кетди:

– Сен бола қачон бўлсаям бизни хонавайрон қиласан. Аввал ҳам бир марта шундай қилгандинг. Тун бўйи от миниб қидириб, тонготарда топган эдик. Бу сафар нима қилдинг? Тайин, ўликдай қотиб ухлаб қолгансан!..

Ака, уканинг кўлидан чўпон таёғини тортиб олиб, хайрият, бошига эмас белига, оёқларига қарсиллатиб ура кетди.

Жумағул айбдор, миқ этмай бosh эгиб турди...

– Уйгинанг куйгур, сен курсоқ кенжатойни, бор жўғол, қаердан бўлса ҳам, осмоннинг устидан, жернинг остидан бўлса ҳам топиб кел! Қуруқ келсанг, ўлдирман!

Борлиқни зимистон ўз қаърига тортиб борарди. Қайдадир Ёсуман кампирнинг қаҳқаҳига ўхшатиб бой-ўғли қичқиради.

Бу пайтда шўрлик эна ҳам уйдан чиқиб бўлган, кори-холдан огох бўлиб, оёқ-қўли қалтираб, тили калимага келмай Жумағул қошига етган, ҳадеб жаварди.

– Жоман тиймадими, болам, ҳах қўллари синсина, Яхшибой бўлмай Жомонбой бўлдинг-а, болам! Мол топилади, одам топилмайди. Жур болам, иккимиз қидирамиз. Жаратган эгамдан жилаб сўраймиз. Барибири топамиз, топмай кўймаймиз, Худойимнинг ўзи жўлимизни жоритиб туради.

Болакай энаси пинжика анча дадилланди. Бирданнига юзини қиблага қаратиб, илк бора дуога кўл очди:

– Э бор Худоё, мениям, энамниям ноумид қилма! Йўғимизни бор қилгин. Ўзингдан сўрайман, Эгам!

Муштипар эна ҳам бу дуога қўшилди.

Эна-бола шошилганча қоронғулик қаърига сингиб кетдилар.

Эна олдинда илдам борарди. Ўғил кейинда, чор тарафга алланглаб энага базур етиб боради. Мол қидиргандан тусмол-таваккал қилиб қидириб бўлмайди. Мўлжал билан, сурувни тушлиқда ётқизган жойга етиб, кейин ўриш томон кетиш керак. Улар эски кўтонтепага етиб келганда, кун ботиш тараф, осмон гумбазининг бир четидан кемтиқкина бўлиб ой чиқди. Узоқ-яқин ёришиб қўрина бошлади. Тоғ тарафдаги сув ювиб кетган арна сойлар ичи, билтанглаб тоққа ўрмалаётган қора илон каби вахимали қўринади.

Йўқолган кўйларни балки ўша қора илонлар ютиб юборгандир. Бундай тусмолни энага айтиб бўлмайди.

“Эна, кўйларимиз хув авави арна сойлар ичиға кириб ўзини панага олгандир...”

“Ким билади, болам, қани ўша тарафга кириб кўрайлик-чи...” Улар яна йўлга тушишли.

Бир пайт Жумағул беҳос ортига қараб, ҳайрон қолди. Улар изидан оппоқкина бир ит эргашиб келарди.

“Эна, анави ит!”

“Ишинг бўлмасин, болам, ортингга қарама!”

Жумағул болалик қилиб қанча қизиқса ҳам, ортига қарашга ботинолмади. Ой ёруғида улкан чинор коваги каби тоққа томон чўзилган арна сойлар сони учта эди. Эна-бола кўрқа-писа учала сойга ҳам бир-бир кириб чиқа бошлади. Сўнгги илинж билан учинчи сойга бурилишганда йўл бошида орқаларидан эргашган оқ ит лип этиб опдинга ўтиб сой ичиға кириб кетди. Бўленинг кетиб, кўздан йўқолган кўйлар кундузи боши оққан томонда ўтлаб юриб, кечкурун нимадандир ҳайиқиб ўзини панага олган, сой тўрида бир-бировининг пинжига кириб, ғужғон бўлган арилардек тўп бўлиб туради. Эртага эрталаб яна офтоб балқиб чиқишидан хабар бериб субҳи козибда ярқираб чиқкан Зухро юлдузи, Ҳисортөғ устига чиқиб қўриниш берганда, эна-бола бўлинган сурувни бутлаб, уйга киришиди-да, тескари тўшалган пўстак устига чўзилишди. Барibir энанинг кўзига уйқу келмади. У қаттиқ чарчаган, “ё тавба, ё тавба” деб пичирлагани-пичирлаган эди.

Офтоб ёйилганда икки катта ўғлини ҳам бирдай чақириб, кўкайидаги иddaони кўндаланг кўйди:

– Икковинг ўнг қулоғинг билан ҳам, чап қулоғинг билан ҳам эшил! Отандан қолган бу сурув – бу кўйлар учаланг ўртандга ҳам теппа-тeng. Ҳатто менинг ҳам ўлимлигим учун бироз ҳаққим бор. Шу бугуннинг ўзидаёқ ўзларинг эп кўриб, Жумағулнинг ҳақини айириб беринглар-да, кўйларингни ўзларинг боқинглар. Менинкини ҳам кенжамага беринглар. Бу кетишида мендан замон ўтса, ўлигимни ҳам зору сарсон қилмай Жумағулнинг ўзига ташланглар!

Укаси орқасидан ўзини бойвачча санаб юрган акалари, ноилож рози бўлишди. Ука улушини ажратиб бердилар. Қўйлар алмашиб кетишининг олдини олиб, Жумағулнинг қўйлари қулоғига қулоқча шаклида эн солишиди. Бир кун келиб, икки ака ҳам шу кенжатойнинг подасини боқиб, жон сақлашини ким хаёлига келтирибди дейсиз...

Энали етим гул, отали етим шўр етим деганларидек, Жумағул ўн олтига кирганда бўй-басти чўзилиб, овози бузилиб, кўй-эчкисига ҳам барака эниб, икки ака-

сининг қўйини қўшиб ҳисоблаганда ҳам улардан ошиб кетди. Ўртсанча ака чўпонликни бўйнига олиб Жумағулга тегишли қўйларни ҳам қўшиб ҳайдай бошлади. Кенжатой фахму фаросат соҳиби, акасининг чўпонлиги учун ҳақмадор ҳакини узмай бериб турди. Катта акани ҳам закотдан куруқ қўймайди. Эна бундан рози бўлиб, яна бир ҳиммат қилди. Кенжасининг пешона юлдузи балқиб турганини сезибми, уни икки-уч тенгқурига қўшиб Лангар Ота мачит-мадрасасига ўқишга жўнатди. Отадан қолган ҳамёнга уч- тўртта тилло танга солишини ҳам унутмади.

Бешчашманинг Самарқанд билан чегарадош тог оралиғида жойлашган Лангар Ота қишлоғи олти қишлоқнинг қоқ ўртасида, мувозанат нуктаси бўлиб қад ростлаган. Қишлоқ ўртасида жойлашган кўхна, аммо ҳашаматли мачит айвони билан беш юз намозхонга мўлжалланган. Ярим ой шаклида курилган гумбазли ҳужраларда талабалар ётиб ўқишиди. Лангар Ота авлиёларига мўлжаллаб Аштархоний ҳукмдорлари томонидан кўтарилиган баланд, маҳобатли хонақоҳларда муazzam руҳ ҳукмрон. Шаҳар қиёфасида гузарларга бўлинган қишлоқнинг ҳар бир гузарида алоҳида меҳмонхоналар ишлаб туради. Бу ўзига хос мусофирихоналар текин, бир бовур элнинг холис хизмати билан ишлайди. Ўшанда Жумағул ўқишга борганида қишлоқда қариб йигирмадан зиёд уруғлар амирлик эътиборидаги эшонлар қаноти остида баҳамжихат яшайтганини кўриб ҳайрон қолганди. Маърифат қўрғони бўлган Мачит-мадраса ёнидаги баланд кунгурали мезанада муazzин беш вақт намоз олдидан аzon айтар, қишлоқ ахли ҳам, каттаю кичик талабалар ҳам намозга шошилар, бир бошқа файзу фаришта атрофда ҳукмронлик қиларди. Ҳужраларда талабалар ёшига қараб жойлашар, домлалар ҳам ён ҳужраларда яшаб, диний ва дунёвий билимларини сингдиришдан чарчамас эди. Бўлғуси талабалар бу ўкув юртига ўз овули оқсоқоли ёки мулласининг тавсия-йўлланмаси билан келар, бу ерда уларнинг алоҳида иқтидори синаб қўрилар, ўзлаштириш даражасига қараб икки йилдан етти йилгача ўқишини давом эттириб, ҳар йили Бухоройи шарифдан келиб имтиҳон оладиган нуфузли домлалар назаридан ўтгач, кимдир катта мадрасаларга, кимдир ўз қишлоқ-овулига домла-имомлик қилгани жўнаб кетарди. Мачит ва Мадраса таъминоти учун ҳукумат томонидан хатлаб берилган "Вақфия" ерларга экиласидан экинлар ҳосилидан ажратиб берилган, боз устига саховатпеша бойларнинг ёрдам кўмагидан баҳраманд эдилар. Жумағул зўр иштиёқ ва ихлос билан икки йил ўқиб домла-имомлик ҳужжатини олиб, Бухоройи шарифга эмас, ўз қишлоғи Араббандига қайтди. Бош сабаб, энажони қариб қолганди. Жумағулнинг асл муддаоси бойбадавлат бўлиб, топган-тутганига ишониб, керилиб юриш эмасди. Нияти Баҳовуддин Нақшбанд йўли- "Дил ба ёрудаст ба кор" тарзида қалбни Аллоҳ билан маҳкам боғлаб, ҳалол меҳнат билан кун кечириш эди. У аввало лалмикор дехқончилик сир-асорини ўрганди. Ота месрос бир жуфт ҳўқиз, омоч, бўйинтуруқни ҳар йили иккитадан кўпайтириб 10 жуфтга етказди. Оби-тобида ер ҳайдаб, дона сочган дехқоннинг косаси оқарди. Кигиз кимники – билак шуники, деганларидек, Жумағул шудгор пайтида сираям хизматкорларига қараб ўтирай, бир ўзи навбатма-навбат икки жуфт ҳўқизни омочга

кўшиб, ўнг кўлда гаврон, чап қўли билан омоч тишини ерга маҳкам ботириб, майдон айланарди. Унинг бу хатти- ҳаракатидан улгу, завқ-шавқ олган ёлланма шудгорчилар ҳам хўжайндан қолишмасликка интилиб, жон-дили билан меҳнат қилишарди. Унинг йилдан-йил кенгайиб борган даласида ҳеч ким, ҳатто ҳўқизлар ҳам фирромлик қилишга ботинолмасди. Бой бува ерни ҳам, ерга эгилган ҳар кимсанинг ҳам ҳақига хиёнат қилмас, Худойим ҳалолидан берсин, деган жумлани бот-бот такрорлар эди. Буғдо ранг, хушрўй юзли, ҳар қандай эшиқдан эгилиб кирадиган полвон гавдали, бир оз қисиқ кўзлари билан тикилиб қараса ерни тешадиган бой хокисор, ҳалимликда ҳам олдинда бўлган. Фалла ўроғи пайтида мана-ман, деган ўроқчидан кам ўрмас, янчиб совуришда "майда" қўшигини овози борича айтиб, ҳуштак чалиб шамол чақиришда ҳам устаси фаранг эди. Жумағулбой ўттиздан ошиб қирққа яқинлашганида тўрт ўғил, тўрт қизнинг отаси бўлганидан ташқари, сурув-сурув қўй-эчкили, бияли, туяли заминдор бойга айланиб улгурди. Унинг даласида зигири кунжут яхши бўлади. От жувозлар кечаю кундуз ишлаб, бирданига косага солиб, нон ботириб еса бўладиган тотимли ёғ эл-элат, қавму қариндошдан ташқари атроф бозорларни ҳам обод қилишга яраб қолганди. Ўзбек бой бўлса, хотин устига хотин олади, деган гап Жумағулбойнинг шаъни-шавкатига кўпам ярашмайди. Уст-устига туғиб, учта қорабош фарзандини ерга берган Зарбуви беморланиб, рўзгорга ярамай қолди. Ўзи рози бўлиб бегини уйланишга кўндириди. Кимдир айтганди: соғу сандал, егулик-ичкилиги кам бўлмаган эркак қирқдан ошгач, то-пилса, ёш қизга ўйланиши керак.

Шунга амал қилибми ёки бошқа важданми Жумағулбой ўйланди. Қайси тарафдан дейсизми? Айнан кун чиқиши тарафдан. Мойбалиқ дегани чашма кўзидан бўлади. Агар чашма суви оқиб дарёга қушилса, мойбалиқлар ҳам анҳор балиқларига қўшилиб-чатишиб мазали ширмой балиқлар дунёга келади. Филон пари қишлоқ. Унинг қизлари дарё сувига юзини чайса, оқаваси адокқа, Кеш водийсига оқиб тушади. Кешлик қизларнинг хушрўй, каклик кўз, шўх-шодон бўлиши балки шундандир. Кешлик келин Зарнигор, олам жаҳон ҳусни малоҳатдан ташқари, Араббанди воҳасига бир бошқа назокат, одобу икром, меҳмоннавозлик, фахму фаросат, файзу тароват ҳадия қилганини айтмасак бўлмас. Аввал бошдан Жумағулбойнинг мол-мулки учун вақтида закот бериши, олиқ-солиқ, хайру эҳсонни мунтазам адо этиши ҳақида ишорат қилгандик. Зарнигор суряча хотин бўлиб тушган йили қирқ қозонда ош дамлаб, шундай тўй бердики, тўйдаги беримнинг таърифи тилларда достон бўлди. Бу тўйдаги кураш-кўпкарида нақ Чироқчи хонжони Азиз тўранинг ўзи кайвонилик қилди. Чопағонлиқда, бел олишда чуйит, қушчи полвонлари бир тараф, Кеш-Китоб полвонлари бир тараф олишиб, тақимлашдиди, элсаройда бундайи бўлмаган эди. Той ёки байтал миниб, кўпкарига кириб томоша қилган ҳам, қўлига улоқнинг қили-да тегмаган отлиқ ҳам, курашса-курашмаса ечиниб, даврага чиқкан ёш бола ҳам, кафтига туфлаб тенгқурига талаб солган қария борми, бирортаси ҳам совринсиз қолмади. Тўйга келиб бир кечада кўноқ бўлган меҳмонлар Араббандига сиғмай кетиб, ён-атроф хонадонларга бориб жойлашди. Энг қизиги, ўша оқшом меҳмон тушган хонадон

борки, ҳаммаси қўноқчилар баҳона қозони қайнади. Мехмонjonлар орқасидан хонадон бола-чақаси ҳам шўрваю паловдан баҳраманд бўлди. Кўпда Хизр бор. Кўпнинг дуоси кўл. Кўпинча Ҳайит кунида ёрилиб уладиган мечкайлар чидаб берганига қойил!..

## АМИР МЕХМОН БЎЛДИ, УНДАН АНТИҚА ГАП ҚОЛДИ

Бугун ҳам Араббанди даштини саҳархез тўрғайлар чулдираб уйғотди. Ҳали тўрғайлар уйғонмасдан бурун уйғонадиган Жумағулбойнинг ёдига лоп этиб кечаги кун тушиб, хушёр тортди. Куни кеча пайшанби, айни тушда Чироқчи хонжони қабулида бўлиб, изн сўрадида, анчадан бери кўнглида туғиб юрган муддаосини айтиб ёрилди:

– Жаноби бек, анчадан бери хаёлимни банд этиб келган бир хоҳиш-истагимни сизга баён этсам, ҳою ҳавасга йўйманг.

– Гапираверинг, сиз билан яқин биродармиз.

– Шу десангиз, Амиримиз сиз билан яқин қарин дошлигидан фойдаланиб, ул зотни хонадонимизда бир кунга меҳмон қилиб, дуоларини олсанм девдим.

– Билмасам, кучингиз етармикан? Айтмоқчи, Амиримиз аёнлари билан Араббанди бозорига от олгани келади. Уни худди шу жойда Шахрисабз begi ҳам кутиб олади. Унинг ҳам Амирни бир жойда меҳмон қилиш нијати бор. Ундан олдинроқ мен оғиз соламан. Йўқ демас. Бўлди, олиб борамиз. Жойни Кўштегирмон адогидаги чорбогингизда қиласверинг. Гужум садалар сояси энг мақбул жой. Ҳозироқ уйга қайтиб, тадорик кўраверинг.

Хўш, аввал бошига иккитагина туюнинг бўз бола тайлогини сўйиб, ҳалимга соласиз. Икки қўзи қўчкорни Амиримиз оёқлари тагига сўясиз. Оқ шўрва, оҳ-воҳ шўрва. Яхнаю тандир, Қалқаманинг ширмой балиғи, Каттақўрғон майизи, Чиялининг ёғли ҳалвоси, пашмак парвардаси, яхна гўштидан қилдиринг. Ор келса, отингни сот, деган гап бор. Шу баҳона бироз яйлов ҳам сўраб оласиз. Тила тилагингни, деб қолса, яна бамаслаҳат иш қиласиз...

Бу гап ёдига тушган бойнинг юраклари ҳапқириб кетди. Хайрияти, кеча кечқурун чорбоқа бориб туяларини сўйдирган. Туя гўшти солинган ҳалим қозонга тушиб, билқ-билқ қайнаб тургандир.

Худоё, ўзинг шарманда қилма!..

Амир бозорга кирса, аввал кўй бозорини оралаб, қўчкорларни томоша қиласди. Кўнглига ўтиrsa, бир-икки жуфт бурама шохли уришқоқ қўчкор олади. Кейин албатта от бозорига ўтади. Бугун эса Амир кўй бозорида тўхтамай, тўппа-тўғри от бозорига ўтди. Жумағулбой айни шуни кутганди. Той бозорида ўн беш чоғли тойни ўнглаб бир четда кутиб турганди.

Амир кўпам шоҳона кийинмаган, йўл уст-боши билан ҳам салобатли кўриниар, бозорда гўё ундан бошқа бирорта харидор кўзга ташланмаётган эди.

– Ҳув анови қизил қашқа жийроннинг нархи қанча? Эгаси бўлса тортиммай айтаверсин.

Амирнинг сўрови тақрор-тақрор эшитилганда, Жумағулбой саман той ортидан чиқиб, жавоб қилди.

– Тақсир, баҳолаш сиздан.

– Айтаверинг, мол сизники!

– Амирим, тойнинг баҳоси йўқ. Бироқ сўрадингиз, айтайин. Қирқ тилло берсангиз бўлади.

Амир рози бўлиб ҳазиначисига имо қилди.

Жумағулбой шоша-пиша Амирга қуллуқ қилди.

– Тақсирим, шунча йўл юриб, босган изларингиздан айланай, шу ғунонга кўнглингиз кетибдими, биздан сизга арзимас ҳадя бўлсин. Ҳиммат қилиб қабул этсангиз, бошимиз этагингизда. Амрингизга кўра бозор қоидаси бўйича нархини айтган эдим. Ҳазиначи иримида икки тилло берса бўлди.

– Баҳай, баҳай, кўлингизни беринг, шунга розисиз?

– Мингдан минг розиман...

Жумағулбой эгилиб келиб, Амирнинг қўлни олди. Ўпид тавоф қиларкан, анча дадил овоз билан деди:

– Амирим, агар лозим кўрсангиз қадамларингизга ҳасанот, хонадонимиздан бир пиёла чой ичиб кетсангиз. Элсарой номидан айтишга жазм этдим.

– Ҳа, хонжон ҳам айтган эди. Энди бормасак бўлмас. Сизга руҳсат, тадорик кўраверинг.

Жумағулбой қушдай енгил бўлиб, отига минди-да, қанот чиқариб чорбоғ томон шамолдай учди.

У чорбоғга етиб келганида чанг кўчаларга қалин сув сепилган, сада ва ўриклар соясидаги шоҳсупаларга жулҳирс, ғажари гиламлар тўшалган, пар ёстиқлар кўйилганини кўриб кўнгли хотиржам бўлди. Энг катта супадан бошланган поёндоз сифатидаги патли гиламлар бир хилда тўшалиб катта кўчагача олиб чиқилгани ярашиб турарди. Ичкарида эса кешлик келин барча егулик-ичкуликнинг тузини тотиб кўришдан бошлаб, чойнак-пиёла, чиннивор ювиб-артилгани, қайси дастурхоннинг қаерга мос келишини назоратга олиб, кўйиб-пишмоқда. Унга томон юриб, яқин келган бойнинг суюкли хотинига тобора ҳурмати ортиб, тилига келгани шу бўлди:

– Бегойим, Амир келаяпти, шошилинглар, уялиб қолмайлик. Амир мамнун бўлиб кетса, сизга алоҳида тухфамиз бор.

– Қуллук, қуллук, бегим.

– Ҳалим тайёр, совиб қолмасин-а. Шўрванинг оловини пасайтириб, шопириб туринглар! Мис офтобаларни йўлга чиқариб, ҳар бирига биттадан хушрўй йигитчаларни кийинтириб, кўл ювдиришга шайлаб қўйинглар. Ўзимизнинг ўғиллар ҳам шулар орасида бўлсин. Айтмоқчи, уларнинг ҳар бири қўлга сув қуяётгандада "Бисмиллаҳир роҳманир роҳийм, валака мислика золика" дейишни унутмасин. Кешдан келган ошпазлар бедана, каклик, қирғовул гўштларини пишириб, тайёрлаб кўйдими? Чиялининг яхна гўштидан икки карсон буюрган эдим. Касбидан келтирилган гулдор сопол лаганларга солдириб кўйсангиз.

– Бегим, ҳаммасига ўзим қарайпман. Амиримизнинг пой-қадамларидан айланай!

– Яна бир нарса ёдимдан кўтарилипти. Ҳув четдаги супада пешин намози учун патгиламлар устига жойнамоз тўшатиб кўйинглар. Балки овқатдан олдин пешин намозига ўтишар.

– Хўп, хўп бўлади, бегим...

Орадан тахминан бир ош пишгулик вақт ўтгач, кўча бошидан жарчининг овози эшитилди.

– Одамлару одамлар, эшитмадим деманглар, Элсаройга Бухоро Амири ташриф буюрмоқда. Йўл бўшатинглар!

Бундай хушхабар Араббанди водийсида илк бор янграомақда эди. Ҳамма ҳушёр тортди. Қизиги, итлар ҳурмай, товуқлар қоғламай, эшаклар ҳанграмай, отлар кишнамай кўйди. Негадир гўдакларнинг ҳам овози ўчди.

Жумағулбой ёнидан носқовоғини олиб, тилининг тагига бир отим нос ташлади. Бой ота носнинг кайфини олишга базур улгурди. Кўча бошида қумғон ушлаган йигитлар бирваракайига "келаяпти" деб қолишиди. Бой тили тагидаги носни бир четга туфлаб юбориб, йигитчаларга буюрди:

– Отларни ушланглар, сувлиқ юганни олиб, белини бўшатиб, якка михга тортиб, ҳар қайсисига бир боғдан кўк беда ташлаб қўйинглар.

Бой ҳовли олдида кутиб олишга сабри чидамай, кўча бошига чиқди. Амир аркони давлатининг қораси кўринганида, эгилиб таъзим қилиб турди. Аркони давлат қирқ кишидан кам эмас. Вазирлар, ҳазиначи, қозиу қузот, лашкарбошию ўн чоғли қуролланган сарбозлар, ҳатто бош Мадраса имом ҳатибигача ҳамроҳлик қилмоқда эди.

Бой аввало Амирнинг оти жиловидан тутди. Унинг отдан тушишига қўмаклашди. Эгасини авайлаб, мувозанат сақлаб ерга туширган ҳар бир от яна эгалик бўлди...

Амир беқасам тўнли йигитча қўлига қўйган сувдан баҳраманд бўлиб, унинг оғзидан чиқкан "Валака мислика золика" дуосини эшишиб, хотиржам бўлди-да, Жумағулбойга юзланди:

– Бир четда таҳорат ушатиб, пешин намозига ўтсан.

– Мана бу четда, чорбог буржида ҳожатхонаю таҳоратхона, офтобалар бор. Марҳамат, Амирим.

Амир изидан ҳамма ўша томонга юрди. Имом ҳатиб хушвовоз экан. Азонни шундай ўҳшатиб айтдики, намозхонлар паст овозда жўр бўлиб турдилар. Намоз сўнггида имом дуойи хайр қилди. Унинг дуоларидан таъсирланган бой қўзларига ёш олди. Аллоҳу акбар! Аллоҳу акбар! Сендан улуғ ким бор?...

Амир аввало бир қишлоқ бойининг дастурхонида нимаям бўларди, деб бироз менсимаган эди. Туя гўшти солинган ҳалим изидан оқ шўрва, лаззатли парранда гўштлари, Каттақўғон майизи, Маймоноқ бодоми, Самарқанд нони – ҳамма-ҳаммаси иштаҳани қитиқлаб, томоқдан ўтгани ҳамоно, ҳузурижон бўлиб сингиб кетарди.

Айниқса, қўзи гўштидан бошқа ҳеч қандай ма-саллиқ солинмай пиширилган оқ шўрвани ҳамма бай-байлаб иди. Оқ буғдой унидан қаймоқ суртиб тайёрланган патир оқ шўрвани янада ҳуштаъм қилиб юборди. Охирроғида ҳазми таом сифатида тортилган қатиқли гўжа жойига тушди. Яхшиям бу даштнинг ҳавоси енгил. Агар шу овқатни шаҳарда танаввул қилинса, ҳар қандай зўрни бўктириб қўиши тайин. Хитойдан келтирилган қирмизи чойнакларда аччиққина қилиб дамланган чой нафс қуткуси билан ошқозонга тушган кетма-кет гўшту ёғни жигар устидан пуркалалётган зидди заҳар билан баб-баравар парчаламоқда эди. Тоғ оралиғидаги Қуруқсој қишлоғи токзорларида етишган қора лўнда узум сувидан ичи сирланган хумларда оби-тобига келтириб тайёрланган мусаллас ич-ичдан қиздира бошларди. Иштаҳа очилиши би-

лан бирга меҳмонларнинг қулфи-дилини очиб юборди. Жумағулбой, Амир унга зимдан бот-бот қараб кўяётганини сезиб қолди. Нигоҳлар учрашиб қолганда Жумағулбой бошини бурмасдан кўзини ё юкорига, ё пастга олар, ичимдаги дардимни Амир билармикан, Худованда, ўзинг Ҳаллоқ, унга етказ, дея ич-ичдан илтико қиласади. Амирнинг фахму фаросати эса бойнинг ўзига етарлича дарди борлигини бозордаёқ англаб етган, пайти келса гап очиши мўлжал қилиб турганди. Хайриятки, дастурхонга фотиҳа тортилди. Амирнинг хос мулласи хайру эҳсон зиёфат учун узундан-узун дуойи хайр қилди. Ҳамма унга қўшилди. Кўпнинг дуоси кўл. Амир мамнун жилмайғанча Жумағулбойга қаради:

– Элсаройнинг ҳимматли оқсоқоли, зиёфат учун ташаккур! Биз энди қўзғалурмиз. Иншооплоҳ, бугун кеч Қарши бегининг меҳмони бўлурмиз. Бирор истагингиз бўлса, тортинманг...

– Амирим, ҳимматингизнинг чеки йўқ. Агар мумкин бўлса, анови Отқамар томондан бироз яйлов, лалми экин қилиш учун ер берсангиз... Элсаройда фахму фаросати ўзига етарли оқсоқол бўладиган йигитларимиз бор. Шулардан баъзи бирорларини танлаб берсак, маҳкама хизматига олсангиз. Яна беш-тўртта муллавачча йигитларни шариат илмидан чуқурроқ сабоқ олишлари учун Бухоройи Шариф Олий мадрасаларида ўқиб, илм олишларига изн берсангиз. Охиргиси эса, ижозатингиз билан меҳмонларимизнинг табаррук елка-ларига биттадан тўн ёпишимизга розилик берсангиз...

– Баҳай, баҳай, давлатингиз бундан-да зиёда бўлсин! Малолли юмуш сўрамадингиз.

Кейин бош мирзога ўғирилиб деди:

– Жумағулбойга сўраган ерларини аниқлаб, ҳозирнинг ўзида "вақф" ёзиб беринг. Толиби илмларни бемалол Бухорога жўннатаверинг. Ҳалиги бўлармон йигитлар билан Чироқчи хонжони шуғулланади. Бошқа гап-сўзингиз йўқми?

– Жўқ, жўқ, э, йўқ, тақсирим! Умрингиз узок, ризқингиз фориғ, сояи давлатингиз бундан-да зиёда бўлсин! Олий ҳимматингизга тасанно!

Амирга зар қўшиб тикилган Кеш дўпписи, Бухорий зардўзи тўн, каштали камар-пўта, қолганларнинг ҳар қайсисига симобий беқасам адрес, кимхоб тўнлар ёпилди. Меҳмонлар қўзғолдилар. Ўрнидан тураётган вазирлардан бири қўполроқ ҳазил гап қилди:

– Элсаройлик бойининг ҳаммаёғига жир битиб, қўтонигача ёғ босган экан. Қўтонбой десаям бўлаверади. Туф, туфай, илоё қўз тегмасин! Амир ҳам ҳазил аралаш мамнуният билан айтилган жайдари гапга бош ирғаб, кулиб қўйди. Олий зотнинг самимий кулгуси унинг ҳам эътирофи сифатида қабул қилиниб, орадаги нокулайликни кўтарди.

Жумағулбойнинг ўзи бу гапни мақтаниб ҳеч кимга айтмаса ҳам, чор атрофга тез тарқалди. Бойнинг уруғаймоғи эса сўраб-суриштирганга бу гапни кимсан Амир айтган, деб оғзини тўлдириб мақтандиган бўлди:

“Асли бойликни Бой Отамизга Худонинг ўзи берган. Ҳаммаям Қўтонбой бўлавермайди-да. Ана Барот тўқсона бизнинг тўфордан чиқкан, ерларимизнинг поёни йўқ.

Бухоройи шарифни битирган муллаларимиз, берилиб аzon айтса, овози Маккага етади.

Томиримиз жантоқнинг томиридай сувга етган...

Тўфор аҳлининг мақтанганича бор эди. Жумағулбойнинг шарофати барокатга айланди.

Яйловларнинг кенг-мўллиги дехқончилик ва чорвага барака киритиб, мағзи тўқ, ўқимишли илму одобсоҳиблари эса эл-улуснинг бошқарувига яраб қолганидан бисёр хотиржам яшаб келгани бор гап.

Жумағулбой давру давронини шуйтиб ўтказди. Ундан нима қолди? Бироз қўполгина Кўтанбой деган ному, ҳалолу поклик, элим-элим, деб эмранмугу бир чимдим орият қолди. Саксондан сакраб ўтишу Ийом, Ўроз, Ирза, Маҳкамбой деган ўғиллари қолди. Улар отасидай ном чиқарган бой бўлмаса ҳам, яхши зуvalадан тўкилган урвок каби ўз бошича тотимли зурёд бўлди. Бундай зурёднинг ҳеч бўлмагани увол-савобни биладиган, шайтоний, раҳмоний туйфуни дарров ажратадиган, икковнинг ўртасига кирса, оғзига қаратадиган, озгина қишишайганки бор, эпга соладиган одамшавандада бўлгани ҳаммасидан аъло. Бильякс ҳар тўкисда бир айб, дейдилар. Улар орасида бехос бировга яхшилик қиласман деб, ўзига гуноҳ орттириб, минг пушаймон ёб, дунёдан ўтганлариям бор. Иккинчи қисм шу ҳақда...

### МАҲКАМБОЙНИНГ ТАВБАСИ...

Отани кўрган ўқ йўнар, онани кўрган тўн бичар. Отасиз ўғилнинг ўмгани, онализ ўсган қизнинг кўкраги катта. Кимгаки, отали, онали бўлиб вояга етиш насиб этса, бу – беармон тақдир тухфаси. Кимгаки туғилган тупроғида яйраб-яшамоқ, қариб-қартаймоқ насиб этса, бу ҳам беармон толе. Кимниги пешонасига бола-чақа битиб, изида қолса, буям армонли дунёning таскину юпанчи...

Араббандилик Маҳкамбой, кимсан донғи кетган Жумағулбойнинг кенжак ўғли, танглайи илик мойи билан кўтарилиган, киндиги остонаяга қўмилган. Ҳар кун тонгда адашмай чиқадиган офтоб нурига чўмилиб, хулқу одобдан ками йўқ, бола-чақасидан бошқа ғамий йўқ бўлиб, қирчиллама ёшида билиб-билимай хато қилиб, умр сўнгига минг пушаймон қилиб турган жойни кўринг...

Ул зотнинг пушти камаридан бўлган Нарзилла бой айтарди:

– Отамиз раҳматли саксондан учтагина ошиб, қазо қилдилар. Бобомиз ҳам шу ёшда қазо қилган. Отанинг ёши бир марра-да, болам. Куни битиб ризку насибаси тугаб бораётганини олдиндан сезган шекилли, мени ёнларидан сира жилдирмади. Ҳар сафар бироз ўзига келганида, улгuriб қолайин, деб шаҳодат калимасини тақрорлар, бироз нафасини ростлагач, ичидан чиқаётган ҳасратидан тутун кўкка ўрлар, хўнг-хўнгийнглар, тутила-тутила тилига келгани шу бўларди:

– Астағбуруллоҳ, астағбуруллоҳ, тавба қилдим, тавба қилдим, Эгам! Ўзингга сифинаман. Ўзинг кечир! Мени кечирармисан? Агар кечирмасанг, чин дунё – жаннатинг менга насиб қилмайди. Ахир, билиб-билимай қилган гуноҳим учун кўрган азобидан кам бўлмади. Шўримни қарангки, оз эмас, никоҳли бўлиб, жамисидан ўн саккиз фарзанд кўриб, ўн бештасини кўшқуллаб тупроқка бердим-а. Кўрган-билганим шу учтагина ўғилга овуниб, суюниб турибман. Астағфируллоҳ, шунысига ҳам шукр! Тирноққа зор қилиб қўйса, қаёққа борардим. Уччовгинапаринг бир бўлиб, Нарзулла, сен

бош бўлиб, тепкилаб-тепкилаб кўминглар. Қолдирадиган мерос-насиҳатимга амал қилинглар. Бола-чақаларинг кулогига маҳкам куйинглар!

Ёлғону ўтриқдан от миниб қочинглар. Зинҳор ва зинҳор қасам ичманглар! Ҳеч қачон ёлғон гувоҳлик берманглар! Икки нафсини тийганга Оллоҳ ўзи барака ато этади. Даври қиёматда ҳақ азобидан қўрқинглар!

Отам дунёдан ўтгач, ул зотнинг тириклигида қандай кабир гуноҳи бўлганини сўраб-сурингиридим. Кўпчилик елка қисди. Бироз англаганим шуки, отам тириклигида билиб-билимай қилган гуноҳларини эсга олиб, тавбага ҷоғланган. Отамизнинг гуноҳларини Ўзинг мағфират қил! Ҳозир бир учини чиқарай, эринмай эшитсангиз, сизгаям ибрат бўлар...

Бурунгининг бир топишмоғи бўларди: Сой-сой қамиш – сой қамиш, сайланиб турган бир қамиш. Жавобини оқсоқол, кайвони, марқа, бек ёки хон деб айтиса, тўғри бўлади.

Жумағулбойдан сўрашди: “Бойбува, ўзингиз олий-ҳиммат, яхши одамсиз. Шоли курмаксиз бўлмаганидек, элимизда онда-сонда чиқиб турадиган ёмонларнинг ҳам тарафини оласиз. Ёмон бўлса, қилмишига яраша жазосини олсинг-да...”

“Қўй бўрисиз, эл ўғрисиз бўлмас. Яхши ҳам, ёмон ҳам менинг ўзимдан. Шоир айтади: Орқаси бор орқасини мақтар мудом. Орқаси йўқ марқасини мақтар мудом. Ўша ёмон менинг ёмоним. Ёмон кунимга ярайди, ҳали ҳеч ким шаҳардан тобуткаш ёллаб кетмаган...”

### ДЕВОНА КЎНГИЛ...

Ишқу муҳаббат ҳаммадан кўра Тангри Таолода бисёр, мўл-кўл. Раҳиму Раҳмонни кўринг. Ўзидан эп кўриб, бир чимдим меҳр заррасини шу Заминга, борлиқ хилқату жонзотга берган. Одам Ато, Момо Ҳавога берган.

Инчунун одамзод зурёди Ишқи Аллоҳдан бенасиб эмас. Дарё тўла сув, ит дегани тили билан ичади деганларидек, меҳру муҳаббат туйғуси ҳам бировда кўп, бировда оз. Бировда ботиний, бировда зоҳиран.

Кўтонбой тўфоридан Тошбой дўймбирачиники, анча-мунча ошкор бўлганидан ташқари серғалвалиги ҳам бор. Тошбой тўрт қиздан кейин пайтани топлиб туғилиб, сўйумчик, эркароқ бўлиб ўсади. Мўйлаби сабза уриб, овози дўриплаб қолганида ҳовлисидан иккى уй нарида, елкасига ип солиб кудуқдан қовға тортаётган қизни кўриб қолди. Тўғриси, Тошбой бу қизни аввал ҳам бирда- ярим кўрганди. Эътибор қилмаган экан. Э, бу Каримкул қудуқчининг от чоптириб юрадиган қизи Мисқол-ку. Каттариб қопти. Сахти-сумбати бўлиқина, ранги сариқ ҳам, оқ ҳам эмас, раъно гулига монанд, ўсма-сурма кўрмаган қош-кўзлари ўйнаб турибди. Офтобда қизгиш, сояда коровут кўринадиган майдо ўрим кокиллари ироқи дўпписию ғижим рўмолидан пастга осилиб туради.

Ҳали охурлар тўлишига анча бор. Қизнинг нозик елкаларини арқон қийиб қизартирган шекилли, тишини тишига қўйиб ихраб-ихраб қўяди. Айтмоқчи, қудуқ бошида ҳам кимдир бор. Яна бир қиз, синглиси шекилли, тўлиб чиқсан қовғани охурга ағдармоқда. Шу туришида Мисқолни бошқа бир бўйдоқ йигит кўриб қолса унчалик ошиқ бўлмас. Бироқ Тошбой негадир дадил бўлиб гап қотди:



– Мисқол, кел, бироз ёрдам берай!  
Мисқол ёнига кимдир келаётганини сезса ҳам, кимлигига эътибор қилмаган эди, бехос бурилиб қаради.  
– Тошбой ака, сизмисиз. Жўғай, ўзим эплайман. Ҳар кунги ишим-да.  
– Бер, берақол, қара, нозик елкаларингни арқон қийиб кетипти. От-увловларинг жўқми?  
– Жувош байтални отам қаққадир миниб кетган. Бойловдаги отни қудукқа қўшиб бўлмайди. Яхшиси ўзим..

– Бер энди, сенга раҳмим келди.  
Мисқол қизариб-бўзариб арқонни берди. Тошбой қўлига туфлаб, арқонни оларкан, қизга деди:  
– Сен энди кетиб қолма, худди шу ерда, шунда тур. Сув тортиш баҳонасида сени бир кўриб олай.

Қиз индамай ерга қаради.  
Ер ҳайдамоқ – бормоқ, келмоқ, дегандай кудуқдан сув тортмоқ ҳам боришли-келиши.

Мисқол кудуқ бошидан ўттиз қадам берида турибди. Тошбой – бўз йигит. Икки-уч чеълак сув сиғадиган қовғани тўлдириб тортар, кудуқ бошидаги қизгина сув тўла қовғани базўр охурга ағдарар, унинг қийналаётгани Тошбойнинг хаёлига ҳам келмас, елкадаги юкли арқонни писанд қилмай Мисқол сари интилар, етганда қизга бошдан-адоқ тикилиб тўймас, агар панароқ бўлса, борасолиб қулоқлаб ўпишдан ҳам тоймас эди.

Чамаси ўнинчи боришда охур липиллаб сувга тўлди.

Йигит юрак ютиб, қизга гап қотди:  
– Мисқол, менга жоғиб қолдинг! Қош қорайганда шу кудуқ жонига келасанми?  
– Билмасам, иложи бўлармикан?  
– Бирор баҳона топарсан, майлимни?

Ўша куни қош қораймоғини интизор кутган ҳамма эмас, икки ёш бўлди, десак чиппа-чин бўлар. Тошбой ҳам, Мисқол ҳам илк учрашувда айтмоқчи сўзларини тинмай тақрорлар, юраклар дупуридан танада сезгин қалтироқ ҳукмрон эди. Бу ёғига "тавба," деса бўлади.

Қишлоқдаги девор-дармиёnsиз ҳовлиларнинг ҳар бирида биттадан ит бор. Ит бўлганда яна қўрибосар. Чакириб келганинг ҳар бири қўлида узун арқон ёки таёқ бўлмаса, қирқ йил опдин ўлиб кетган момосини кўради.

Хонадон аъзоларидан бирори безовтароқ бўлса яхши ит ҳаммадан бурун сезади. Ҳавога отилган кесак қўринмай қоладиган бўлганда, Тошбой қийшайиб уйдан чиқди. Йигит бехабар, Бўйноқ изидан индамай эргаши. Қудуққа яқин келганды Мисқолнинг кораси қўринди. Хайрият. Бироқ қиз изидан ҳидини олиб келаётган яхши ит Тўрткўзни ҳеч ким сезмади. Ими-жимида титроқ қўллар бир-бирига чирмашганда, икки яхши ит бир-бирига ташланиб, ғириллашиб қолса бўладими? Буни ҳеч кутмаган ошиклар бараварига овоз чиқарди:

– Бўйноқ, Тўрткўз, кўзинг кўрми, мен ўзим...  
Таажӯкуки, итлар овози бирдан ўчди. Бир-бировини ҳидлаб-ҳидлаб нари кетди. Ана бу бошқа гап. Титроқ қўллар яна чирмашди. Ҳеч гап-сўзсиз йигит қизни бағрига олди. Балоғат ҳидлари туташди. Илк бўса таъмидан қўш юрак аввал жўр бўлиб, дукиллади. Қўш бадандаги титроқ бирдан босилди. Тақрор-тақрор бўса хуружидан ловуллаб ёнган ўнг ёноқ, чап ёноқ

ҳоври босилди. Лаблар лабларга интилаётганди, қиз йигитни тўхтатди:

– Тош ака, бугунга етади. Ҳаддингиздан ошманг.  
– Пари қиз, эртага ҳам келасизми?  
– Эртага кўзи-улоқларни ҳайдаб Узунжар тарафга чиқаман.  
– Эртагача барибир соғиниб қоламан. Тушларингга кирсам майлимни?

Улар ноилож, бироқ мастона ажралдилар.  
Ўзаро ҳид алмашган итлар ҳам мамнун, лўқиллаб, эгалари изидан эргаши.

Ошиқлар пинҳона кунда, кунора учрашиб юрдилар. Ўзларича аҳду паймон қилишди. Бироқ "насиб"ни айтишмаган экан...

Йигит ҳаяллатмай совчи қўйди. Бирдан рад жавобини олди. Қудуқчи қизини Чоркўсалик касбдош ошнасининг ўғлига ваъда қилиб қўйган экан, бермади. Тошбойнинг отаси ўртага оқсоқолни аралаштириди. Барибир бермади. Қудуқчи ошнасига хабар қилди. У ёқдан тўй тезлашиб кетди. Мисқол зор-зор ялинди. Буёқда сўйганим бор, деб айтольмади. Кўзда шашқатор ёш билан эллик чақирим нарига келин бўлиб кетди. Кўевга қўнгилсиз, шўр пешона, шўр тақдир...

Бундайин кўз ёшли чимилдиқ ҳеч жойда бўлмади. Мисқол пари қақшаб қон бўлди. Куёв ҳайрон, лол бўлди. Чилла дегани завол бўлди.

Энди гапни буёқда қолган Тошбойдан эшитинг. Тошдай оғир, босиқ йигит ўз-ўзидан енгил табиат бўлди.

Аввал ўзига-ўзи гапирадиган Мажнунга ука тутинди. Кейин қўшиқ айтди. Қайдандир дўмбира то-пид келиб, устоз кўрмай чалиб ётди. Маймонақдаги Хўжамуродбахши Отани қирқ кун тунаб қайтди. Ҳуй-ҳуйлаб, бўй-бўйлаб айтадиган баҳши бўлди. Бундайроқ баҳшидан яхши бўлди. Аввал "Тоҳир-Зухро" ни, кейин, "Вомиқ Узро"ни айтди. Азага борган дардини айтуб йиғлади. Қай тараф тўйга борса, айланиб айтгани – Мисқол, Мисқолой бўлди...

Маҳкамбой кенжা ўғил бўлгани учун Бой ота меросидан олгани бир чимдим зиёд бўлди. Ҳаммадан олдин ўзини тутди, ёмон кунни унутди. Ўғил отадан бир баҳя кам бўлади дегани рост шекилли, унчаям ошиб-тошиб кетмади. Жумагулбойга қиёс қилганди, Амир тугул, хонжонни ҳам уйига таклиф қилганини ҳеч ким эшитмади. Бироқ Авазбек деган ошналарига қўшилиб, анчайин шариатбоз бўлганини эл билади. (Бу жумланинг қисқа шарҳи шуки, ўша даврнинг шариат қонун-қоидаларига қаттиқ амал қилувчи, талаб қилувчи қозиларга яқинлик) Икки нафсини тийгандан балойи бад ҳазар қилади. Ризқу рўзини ердан топадиган одамзод ер учун талашиб-тортишмаган куни борми? Қўтонбойлар уруғига бироз наридан туташдиган Карчин (Буям бир сарой уруғининг тўфори) тўфори ҳосилдоргина 100 таноблик ер устида талашиб-тортишиб келади. Жумагулбой даврида бу жойга Қўтонбойлар эгалик қилгани тайин. Катта бойнинг замонида Карчинлар тилини тишлаб юрарди. Энди улар гимирлаб қолишган. Миш-миш тарқалди. Карчинлар сотиб-совуниб, одам йўллаб, Амир даргоҳига бош суқиб шу ерга "васиқа" олишибди. Кузги шудгор олдидан йиғилиб шу "васиқа"ни эълон қиласмиш. Бу гап-сўз ҳаммадан кўра Маҳкамбойга ёқмади.

Маслаҳат қилгани уста Дангал билан Авазбой ёнига борди. Улар гапни бир жойга қўйишиди. Карчин-

лар Дўнгтепа устига жамланган куни Маҳкамбой ҳам беш-олти оғайниси билан жийин (йигин)га борди. Маҳкамбой ширин гап-сўз, устакорлик билан Карчинлар оқсоқолига деди:

– Биродар, моли-мўмин жони-мўмин, ери мўмини хуни мўмин, деганлар. Яхши кору хайрга қўл уриб-сизлар. Энди орамизда ҳеч қандай низо бўлмайди. Васиқа-хукми Амир. Оқсоқол, ўша "васиқа"ни буёқа беринг-чи, бир ўқиб кўрайлик. Табаррук хатни кўзга сурмоқ керак-да. Мана шариатбоз Уста Дангал, Аваз-беклар ҳам ўқисин, буёғи хотиржамлик бўлади. Оқсоқол ийиб кетиб, Маҳкамбой томон таъзим қилди-да, "Хат"ни унга берди. Самарқанд қофози пишиқ қофоз. Ҳусниятни мирзо ёзган. Аммо муҳрида озгина хилофи бор. Буни икки шариатбоз ҳам, Маҳкамбой ҳам сезди. Маҳкамбой қўлидаги хат аввал бироз титради, кейин бирдан қўл билан болаликдан оғайнини бўлган оғизга равона бўлди. Бақувват тишлар орасида чайналиб, ютилиб кетди. Хуллас Маҳкамбой "васиқа хат"ни ҳеч нарса кўрмагандай осонгина ютиб юборди. Бирор билди, бирор билмай қолди. Кўли қуруқ қолган, бор илинжидан айрилган Карчинлар оқсоқолининг "э, э" дейишдан ўзга ҳоли қолмади.

Маҳкамбойнинг охирги гапи ўлганнинг устига тепган бўлди.

– Оғайнилар, бу ернинг "васиқа" си Жумағулбой билан бирга кетган. Бойнинг танаси чириб кетгандир. Лекин эринмай қидирсан, уни албатта топамиз. Гап та мом-вассалом. Уй-уйга тарқаламиз!...

Орадан олти ойу олти кун ўтди. Тошбой бахши Мисқол парига етаман, деб кўкрагини захга бериб, ётгани йўқ. Дарду дилини ҳар жойда, ҳар кимга айта-айта "ўйтиб-буйтиб" ўзини юпатиб юрди...

"Ёзи билан Зебо" изини қидириб Майманоқба борди. Қовчинда "Тоҳир Зухро"нинг тиканли мозорини та-воф қилди.

*Ай ёронлар айтайина, айтайн,  
Яхшини топиб, ёмондан қайтайин  
Қиз боланинг баданида оловча бор,  
Кўй гўшти, қуруқ ёғи паловча бор.  
Аҳайласанга, кўй қўшилмас подага  
Рўмолингни ёниб илгин ходага.  
Мисқол пари, қоматингдан айланай  
Бўйларингга бори умрим садага.  
Дардим ёмон, рангим сомон, отим ориқ,  
Ишку дардим азобидан кулар осмон.  
Толеимдан висол эмас, минг пушаймон  
Қўшиғум қўшиқ, томогум тешик  
Бир бурда нон берсанг, айтаман қўшиқ.  
Мисқолойни бир кўрсам ҳам, бас эди  
Ҳеч кўрмасам тупроқ, хору хас эдим...*

Фиж-фиж юлдузли осмон эди. Кимгадир висол, кимгадир армон эди. Чоркўса овулида аломат тўй бўлаётган эди. Мехмонлар қўноқ жойдан чиқиб, тўй-хонага тўп-тўп бўлиб йигилаётган жойи эди. Давра ўртасида тараша ўтинданд ёқилиб, унга кимдир ермойи сепиб турганди. Мардон бахши зардоли дўмбирасини қўлга олиб, тўйга муносиб куй изидан бўтадай бўзлади. Гўрўғлидан бошлаб Авазхондан қайтди. Ухшатиб айтди, қақшатиб айтди. Ўртада ёзилган белбоғ, қофоз пул,

пошшойи тангага тўлиб кетди. Навбат Тошбой бахшига келганда қиз-жувонлар орасидан кимдир "вой" деб юборди. Бу овоз ёш баҳшининг қулоғига ҳаммадан бурун етди. Бахши энтика-энтика шундай жўшиб айтди-ки, эшитган қулоққа майдай ёқди. Ахир дунёнинг энг толмас қанотли қўшиғи Ишқ қўшиғи-да. Ва лекин Тошбой бахши ўхшатди. Ошиқлик термалари орасига асталик-усталик билан кўнгил дардини қориб-қориб пуркаб юборди. Дилнома айнан Мисқолга, Мисқолойга қаратилган эди.

– Мисқолим, жоним, жаҳоним, сенсиз дилим вайрон, умрим хазон. Ҳозирнинг ўзида мен билан кетсанми? Ҳув нарида, тўйхона ортида Жийрон қашқа отим гижинглаб турибди. Чиқсанг бас, иккимиз қанот чиқариб учамиз, висол қучамиз. Нарёғи Худо пошшо!!!

Устоз бахши барибири зўр-да. Ундан бошқа ҳеч ким Тошбойнинг ишоратини сезмади. Мардон бахши қўлини кўтарди. Тошбой тўхтади. Навбат Лўли шоирга берилди. Қаршилик Лўли шоир кўхна айтишувни бошлаганида, Тошбой секин қўзғалди. Қўлида зомбирча дўмбира билан оти томон юрди.

### ЭЙ ОШИҚЛАР ПИРИ, ЎЗИНГ МАДАДКОР БЎЛ!

Ё Худойимай, ана омад, мана омад, Мисқолой паранжига ўралиб, беллари буралиб, кўзи ёниб, минг бора қувониб, Тошбой отининг ёлларини силаб турибди.

– Мисқолой, жоним, ўзингмисан. Хайрият, тушунисбон.

– Тош ака, кетдик, кетайлик!

– Мисқол, сен олдинга ўтири, яхши бошқарасан. Мен кейинда, қулоқлаб кетаман.

– Тош ака, менга ит теккан, яна юзимга солмайсизми?

– Ҳали ит экан, чўчқа бўлса ҳам, сен менга ҳалолсан, Мисқол!

Ҳар қандай яхши от эгаси кўнглини дарров сезади. Ризқ берган хонадонга тинмай интилиш эса ҳар қайси жониворнинг суюкли одати.

Жийрон қашқа кун ботиш тарафни кўзлаб, ўқдай учиб кетди. Туёғидан ўт чақнаб, қулоқлари орасидан жаннат шамоли эсиб, ғайрати жўшиб кетди. Ҳадемай манзилга етиб боради. Отнинг нақ калласидай келадиган юраги, устидаги қўш юрак билан жўровоз тепаётган, тўрт оёғи ҳам уларга жўр бўлиб чопаётган эди.

Эрта тонгдан Чоркўсада дув-дув гап тарқалди. Фалончининг келини фалон билан қочипти. Вой шарманда, асли бузук экан-да.

Эр бўлмиш тўрт-беш йигит билан дов тўкиб Тошбойнига борди. Бахши кўриниш бермади. Мисқолойнинг ўзи чиқиб рад жавобини берди:

– Сен менга эр бўлмадинг, қаро жер бўлдинг. Дароров талоғимни бер! Мард бўлсанг аяма! Бер, берақол, ялиниб айтаман. Мен энди Тошбойни бўлдим. Шунча хўрланганим етар.

Эр бўлмиш ори кепдими, узангига оёқ тираб, учталоқ, минг талоқ, осмондаги юлдузча талоқ, деб охирида тилга олиб бўлмас сўз билан сўкиб юборди...

– Эна талоқ, ҳароми Тошбойнгга айт! Мен уни уруғ-аймоги билан зинданда чиритаман!

– Билганингни қил. Ҳезалак, ҳезалаксан!



Ҳар қандай балойи бадга олдиндан рози бўлган баҳши Мисқолойни ҳаяллатмай никоҳига олди. Чимилдиқ, ирим-сирими эса ҳовлидан ташқарида қолди.

Эндиғи гапни Чоркўсадан эшитинг. Сонсиз саройнинг ҳар тўфорида ўзича орият, ул нари, биз бери деган гап бор. Тошбой кўшиқ (унинг шундай номи ҳам бўлган) билиб-бilmай бир тўфорнинг қилдай нозик ориятига тегиб кетди. Бундай пайтда ким ҳам қолади. Беш-үн кайвони жам бўлиб, шариат қозикалонини кидириб кетди. Арзномага жами әркагу аёлнинг бармоғи ранглаб босилган эди. Қуруқ қошиқ оғиз йиртади. Нафс қозонига бир бўлак думба ёғ тушиб, жази эриган қозикалон маҳкамма миршабу мирғазабларини олиб, айнан Тошбой кўшиқнинг тўфори Беклибой ургунининг ўн чоғли оқсоқолини айбдорга қўшиб, бўйнига арқон солиб, ертўлага қамаб ташлади. Бош айбдор, ёки айбига икror келиндан бир оғиз сўраш ҳеч кимнинг хаёлига келмади. Аввал бизга таниш уч шариатбоз Уста Дангал, Авазбек, Маҳкамбой яна иш берадиган бўлди. "Учлик" дегани узоқ талашиб-тортишди. Хайриятки, тўртинчи одам йўқ. Тепада Аллоҳни аралаштириб, режа тузишиди. Яна олдинга Маҳкамбой кўқрак кериб чиқди. Ахир битта ёмон деб шунча гуноҳсиз оқсоқол зиндонда ётадими? Қолаверса, ўша ёмон ҳам ўзимизнинг ёмонимиз. Баҳташ таваккал.

Маҳкамбой кўчма қозихона олдида тиз чўкиб, шаҳодат калимасини айтиб гувоҳлик берди:

– Қозикалон жаноби олийлари, шариат ҳукми-олий ҳукм. Ҳақ таоло олдида гувоҳлик бериб айтаманки, бу ўринда эл оқсоқолларида зарра гуноҳ йўқ. Бу аёлни ҳам ҳеч ким ўша ёқдан олиб қочиб келгани йўқ. Ўзи, ўз оёғи билан ота-энасини кўргани келган, шу ерда Тошбой би-

лан топишиб аҳду паймон қилган. Аёлнинг ўзи аввалги эридан талоқ олиб, баҳшининг никоҳига кирган. Ишон-масангиз, ўша номард келиннинг ўзини чақириб сўранг. Маҳкамбой Жумагулбой ўғли номим билан айтаманки, Тошбойда ҳам, эл оқсоқолларида ҳам гуноҳ йўқ. У ёғи ўзингизга ҳавола.

Қози катта китобини узоқ варақлаб, бир тўхтамга келди. Бир гап бўлмаса, шундай баобрў бой ўзини тикика тутиб, гувоҳлик берармиди?

Қозикалон ишорат қилди. Бўйнига сиртмоқ солинган оқсоқоллар қозикалонга ҳам, Маҳкамбойга ҳам тасанно ўқишиди. Маҳкамбойнинг гувоҳлиги бироз ўтрикка қорилган бўлса ҳам, уни фош этишга ҳеч ким журъат тополмади. Аслида Маҳкамбойнинг соҳта гувоҳлиги Тошбой ва Мисқолга қайишгани, тўфорига қайишгани эди. Яна тепадаги катта Қозидан бошқа ким билади дейсиз?


Ҳамманиям Худо яратган. Ўша пайтда боши эгilib қолган эр бўлмиш тарафдан қарғанмаган одам қолмаган экан. Мен қиласман тўққиз, Худо қиласади ўттиз. Ҳеч бир тўққиз ўттизга тенг келармиди?

Маҳкамбойнинг бир чимдимгина имони борлиги учун умрининг сўнгги чорагида тиллари тавбадан тушмади. Ўлеми олдидан ўғли Нарзуллабойга мерос сифатида тайин қилгани ҳам ўша тавбаларининг шарҳи ашъори эди. Ота ўғил, падар ўғитига, тавбасига, икрору ибратига амал қилиб яшади. Бола-чақаларини ҳам шунга ўргатди. Орадан уч-тўрт пушт ўтсаямки, зурёдлар боболарининг ўша тавбасини, икрорини сира унтишмайди. А, буям бир эски ривоят-да, деб қўл силтаб кетишмайди. Баракасини берсинг!

– Ўтганларни Ўзинг мағфират қил, Эгам!

**Араббанди, 2012 йил, мезон...**





*Икром ОТАМУРОД*

## *Рұхдан сизған нұр*

**Достон**

*Рұх ягона, тан эса юз мингтадир.  
Жалолиддин РУМИЙ.*

\* \* \*

*Тонг аввали.  
Ёйиб чодирин қуюқ  
кетгиси келмас түннинг...*

\* \* \*

*Үттар кимларгадыр бүйсуніб замон,  
замонга бүйсуніб үттар кимлардыр.  
Кимларнидир чөлтиб ташлагай замон,  
чөлтиб ташлагай замонни кимлардыр.*

*Кимлардыр доим үстериб келади,  
мавжудким,  
замоннинг имконларини.  
Бод лўкиллаб чор тарафга елади,  
қовоқ уйиб,  
солус тўкар гумонларини.*

*Кимлардыр енгади,  
дуч келиб бирдай  
қатор-қатор замон тўсиқларини.  
Йилларни  
йилларга боғлаб чингирдаӣ  
давом эттиради йўл ийсиқларини.*

*Компаслардан чиқиб кетған улуғлар  
дилида Шарқу Farb муштарак макон.  
Кундуз байзо ҳувуридай тўлуглар,  
шабда қамар сиймосидай нурафшон.*

*Кенгайтиб гардуннинг бағрин тобора,  
арз сийратини яинатиб дам-дам,  
баланд ва қуйининг макони аро  
тикади қатимлар қатини маҳкам.*

*Ботиннинг зимнидан боқиб нигоҳи,  
манзарини англаб етгай зоҳирнинг.  
Қалбига жсо этиб замоннинг оҳин,  
улуглар порлатар нури моҳирни.*

*Дунёни ғалвирда элар аёвсиз,  
замон гоҳ ёндошиб,  
гоҳ эса зойи.*

*Келаяпти замон занжираiga бовсиз,  
руҳин иниосини битиб Навоий.*

\* \* \*

*Қалб вуслатида ўтди,  
Тааммул тобин тутоди –  
Ул зот.*

*Меҳрнинг туфроғидир,  
Мурувват булогидир –  
Ул зот.*

*Ҳайрат водийсин тайри,  
Фикрат бозин пир – дайри –  
Ул зот.*

*Ириод лавҳига зуҳр,  
Жон сувратига муҳр –  
Ул зот.*

*Дард маскунин асрори,  
Субутнинг собит ёри –  
Ул зот.*



*Тажарруднинг тугидир,  
Сабрнинг қоқ чўзиидир –  
Ул зот.*

*Иноят тақдир тарий  
Сафо этган Муштарий –  
Ул зот.*

*Иймоннинг соғ манзили,  
Сўзиурким, ишиқ тили –  
Ул зот.*

*Руҳни руҳ айлаган ҳур,  
Ўзи – руҳдан сизган нур –  
Ул зот.*

\* \* \*

*Базрингга нигоҳим қададим мазҳар –  
синоатин кўрмоқ учун оламнинг.  
Базриндан топмоқни истадим мазҳар –  
соғлигин  
қуроқлар чандган оламни.*

*Базрингни интизор қўмсадим мазҳар –  
оламни руҳимга этмоқ бўлиб нақши.  
Базринда яшадим,  
яшадим мазҳар –  
оламга руҳимни айлай дея бахиш...  
“...Мазҳари ҳусну жамол  
йўлди юзинг андоғим,  
Шод этиб олам элин,  
лек мени маҳзун қилди...”*

*...Интиқ талпинади ҳажр йўллари,  
висол манзиллари қақраб –  
хўрсинар.  
Музтар –  
битмай бузилган бино хиллари,  
очилмай,  
ёпилган эшиклар синар.*

*Суманбар саболар ёзда жизиллаб –  
узатар қалбларга мурувватларин.  
Изгирин изларин излар изиллаб,  
мазҳарнинг тўзгитиб сурувватларин.*

*Зими斯顿 ситилиб...  
... Бир чимдим нурда  
доғларин унумтиб туради мазҳар.  
Ёнлик бўлмаса қалбимдаги қўрда,  
мазҳарга ҳамдамлик қиласмидим, гар?*

*Курбни қувватга эндиради тайин,  
қайсики,  
қалб тубида бўй тортган сукут.  
Ва, түфроқда унган тўқ ургудайин  
руҳ – қалб ила мазҳарни этолгайдир бут...*

*“... Барча жаҳон аҳлига зоти ниҳон,  
Мазҳари асмоу сифоти жаҳон...”*

*... О, мусаффо тонг,  
о, мусаффо тонг,  
олам осмонини мунаввар айлар,  
сирар не гардларни,  
ҳолин этиб танг,  
туманлар гайбурин турса-да қайраб.*

*Найсон ришиналарин улар –  
дайрода тикиб,  
дайро базрин бериб оқар оқсолар аро.  
Узвийлик топшиса –  
бир-бираига интиқиб:  
чодираси кенг дунё,  
мавжслари тўлгин дайро...*

*“... Эрур ҳақ сифоти ададдин барий,  
Булар ҳар бири бир сифот мазҳари...”*

*... Ҳақиқат –  
мазҳарнинг томири берк дарахти,  
мазҳарнинг қалбга қадалган туги –  
ҳақиқат.  
Ҳақиқатда юксалгайдир мазҳарнинг рапти,  
мазҳарнинг тус қаватида ҳақиқат қат-қат.  
Нақл борким:  
“Ҳақиқат ердан ҳам кенгроқ”.  
Қўзигулми,  
чинорми ернинг бўйидир.  
Борлиқнинг борига қаралса бундоқ,  
ҳақиқат,  
аслида,  
қалбнинг рўйидир.*

*Баъзан кўзни қамаштиради жило,  
тўзон кўзни хира торттирган тахлит.  
Ҳақиқат мустаҳкам тутганча,  
илло,  
қалбнинг мазҳарини қилгайдир яхлит.*

*Ҳақиқат истайди:*

*юлдуздай ёниб,  
ойдаин порлашни  
имкон бўлса, гар.  
Куёши ҳароратига бойланиб жони:  
ҳақиқат – шуъладир,  
ҳақиқат – мазҳар.*

*Ҳақиқат маскани маконлар эмас,  
шамол ҳам эмасдир сарсиган сар-сар.  
Ҳақиқат маскани – сира ўзгармас  
руҳнинг ботинида жойлашган мазҳар.*

\* \* \*

*Руҳдан сизган нур – ҲУР.  
Хурдан сизган нур – РУҲ.*

*Руҳ бергайдир борин ҳур борлигига,  
Ҳур бергайдир борин руҳ борлигига.*

*Руҳ аритгай маҳзун ҳур қайғусини,  
Ҳур аритгай маҳзун руҳ қайғусини.*

*Руҳ туфроғдир эзгу ҳур томирига,  
Ҳур туфроғдир эзгу руҳ томирига.*


*Руҳ гуллатгай ҳақиқ ҳур мўғжасини,  
Ҳур гуллатгай ҳақиқ руҳ мўғжасини.*

*Руҳ ҳамдамлик қилгай ҳур сукутига,  
Ҳур ҳамдамлик қилгай руҳ сукутига.*

*Руҳ жовиддир сезиб ҳур сезимини,  
Ҳур жовиддир сезиб руҳ сезимини.*

*Руҳ чарогон бўлур ҳур шамъи ила,  
Ҳур чарогон бўлур руҳ шамъи ила...*

.....  
.....Руҳ + нур = ҳур .....  
.....Ҳур + руҳ = нур .....  
.....Нур + ҳур = руҳ .....



\* \* \*


*Умр – лаҳза,  
умр – дақиқ.  
Руҳга эши бўлса тарзи,  
Ҳақ дилга дилдоши ҳақиқ.*

*Умр – томчи,  
умр – найсон.  
Даҳрга оҳин санчиб,  
баҳрда йўрттар ҳар ён.*

*Умр – қатим,  
умр – чигин.  
Кундуз ризоси татим,  
лайл тийраси нигун.*

*Умр – гард,  
умр – ларzon.  
Маконда қовжироқ дард,  
замонга тобе ярzon.*

*Умр – қадам,  
умр – марра.  
Ерга тўши уриб дам-дам,  
кўқдан узилган зарра*



*Умр – учқун,  
умр – олов.  
Ботинда хўрсинган ун,  
зоҳирда товсиз жилов.*

*Умр – кўзгу,  
умр – парда.  
Ўзга солгайдир ўзгу,  
ўзга тоши отар зарда.*

*Умр – ёзиқ,  
умр – тарам.  
Қувончга бўлиб ҳозиқ,  
синиб, чўзилгайдир гам.*

\* \* \*

*“... Навоий, чорадин кўп дема сўзким,  
Ғамингга чорасизлиг чора бўлмиш...”*

*...Бул қалбимда армон-армон  
бўлиб-бўлиб ётар гам.  
Бул қалбимда хирмон-хирмон  
тўлиб-тўлиб ётар гам.*

Бул қалбимда дайро-дайро  
оқиб-оқиб ётар гам.  
Бул қалбимда айро-айро  
боқиб-боқиб ётар гам.  
Бул қалбимда тоғлар-тоғлар  
чўкиб-чўкиб ётар гам.  
Бул қалбимда оғлар-оғлар  
тўкиб-тўкиб ётар гам.

Бул қалбимда томир-томир  
отиб-отиб ётар гам.  
Бул қалбимда замир-замир  
ботиб-ботиб ётар гам.

Бул қалбимда йўлин-йўлин  
чўзиб-чўзиб ётар гам.  
Бул қалбимда бўлин-бўлин  
тўзиб-тўзиб ётар гам.

Бул қалбимда уммон-уммон  
қалқиб-қалқиб ётар гам.  
Бул қалбимда тумон-тумон  
ҳалқиб-ҳалқиб ётар гам.

Бул қалбимда бино-бино  
қуриб-қуриб ётар гам.  
Бул қалбимда гино-гино  
сўриб-сўриб ётар гам.

Бул қалбимда узун-узун  
боғлаб-боғлаб ётар гам.  
Бул қалбимда ўзин-ўзин  
доғлаб-доғлаб ётар гам.

*B .....*  
*Y.....*  
*L.....*  
.....*K*  
.....*A*  
.....*L*  
.....*B*  
.....*I*  
.....*M*  
.....*D*  
.....*A*



\* \* \*

*Шамс.*  
Йироқ кетмагин.  
Яқин ҳам келма.  
Масофанг тақсимин асра мўътадил.  
Қишига нуқул сарсар,  
изгирин имла,  
фарт этибон,  
ёзни қовжиратмагил.

Иқлимнинг тақалли ямогин енгид,  
ўзингни бирдайин тутолсанг вазмин:  
новдалар маркига сифотинг сингиб,  
боради улгайиб дараҳтлар азми.

Саҳрода от қўйиб,  
чўпчиған самум,  
нурларинг қоқилаб,  
чақиб,  
чангитиб,  
тақир тақронига қорганча тамум  
янтоқлар нишига илади титиб.

*Шамс.*  
ҳароратингдан унган ҳарорат  
куннинг умидларин порлатсин,  
бале.  
Кўксинг тирнаса-да ўтруқ зарорат,  
фуругинг қалбларга айлагин толе.

*Фақат,*  
ҳароратинг сояларга эндирма,  
соялар солусга тилмоч қатма-қат.  
*Шамс.*  
Сенга неки илҳақ,  
зор қилма,  
ҳароратинг-ла илҳақликка бер тоқат.

*Шамс.*  
Зинҳор-зинҳор этмайин канда,  
хос борлиққа ҳароратинг улантири.  
Қалблардаки,  
ҳароратга айланда,  
қалбларни-ки,  
ҳароратга айлантири.

\* \* \*  
...Тонг охири.  
Очиб бағрини интиқ  
келгиси келар куннинг...




*Турсунбой АДАШБОЕВ*

## АРРАЛАНГАН ГИЛОСЛАР

### ёхуд устознинг кўз ёшлари

Эссе



Минг тўқиз юз олтмиш саккизинчи йилнинг апрел ойи эди. Ўш вилоят газетасида хизмат қилардим. Одатдаги иш кунларининг бирида муҳарриримиз каминани ўйқлатиб қолди. Хонага кирсам, диванда Одил ака ўтиради. Унга қадар устознинг қатор ҳикояларини ўқиган, Тошкентда бир неча марта кўрган бўлишимга қарамай, шахсан таниш эмасдим. Ҳалимжон ака Ҳамиджонов мен ҳақимда меҳмонга қисқача маълумот бергач, муддаога кўчди:

– Одилжон “Литературная газета”нинг топшириғи билан келибди. Шаҳар билан танишириб, кўмаклашинг. Машина хизматларингда бўлади.

Ташқарига чиққанимиздан кейин, Одил ака: – Наримонов номли мактаб яқинми? – деб сўраб қолди.

– Шаҳардан бироз ташқарида, Қорасув туманига қарайди.

– Ана шу мактабнинг ўқитувчиларидан иккичаси “хўжалар билан қораҷалар” ўртасидаги кешишмовчиликлар ҳақида, куда-андачилик тўғрисида газетага муаммоли мақола ёзишибди. Шуни текшириб, масалага аниқлик киритиш имконига керак.

Устоз билан маслаҳатга маҳси кийдириб, дастлаб туман халқ таълими бўлимининг мудири билан биргаликда Одил ака мақола муаллифлари билан учрашиб, масалага нуқта қўйиб, томонларни муросага келтириди. Учинчи куни машҳур геолог олим Иброҳим Ҳамробоевнинг киндик қони тўкилган Ўзган шаҳрини томоша қилдик.

Ҳалқимизнинг улуғ ёзувлари Одил Ёқубов билан дастлабки танишувим шундай кечган эди. Устоз билан иккичи мулоқотимиз у кишиFafur Fуломномидаги нашриётда наср бўлимини бошқараётган пайтда юз берди. Таржима бўлимининг мудири Ҳасан Тўрабеков:

– Сизни устоз йўқлаяпти, менимча, “Синган қилич” бўйича баъзи мулоҳазалари борга ўхшайди, – деб қолди.

Одил ака билан йўлакда учрашдик.

– Турсунбой, бормисан, юр, хонага кирайлик. Тўлаганнинг китобини русча вариантда ўқиганман, таржима қилаётганингни эшитиб қувондим. Бу – масаланинг бир томони. Асар яхши, аммо Қўқон хонлиги ҳақида Қосимбековдан анча аввал ёзилган китоблардаги эски гапларни Тўлаган ҳам қайтариб, айрим ўринларни суюлтириб юборган. Айниқса “корачопонлар”га ошиқча бўёқ ва урғу берган. Бу эса масаланинг муҳим томони. Шуни ҳисобга ол. Муаллиф билан учрашиб, қисқарадиган қисмлари бўйича ундан ёзма тилҳат олиб Ҳасанга топшириб кўй. Омад тилайман.

Устознинг хонасидан чиқиб, Ҳасан ака билан китобдаги такрор ва ошиқча ўринларни аниқлаб олдик. Орадан кўп ўтмай Т.Қосимбековнинг тилхатини Ҳасан акага топшириб, таржимани Дўрмонда давом эттирдим.

Бир йил ўтиб, “Синган қилич” романи катта нусхада чоп этилди. Асарга акс-садо яхши бўлди. Таникли олимлар Ҳайдарбек Бобобеков ва Мухтор Жўраевлар ижобий тақризлар ёзишли. Ўзбекистон



халқ шоири Хуршид Даврон “Синган қилич”ни ўқиб... деб номланган шеър бағишлиди. Таржиманинг босилиши муносабати билан (Пушкин боғида) ҳозирги Абдулла Қодирий номидаги боғнинг чойхонасида шинам дастурхон ёздим. Ўша куни оқшом Одил аканнинг уйида кўноқда бўлдим. Шу тарзда устоз билан сұхбатларимиз қовушиб, борди-келди одат тусига кирди.

Бу орада мени “Чўлпон” нашриётига хизматга чақириб қолишиди. Сўзида событ таникли адаб дўстимиз Зоҳир Аълам хизмат ўрнини каминага бўшатиб берди. Одил ака Ёзувчилар уюшмасини бошқараётган кезлар эди. Кунларнинг бирида устознинг ҳузурига бордим. Қабулхонада патаки-пайтава бўлаётганлар кўп бўлишига қарамай, котиба менинг киришимга изн берди.

– Кел-кел, бормисан, – деб Одил ака ўтиришга таклиф қилди ва ҳол-аҳволимни сўради. – Хабарим бор. Кечикиб бўлса ҳам Тошкентга келганинг яхши бўпти. Энди адабий давранинг марказидасан. Айрим дўстларингни ҳам синовдан ўтказиб оласан. Хизматда холис бўл, турли тоифа-гуруҳлардан олисроқ юр. Тарафкашлик ҳам ўта зарарли иллат. Ҳай, майли, прописка масаласи нима бўлди?

– Маҳмуджон Сатторов деган олим дўстимиз кўмаклашди...

– Маданият институтидаги йигитми?

– Ҳа, ўша оғайнимиз.

– У диёнатли олимларимиздан. Уюшма билан боғлиқ муаммолар бўлса, тортинма. Айтгандай, эртага улкан инсон Иброҳим Ҳамробоевнинг туғилган куни, соат олтиларда келсанг, қутлаб қайтамиз.

Одил аканинг ҳузуридан худди парвозга шайланган күшдай хурсанд чиқдим. Сўнгра дўстим Сафар Барноев билан тушлика отландик.

1990 йилнинг саратонида Ўш ва Ўзганда юз берган фожиали кунларда вилоят ҳокимининг ўринбосари, марҳум Санобар Ваҳобова, журналист Ёкубжон Ҳўжамбердиев билан биргаликда шахар аэропортида Чингиз Айтматов, Одил Ёкубов ва Пиримқул Қодировларни кутиб олдик. Кун тартибида белгиланганидек, дастлаб вилоят касалхонасида даволанаётган ярадорларнинг аҳволи билан танишдик. Кейин Моди қишлоғи билан Ўш шаҳрини боғлаб турган, қабоҳатли кунларда жиддий зарар кўрган Фурқат маҳалласидаги хонадонларни кўздан кечирдик. Асаблар таранг. Ортиқча гап кўнгилга сиғмайди. Одил ака ҳам кўз ёшларини тиёлмади. Ҳовлидаги гуллар пайхон қилинган, идиш-товоқлар синдирилган, гиламлар болталаб ташланган. Июн, авжи пишиқчилик бўлғанлиги боис каллакесарлар ғарқ пишган гилюсларнинг мевали шоҳларини арралаб, мевасини ўртага қўйиб еган, Қуръони Каримнинг варакларига қўлларини артган. Шу маҳал Худо раҳмат қилгур Пиримқул Қодиров:

– Одил, бу нимаси? Даражатга нарвонни суюб ги-  
лосни териб еса бўлмасми? – деб қолди.

Одил ака одатдагидай кескин, лўнда жавоб қайтарди.

– Пиримқул, менталитет деганлари шу бўлади.

Чингиз ака сўқинди. Санобар Ваҳобова йиғларди. Ўша оқшом Ўш телевидениеси орқали Ч. Айтматов томонидан олойлик қотилларга нисбатан айтилган кескин сўзлар ҳамон кўпчиликнинг ёдида. Президентимизнинг уддабуронлиги ва ташабbusи туфайли, Чингиз оға етакчилик қилган устозларнинг амалий кўмаги билан қонли фожиаларга барҳам берилди.

1994 йилнинг апрелида туркистонлик шоир Эрназар Рўзматовнинг юбилеи муносабати билан йўлга отландик. Одил ака ҳар галгидай гуруҳимиз бошлиғи. Чимкентдан Туркистон шаҳрига қадар катта трассанинг икки тарафи қалин иҳотазор. Бироқ ям-яшил дарахтларнинг орасидаги баъзи қуриб қолганлари тенг ярмисидан арраланган атласга шолчадан ямоқ солингандек беўхшов кўринарди.

– Шуни тагидан арралаб, ўтин қилса баракали бўларди, – дедим.

Одил ака мийиғида кулиб:

– Турсунбой укам, бу қозоқча менталитет. Арракаш ўзини ортиқча ташвишга қўйиб ўтирамиди?..

Шу маҳал Ўшнинг Фурқат маҳалласидаги ги-  
лослар хаёлимдан ўтди. Қисқаси, Одил ака, Носир Фозилов оғаларим етакчилигидаги навбатдаги са-  
фаримиз ҳам мазмунли бўлди. Устознинг жалоло-  
бодлик китобхонлари билан муносабатлари ҳавас  
қилгулик эди. 1998 йилнинг баҳорида тадбиркор  
дўстимиз Қодиржон маҳаллий йигит-қизларнинг  
келажагини ўйлаб, университет қуриб, мазкур  
олийдаргоҳнинг очилишига Одил Ёкубов бошли-  
лигига бир неча киши меҳмонга боргандик. Рас-  
мий тадбирлардан сўнг, Арслонбобда дам олдик.  
Бу гўзал гўшада икки улуғ инсон – Одил ака билан  
космонавт Солижон Шариповнинг учрашувлари  
байрамга айланиб кетди. С.Шарипов устознинг  
“Улуғбек ҳазинаси” асарини рус тилидаги таржи-  
масини аслият билан қиёслаб ўқиб чиққани учун  
сұхбат ўта завқли бўлди. Атоқли адаб ўз навба-  
тида фазогирга яхши фикр ва мулоҳазалари учун  
раҳмат айтиб, омадлар тилади.

1997 йилнинг 14 апрелида Бишкеқдаги Т.Сотил-  
ғанов номидаги театрда таникли қозоқ шоири Мух-  
тор Шохонов билан Чингиз Айтматов ҳамкорликда  
ёзган драманинг кўригига боришимизга тўғри кел-  
ди. Одил ака билан Т.Қайибергенов бир ҳафта  
аввал жўнаб кетишиди. Асар премьерасига бир кун  
қолганда Ёкубжон Ҳўжамбердиев иккимиз етиб бор-  
дик. Устозлар Чингиз оғанинг дала ҳовлисида экан.  
Одил аканинг шашти пастроқ эди.

– Валинеъматларим, бормисизлар? – деди бизни бағрига босаркан.

– Зерикмадингларми? – сўради Ёкубжон.

– Йўқ, факат бу атрофдаги дўконларда бизнинг валютага шароб сотмас экан-да, – деди Тў-  
лепберген ака ўпкалаб.

– Қирғизча русумга кўра, Чингиз оғага айтмадингларми? – дедим.

– Тортиндик...

Икки элнинг улкан адилари арзимаган нарсанни Чингиз Айтматовдан сўрай олмаганилиги ўзбекона ийманишдан бўлса керак. Устозларнинг кўнглини овлаш ниятида дастурхонни бутладик.

1997 йилнинг охирларида ижодкор укаларим Набижон Боқий ва Ёқубjon Xўжамбердиевлар Чингиз оға билан М.Шоҳоновнинг қаламига мансуб “Чўққида қолган овчининг оху-зори” деб номланган кенг кўламли публицистик асарнинг таржимасини поёнига етказгач, “Шарқ” нашриёти мазкур китобга муҳаррирликни каминага топширди. Мухтор дўстимизнинг илтимосига биноан унга кирган шеърларни аслиятга чоғиштириб чиқишимга тўғри келди. Ушбу асар 1998 йилда нашр этилиб, тез орада тугаб кетди.

Одил ака туғма табиатига кўъра, гапнинг индаллосини айтиш бўйича феъли-амолига бир умр собит қолди. Бироқ бачкана ҳазилларни унча хуш кўрмаган бўлишига қарамай, вақти келганда устоз Сайд Аҳмадни ҳам, Носир Фозиловни ҳам кутилмаган лутфлар билан мот қилганлигининг гувоҳи бўлганман. Қардош Қирғизистоннинг пойтахти Бишкеқда рўй берган қуидаги воқеа фикримнинг исботидир. Қирғиз адиларининг анжуманидан сўнг, республика давлат кутубхонасининг очилиши муносабати билан ўтган йигиндан кейин, давра сұхбатида Сотқин Сассиқбоев деган ўртамиёна публицист Ҳ.Ҳ.Ниёзий тўғрисида қуюшқонга сифмаган фикрни айтиб қолди. Менинг ғашим келиб, мезбонга жавоб қайтармоқчи бўлганимни сезиб қолган Одил ака елкамга қўлини қўйиб, ўзига хос оҳангда:

– Турсунбой, хафа бўлма, бу дўстимизнинг исми-жисмига монанд Сотқин, фамилияси Сассиқбоев бўлгач, ундан ширин гап чиқармиди... – деди.

Устознинг топиб айтган гапидан изза бўлган мезбон узр-маъзур сўрай бошлади. Қирғиз адабиётининг Суюнбой Эралиев билан Совранбой Жасуевдай оқсоқоллари эса Сотқиндан “ўсолнинг қадоғи неча пул бўлди?” деб сўраб, даврага завқ-шавқ улашди.

1998 йилнинг 26 майида Чингиз Айтматовнинг 70 ёшга тўлганлиги ҳар жиҳатдан юксак даражада нишонланди. 29 майда ортимизга қайтиб, йўл-йўлакай қадим Авлиётани, ҳозирги Тароз шаҳрини томоша қилдик. Чимкентни орта қолдириб, Ғишт-кўприқда бир ярим соатча туриб қолдик. Машинадан тушиб турнақатор навбатда турганларга қулоққоқти қилдим. Тошкентта киришимиз учун ҳар биримиз минг сўмдан постда турган азаматларга беришимиз шарт экан. Бўлган гапни Одил акага айтдим. Устознинг қошлари чимирилди:

– Қани юр-чи, бошлиғига кирайлик-чи...

Қабулхонадаги малласоч қиз:

– Бошлиқ зарур ишлар билан банд, – деди.

Одил ака котибани рус тилида нордон сўзлар билан сийлаб, рўпарадаги ҳашаматли хонага кириб борди. Бошлиқ ором-курсида қаҳва ичib ўтирган экан. Устоз ўзини танишириб, нима сабабдан унинг хузурига кирганлигимизни айтиб, чапарастасига тузлай кетди. У сўрашмоқчи бўлиб қўл узатганида, Одил ака силтаб ташлади. Ташқарига чиққач бутунлай бошқача манзаранинг гувоҳи бўлдик. Қўшимча йўлаклар очилиб, йўловчилар эмин-эркин чегарадан ўтишарди...

\* \* \*

Ёшинг бир жойга етган сари оқибатли дўстингни, дилга яқин сұхбатдошингни қўмсаб қолар экансан. Охирги ўн йиллар давомида Одил ака Қозоқбой Йўлдошев иккимизни йўқлаб, “Хой қирғиз укам, эртага Қозоқбой биродаринг билан келинглар, янгаларинг хамир солади” деб телефон қилиши одатга айланганди. Беихтиёр хаёлга толаман. Одил Ёқубовдай улкан адига бирор нафим тегмаган бўлса... Шундай улуғ инсоннинг назарига тушганимнинг сабабларини излайман... Саволимга жавоб топмай, каминадан тез-тез ҳол-аҳвол сўраб турадиган Носир оға Фозилов, Тоҳир Малик, Эркин Малик, Омон Мухтор, Анвар Обиджон, Йўлдош Солижонов, Собиржон Отажонов каби оқибатли қадрдорнларимни, ўнлаб шогирдларимни эслаб, шукронга қиламан. Одил акадай туғма, беназир адаб яна адабиётимизнинг пешонасига битармикин, деб Тангридан тилайман.





Абдукаюм Йўлдош

## БИЗ ИЗЛАГАН ТИЛСИМ

Ҳикоялар



### ҚАЙДАСАН, МҮЖИЗА...

\*\*\*

Ўзбековуллик Тиркаш чўпоннинг кенжা ўғли Дамин кутилмаганда машҳур бўлиб кетди. Болалар у ҳақида тўлиб-тошиб гапиришарди.

Аммо катталар ишонқирамай бош чайқашди. Захаргина тили билан овулда танилган Беркин муаллим эса очиқдан-очиқ истеҳзога ўтди.

– Қарқунокдан булбул чиқмайди, биродарлар, – деди.

Айтишларида Тиркаш чўпоннинг кенжা ўғли Дамин, ана шу озғингина, қилтириклиги боис ёшига нисбатан кичикроқ кўринадиган, айтайлик, ташки кўриниши нари борса ўн олти-ўн етти яшар ўсмирни эслатадиган Дамин алламбало мўъжиза кўрсатиб, ҳамманинг оғзини очириб юрган эмиш. Яъни, қоронғу тушиб, овл зимиштон оғушига кўмилган маҳал болалар йигилишиб чўпоннинг уйи ёнига боришаркан. Улар ярим соат-бир соат кутиб тургандан сўнг ахийри эски, ён томонга оғиб қолган дарвозанинг бир тавақаси фийқиллаб очиларкан ва қоронгулиқда пайдо бўлган Дамин нималарнидир пичирлаб-шивирлаб ўқигач, кетмон дастадай узун ва ориқ қўлларини болалар томон чўзаркан. Ана шунда... ана шунда яланғоч қўлларда олов пайдо бўларкан. Ҳақиқий олов. Бир неча лаҳзадан сўнг эса олов қандай пайдо бўлса шундай учаркан-қоларкан. Шундан кейингина Дамин дарвоза тепасига ўрнатилган чироқни ёқаркан-да, бир туки ҳам куймаган қўлларини болаларга намойиш қиларкан...

Албатта, бу гапга катталар мутлақо ишонишмади. Оловни эса оддий кўзбойлогичлик деган хulosага келишиди.

Балки мана шу кўзбойлогичликнинг ўзига ҳам тан берса азирди. Аммо кутилмаганда кимё ўқитувчиси Алибой аканинг изоҳи бу борадаги сўнгги иккиланишларга ҳам барҳам берди ва натижада:

– Чўпоннинг кенжা ули ёш болаларни алдаб юрган экан-да, – деган узил-кесил хulosага келинди.

Муаллим эса шартта:

– Дамин қилган ишни мен ҳам қила оламан, – деди бир даврада. – Биламан, у бола шу йўл билан пул ишламоқчи. Лекин мен бу ишни текинга қиласман.

Ўтирганлардан айримлари бунга шубҳа билдиришди. Шунда қони қайнаб кетган муаллим бас бойлашишга киришиб кетди. Зерикиб ўтирганларга бу яхши эрмак бўлди. Хуллас, бир яшик ароқдан гаров ўйналди.

Шундан кейин ютиб олинадиган бир яшик ароқни ўйлаб терисига сиғмай қувонаётган Алибой ака бир қўлини пақирдаги сувга ботириб, жиққа ҳўл қилгач, камзулининг ҳўл енги устидан бензин куйди-да, шартта гугурт чақди.

Камзул енги ловуллаган олов ичидаги қолди. Олов бир неча лаҳза ловуллаб ёниб турди. Сўнг муаллим қўлини яна пақирдаги сувга тиқиб оловни ўчирди-да, қўлини тортиб олди.

Даврада ўтирганлар гуриллаб муаллимни ол-қишилашди. Табиийки, бунақа пайтда олов ҳўл енгни куритгунча анча вақт ўтишини ҳар қандай ақли қосир одам ҳам билиб туради.

Хуллас, чўпоннинг ўғли мана шундай оддий кўзбойлогичлик қиласяпти, деган қарорга келинди.

Тўғри, ютказган томон:

– Дамин қўлини сувга тиқмас экан... Даминнинг қўли яланғоч бўлар экан... – дея эътиroz билдиришга уриниб кўрди.

Лекин кўпчиликни ташкил этадиган ғолиб томоннинг бақир-чақирлари бу ожиз эътиrozларни босиб кетди ва ноилож қолган мағлуб томон ўша зорманда бир яшик ароқни насияга бўлса ҳам олиб келишга мажбур бўлди.

Ушбу даврада мен ҳам бор эдим. Мўйловимни ҳўллаб ароқ ичдим. Кейин эса... ўйланиб қолдим.

Ким билади, балки болалар рост гапираётгандир.

Бу дунёда нималар бўлмайди дейсиз. Балки мўъжиза деганлари чиндан ҳам учрар. Бунинг устига, яқиндагина вилоят газетасида иш бошлаганман. Ким

билади, балки шов-шувга арзирли мақола ёзарман... Тұғри, мен күнглімнің туб-тубида Алибай ақа рост гапирганини әтироф этиб турардим. Дамин эса... пул ишлашнинг шунақа йўлени топгандир-да. Иссик демай, совуқ демай акалари, отаси билан қирма-қир, сурув ортидан улоқиб юргандан кўра, иссиққина уйда ўтириб пул топишни орзу қилиб қолгандир...

Даврадан сирғалиб чиқиб, Тиркаш чўпоннинг қишлоқ чеккасида жойлашган уйига йўл олдим.

Борсам, томоша энди тугаб, болалар уй-уйларига тарқалишаётган экан. Улар орасида жияним Нодирни кўриб қолиб:

- Хўш, қандай бўлди? – деб сўрадим.
- Нодир кўрсаткич бармоғини кўкка бигиз қилди:
- Зўр бўлди!
- Томошага пул йигитчалирни ҳали?
- Нодир менга ажабланиб тикилди.
- Қанақа пул?
- Томоша учун-да.
- Йўқ.

Мен беписанд кулдим:

- Унда яқин-орада бошлайсизлар...

Гапимни унча англамаган жиянимни ҳайратда қолдириб, чўпоннинг уйи томон юрдим.

Дамин дарвозага суяниб турган экан. Қўлларини кўкрагига қовуштирган.

– Салом, – дедим тўғри йигитчанинг олдига бориб. – Мен вилоят газетасиданман.

– Ассалому алайкум, – деди бирдан жонланиб қолган Дамин мен томон иккала қўлни чўзиб. – Мен сизни танимсан.

Дарвоза тепасидаги чироқ ёниб турарди. Мана шу ёруғликда йигитнинг қўлларига, билакларига син-чиклаб разм солишига уриндим. Йўқ, ҳаммаси жойида. Ҳеч қанақанги куйиш аломати йўқ. Ҳа, афтидан, Алибай аканинг гапи чинга ўхшайди. Йигитча болаларни лақиллатиб юриби-ёв...

Шундай бўлса-да, чиқмаган жондан умид қабилида сўрадим:

- Ўзи сенга нима бўлган?

Дамин шоша-пиша, ҳовлиқиб сўради:

- Газитга ёзасизми?

Бу сафар Алибай аканинг гапи мутлақо тўғрилигига тўла ишонч ҳосил қилдим. Бу шуҳратпараст бир йигит-ча экан асли... Шу сабабли дудмалроқ жавоб қилдим:

- Буни... кўрамиз. Агар ўқувчига қизиқ бўлса...
- Юринг, юринг, уйга кирайлик.

Йигитчанинг бу мулозамати негадир ғашимни келтирди. “Уйга опкириб, бир пиёла чой берадими-йўқми, кейин катта зиёфат берган одамдай мақола қачон чиқишини сўрайвериб бошимни қотиради”, деган уйда кескин бош чайқадим:

- Шу ер яхши экан. Тоза ҳаво.
- Майли, – дарҳол рози бўла қолди Дамин. Сўнг очиқкўнгиллилик билан илжайди: – Сўранг.

Очиғи, болакайнинг бу илтифоти ҳам мени ранжитиб, энсамни қотирди. Шу сабабли сал зардали оҳангда сўрадим:

- Сенга нима бўлган ўзи?

Мен узоқ давом этадиган жавобни кутгандим. Яъни, болалиқда содир бўлган қандайдир ғалати во-

қеалар, қанақадир имо-ишоралар... Хуллас, довди-раш-алжирашда-ей...

Аммо кутилмагандан Дамин илжайиб, елка қисди ва оддийгина қилиб:

– Билмасам, – деди. Кейин, менинг ажабланиб тикилиб қолганимни сезди шекилли, ўзича изоҳ берган бўлди: – Лекин мен ўзимни ёқа оламан... Бунинг қандай бўлишини ўзим билсан ўлай агар. Ўйланиб туриб, кўлимга қараб тураверсам, ўт ёнади. Ўт ёнса, кейин анча енгил тортаман...

– ...

Йигитчага анграйиб қараб туравердим. Дамин бўлса ҳамма гапни айтиб бўлган интервью берувчидай мулойимгина илжайиб турибди.

Ниҳоят сўрадим:

- Қанақасига ёқа опасан?

Дамин яна бир бор елка қисди-да:

– Билмадим, – деди. Сўнг яланғоч қўлларини мен томон чўзди: – Ёқим келса ёқавераман...

Ана шунда... менинг кўз олдимда, шундоққина бурнимнинг тагида турган яланғоч қўлларда аввал сарик бир шарпа пайдо бўлгандай туюлди ва мен ҳали ҳайратланиб ултурмасимдан иккала қўлда гуриллаган олов пайдо бўлди.

Бу ҳақиқий олов эди!

Азбаройи караҳт аҳволга тушганимдан мен ҳатто ўзимни четга ололмай қолдим.

Олов эса, қандай пайдо бўлган бўлса, шундай ўчди-қолди...

Мен тамомила эсанкираб Даминнинг қўлларига қарадим. Олов асорати мутлақо йўқ эди уларда...

Мастманми, деб ўйласам, бор-йўғи икки пиёла ичганман, холос. Ҳушёрман, десам...

Нима бўлгандা ҳам, бир нарса аниқ эди: бу ерда Алибай муаллимнинг назарияси ўтмайди. Йўқ, бошқа гап бор бу ерда. Лекин... нима гап?

Ўзимга келиб олишим керак эди. Шу сабабли йигитча билан шоша-пиша хайрлашарканман:

– Шанба куни фотоаппарат билан келаман, – дея ваъда бериб юбордим.

Уйга келдим-у, кўрганларимни мулоҳаза қилиш ўрнига ўзимни ўринга ташлаб, донг қотиб ухладим...

\* \* \*

Тонг палласи онам ўйғотди. Балки ўрнимдан турмасдим ҳам, аммо у кишининг:

– Сени ташқарида Тиркаш чўпон кутиб турибди, – деган гапини эшитгач, кечаги воқеалар ёдимга келди-ю, ўрнимдан учиб турдим.

Биз подага мол қўшмасдик. Шу сабабли чўпоннинг ташрифи ўғли билан боғлиқлигини сезиб турардим.

Ўйлаганимдай, қуюқ салом-алигу қишлоқча узоқ ҳол сўрашишлардан кейин Тиркаш ақа бир йўталиб олди ва асл муддаога ўтди:

- Кечা уйга ўтган экансиз...

– Ҳа, Дамин билан кўришган эдим. Дарвоза олдида. Кеч бўлиб қолганди. Шунга уйга кириб ўтиրмадим. Тинчликми?

Чўпон яна бир йўталиб олди:

– Айтмоқчи бўлганим шуки, ука, яна бизнинг болани газит-пазитга ёзиб юрманг.



Мен ҳайрон қолдим:

– Нега энди?

Тиркаш ака сал ўнгайсизланди:

– Ўзи шусиз ҳам хеш-урұғлардан барисининг ма-  
захига қолган. Энди газитда ёzsангиз, касаллиги рост  
экан, деб ўйлашади-да...

– Дамин касалми?

– Энди... билмайман, негадир шу кенжамиз сал  
нимжонроқ ўсди. Қолган барисининг илиги түқ. Ўзиям  
бир эмас, икки марта сарық бўлди. Рангни қаранг,  
сағайиб кетган. Авайлаганимиз сайн... Энди бунақа  
қилиб... Бутун қишлоққа шарманда бўлиб...

– Ҳай, ҳай, Тиркаш ака, Дамин шарманда бўлгани  
йўқ, томоша кўрсатаяпти...

Баногоҳ бўғриқиб кетган чўпон гапимни шартта  
бўлди:

– Менга масхарабоз керак эмас!

Гапим оғзимда қолди.

Тиркаш ака қовоғини солди:

– Газит-пазитга ёzsангиз, бола ростданам шунақа  
одамман, деб ҳаволаниб кетмасин яна... Бизнинг шар-  
манда бўлганимиз қолади орада... Ўзи қанчаси мазах  
қилиб юрибди... Кеча роса таъзирини берганман...  
Одамларга ўхшаб яша, дедим... Ўзи тўртта молни  
эплаб боқолмайди-да, томоша кўрсатганига ўлайми...

Қарасам, чўпоннинг қарори қатъий. Шу боис у ки-  
шини хотиржам қилишга уриндим:

– Ёзмайман, Тиркаш ака, ёзмайман.

Чўпон ёйилиб илжайди:

– Шарманда бўлмайлик дейман-да, ука.

– Шарманда бўлмайсиз, ака.

Тиркаш ака белкурақдек келадиган кафтини менга  
кўз-кўзлади:

– Мен ҳозир бориб уни бир тавбасига таяй...

Негадир юрагим шув этиб кетди.

– Шу... керакмикан, ака, – дедим иккиланиб.

Чўпон ишонч билан бош иргади:

– Керак, ука, керак... Бу боланинг бир кўзини кўр-  
қитиб қўймасам тоза ўзидан кетаяпти...

Тиркаш ака кетди.

Кўнглимни босиб келаётган хавотир ҳисларидан  
қутулиш мақсадида шоша-пиша нонушта қилдим-да,  
ишга жўнадим.

Бахтимга, вилоят марказида каттагина бир кутуб-  
хона бор.

Газетада ишим камроқ эди. Шу сабабли тўғри ку-  
тубхонага йўл олдим ва меҳрибон кутубхоначи Холида  
опадан инсонларнинг ўзларини ўзлари ёндирига олиш-  
лари ҳақида адабиётлар бор-йўқлигини сўрадим.

Опа ўнтача қалин-қалин китобларни олиб чиқиб  
берди.

Ижарада турадиган уйимга бориб, стулга яхши-  
лаб ўрнашиб олдим-да, китобларни ўқишига тушдим.

Мутолаа тонгга қадар давом этди.

Мен энди баъзи нарсаларни билиб олгандим...  
Тўғри, улар денгиздан томчи эди. Шунга қарамай...

Хуллас, ўзларини ўзлари ўқишига қодир одамлар  
кўп ўтган экан. Уларнинг энг машҳури XVII асрда Аме-  
рикада яшаган Сузанна Сэвелл исмли аёл экан. Ҳар  
кеч томоша залида ўз истагига кўра кучли олов ичида  
қолган бу аёлнинг бир тола сочи ҳам куймаган! Фақат

каретаси дарёга ағдарилиб кетганидан кейингина бу  
ғаройиб хоним ўз салоҳиятидан айрилиб қолган.

Италиялик Анна Монаро, америкалик Жек Анжел,  
Жонатан Каррер, туркиялик бева аёл... Ва ҳоказо ва  
ҳоказо...

\* \* \*

Бу сесланба кунги гап эди.

Жума куни кечга яқин қишлоққа қайтдим.

Энди ҳувиллаб ётган чойхона ёнидан ўтаётганим  
маҳал шу томонга шошиб келаётган Тиркаш акани кў-  
риб қолдим.

Югурб бориб чўпон билан кўришдим. Даминни  
сўрадим. Тиркаш ака илжайди:

– Ўғлимни одам қилаяпман...

Бу жавобдаги қандайдир тантанавор оҳанг кўнг-  
лимга ўтиришмагани боис дарҳол ўқиганларимни тў-  
киб солишга тушдим.

Тиркаш ака гапларимни қандайдир фаромушxo-  
тирилик билан, ҳаттоқи, назаримда, беэътибор эшитди.  
Бу менинг иззат-нафсимга тегди ҳар қалай.

Аммо мен миссис Сэвелл ҳақида гапириб, сувга  
тушиб кетгандан кейин унинг ноёб истеъоди барҳам  
топганини гапирганимда чўпон сал жонланди. Кейин,  
бу воқеани илтимосига кўра яна бир марта айтиб бер-  
ганимдан сўнг ингичка мўйловининг бурама учини  
тишлаганча ўйланиб қолди-да:

– Қайиш билан урдим... – деди. – Оч кўйдим...

Аммо сувга пишмабман-да...

– Ҳали шунақа қилиб Даминни одам қилаяпсизми?

– дея сўрадим ғашим келиб.

– Энди, ука, бола менини, – деди чўпон насиҳат  
оҳангиди. – Нима қилсан ихтиёrimda. Ҳали ўзинг бола  
кўр, катта қил, ана ўшанда биласан... Кейин, мен нима  
қилсан, ёмон бўл деб қилмадим, яхши бўл, эл қатори  
бўл деб қилдим...

– Балки Даминда ноёб қобилият бордир...

Тиркаш ака кескин оҳангда гапимни бўлди:

– Менга бола керак, дедим-ку, масхарабоз эмас!

Очиғи, кўнглимнинг туб-тубида бир яширинроқ  
ният пайдо бўлгандини, Дамин ҳақида мақола ёzsам,  
уни Тошкентда эълон қилдирсан, кейин бунақа истеъ-  
додли бола билан бутун республикани айланиб чиқсан,  
томушалар кўрсатсан... Пулга, албатта... Бундай ўйлаб  
кўрсанг, бунинг масхарабозлиқдан ҳеч фарқи йўқ...

Ҳа, нодонмиз, нодонмиз. Бироннинг дардидан ҳам  
пул ишлашга қизиқамиз. Пул ўлсин-а, пул ўлсин...

Англадимки, бунақа ўжар ота билан тадбиркорлик  
режамни амалга оширишим қийин. Шу сабабли ётиги  
билан гапиришга уриндим:

– Одам қилиб нима қиласиз?

– Ўйлантираман! – шартта оғзимга урди Тиркаш  
ака.

– Ўйлантираман? Дамин ҳали бола-ку!

Чўпон менга ўқрайиб қаради:

– Болалиги қолдими? Йигирмага кирайпти! Қе-  
лин ҳам топиб кўйдик. Чилласидан кейин далага олиб  
чиқиб кетаман. Чўпонликнинг нони қаттиқ бўлади, ле-  
кин ширин бўлади.

– Лекин Дамин...

Тиркаш ака қўлини кескин силтади:

– Бутун аждодимиз чўпон ўтган. Худога шукр, оч қолмаганмиз. Қорнимиз доим тўқ. Одамга бундан ортиқ нима керак? Ана, Даминга деб участка олиб кўйганман. Эртага тош тўкаман. Кейинги ҳафта фундамент қуяман. Бир ойда уйни куриб ташлаймиз. Кузда тўй...

Чўпон мен билан хайрлашмасдан ҳам жўнаб қоларкан:

– Сув учун раҳмат, – деб қўйди минғирлаб.

Мен тушунмадим. Тиркаш ака қанақа сувни гапи-раяпти?

Тушунганимда эса... кеч бўлганди...

\* \* \*

Ҳа, кеч бўлганди.

Шундагина мен нима қилиб кўйганимни англадим. Мен ўзимни қотилнинг кўлига қурол тутқазиб, уни жиноятга йўллаган одамдай ҳис қила бошладим...

Аммо бу туйғу тез орада ўтиб кетди.

Бу шундай жиноятки, уни бирор тирик жон исботлай олмайди. Бу шундай жиноятки, ҳатто бирон кишининг хаёлига ҳам келмайди. Инчунун, бирон киши менга бармоғини бигиз қилиб ҳам кўрсатолмайди...

Хуллас... Бирор бошқасини “қотил” деёлмайди. Аслида эса биз ҳаммамиз қотилдаймиз...

Ҳали айтганимдай, Дамин ўзи нимжонгина йигит эди. Ахир, икки марта сариқ касали билан оғришнинг ўзи бўладими...

Шу ҳолига, айниқса, отаси кечалари уйга қамаб, дарвозага, томошаталаб болалар олдига чиқармай кўйгандан кейин баттар қийналиб, касалланиб қолган. Айтишларича, Даминнинг иссиги кирқдан ошган, кечалари алаҳлаб чиқа бошлаган... Аммо ғазабкор ота шифокор чақиришни хаёлига ҳам келтирмаган. Чўпон нуқул “Ўйланмайман” деяётган ўғлини сўккан, қарғаган, жаҳли чиқсан кезлари урган ҳам.

Ахийри... мендан керакли йўл-йўрик олган ота... кечаси титраб-қақшаб ётган ўғлини сойга судраб чиқиб, қайта-қайта сувга пишган... Шу билан касаллиги тарқалиб кетади, деган ўйга борган-да.

Дамин мана шу ҳолида, титраб-қақшаб, совуқдан тишлари такиллаб, сувга бўкиб уйига қайтиб келган ва кийимини алмаштиришга ҳам мадори етмасдан ухлаб қолган.

Эртаси куни Тиркаш ака янги ҳовли қуриш учун деб олинган майдонга икки машина шағал тўқтирган ва Даминга шағални ичкарига ташиб кўйишни буюрган.

Дамин итоаткорона бош эгиб, айтилган жойга борган ва иккита катта-катта пақир ёрдамида икки машина шағални кун бўйи ичкарига ташиган...

Икки машина шағал...

Заиф буйрак бундай оғир ишга чидамаган...

Кечга яқин навбатдаги зилдай оғир пақирларни кўтаришга уринаётгани маҳал Дамин беихтиёр додлаб юборган ва тош устига йиқилиб тушган...

Дамин уч кундан сўнг туман шифохонасида вафот этди...

Тиркаш ака бўкириб йиғлади...

Орадан кунлар, кунлар кетидан ҳафталар ўтди.

Жўма, намозшом маҳал вилоят марказидан қишлоғимиз бекатигача автобусда келиб, буёғига пиёда қайтарканман, беихтиёр оёқларим Тиркаш чўпоннинг уйи томон бошлаб кетаётганини ҳис қилдим.

Чўпон фарзандлари билан тօғда.

Зимистон уй.

Не кўз билан кўрайки, мана шу зими斯顿 уй ёнида бир неча бола – улар орасида жияним Нодир ҳам бор эди – дарвозага кўз тикиб ўтиришарди.

Беихтиёр титраб кетдим.

Назаримда ҳозир дарвоза ғийқиллаб очилади-ю, ичкаридан чиқиб келган Даминнинг ялангоч кўлларида олов пайдо бўлади... Болалар буни ҳайрат билан, нағасларини ичларига ютиб кузатиб туришади.

Оддийгина, зерикарли кечайтган ҳаётимизда биргина ўзгариш пайдо бўлганди. Уни ҳам кўп кўрдик.

Қайдасан, мўъжиза...

Юрагим симиллаб оғриб кетди.

Бу уйдан узоклашишга ошиқдим...

## ОТАСИННИГ ҚИЗИ

Тўрт ўғилдан сўнг туғилган қизалоқнинг ўрни бошқача бўларкан. Бунинг устига, қораҷадан келган, киприклари узун-узун, кўзлари чақнаб турадиган Мадина гўдаклигидан отасига меҳрибон бўлиб ўсади. Қизалоқ икки яшарлигига ён онасини шоша-пиша эмар, сўнг эмаклаб бўлса ҳам отасининг бағрига етиб оларди. Ишдан ҳар қанча чарчаб келган бўлмасин, Мадинанинг қиқир-қиқир кулишини эшитса бас, Садриддин барча чарчоқларидан фориғ бўлар, беихтиёр илжая бошларди.

Мадина боғчага қатнаганида ҳам, мактаб ўқувчиши бўлганида ҳам отасининг эркатой қизи бўлиб қолаверди. Садриддин эринмас, ҳар куни кечқурун қизалогига ҳеч бўлмаса бир дона шоколадми, сақичми олиб келишни канда қилмасди. Мукофот олган пайтлари-ку, меҳрибон падар биринчи ўринда хоти-

нига ёки ўғилларига эмас, қизасига совға излаб қоларди. Бунақа маҳаллари хотини уни гап билан чимдид оларди:

– Ҳа, энди, Мадинани ўзингиз түқсансиз, ўзингиз эмизиб катта қилгансиз. Шундай бўлгандан кейин уни ер-кўкка ишонмайсиз-да...

Мадина ширингина қизалоқ бўлиб ўсади. Унинг тили чиқсан маҳаллари чуғурлашларини, билса-бilmasa шеър ўқишига тушиб кетишларини, ёинки телевизорда мусиқа садоси эшитилса бас, ғалати муқомлар қилиб ўйинга тушиб кетишларини кўрганида Садриддин кўзларидан ёш чиққудай даражада севинарди.

Садриддин қачонлардир бир шоирнинг “Қизим – ортимдан қолар изим”, деган мисрасини эшитган ва кўнглининг тубига жойлаб қўйган эди. Шу шоирнинг “Биз ҳали ҳаммадан ўзамиз, қизим” деган сатри ҳам



унинг юрагига муҳрланиб қолган ва Садриддин уларни тақоррлаб чарчамасди. Ваҳоланки, ота изини ўғил босар, деган ақида унга яхши таниш эди. Аммо... аммо барибир Садриддин қизалогини жонидан ортиқ яхши кўрарди. Ўйда бирор Мадинани хафа қилиб қўйгудек бўлса, у барча ишини йигиштириб қўйиб ҳам ўша одам билан эринмай жиқиллашар ва охир-оқибат Мадинадан кечирим сўрашга мажбур этар эди.

Умр – оқар дарё деганлари чин экан. Назарида, Садриддин ҳали кўз очиб-юмишга улгурмади, бир пайт қарасаки, ёлғизгина, суюкли қизалогининг бўйи етиб турибида-да.

Ота ўз кўзларига ишонмади, аммо совчилар эшик турумини буза бошлаганлари чин эди.

Садриддин бу ҳақда суюнчи сўраб келиб турган хотинига қаттиқроқ гапириб юборди:

– Эсинг жойидами, Мадина ҳали бола-ку!

Бироқ Наргиза бўш келмади:

– Вой, эркатойингизнинг болалиги қолдими? Мактабни битирди, коллежни битирди. Ўн тўққизга кирди. Бу ёшимда қорнимда тўнгичим бор эди.

Бу залворли дастакка жавобан нима дейишни билмай қолган Садриддин тўнгиллади:

– У замонлар бошқа эди...

Хотин бир гапдан қолмади:

– Замон бу масалада ҳамиша бир хил бўлиб келган...

Бу ётироуз отанинг дилини оғритгандай бўлди. Ҳар қалай, Мадина – суюкли фарзандлари. Шундай экан, Наргизанинг ҳам унга жони ачиши, уни аяши лозим эмасми...

Эрнинг кўнглидан ўтган гапларни илғадими, хотин ётифи билан гапиришга уринди:

– Дадаси, қизини эрга бераётган бир сиз эмас. Ўзингиз биласиз, қиз бола бирорнинг ҳасми бўлади, вақти-соати етгандаги албатта ота-онасининг уйини тарк этади. Қиз бола – палахмон тоши, борган жойида қолади. Қизингизни бир умр бағрингизга босиб ўтиролмайсиз-ку, ахир.

Тўғри, буларнинг бари рост гаплар эди. Бироқ шунга қарамасдан Садриддиннинг юрак-юрагида бошқа бир сезги, ётироэмзи, норозиликками ўхшаш бир ҳиссиёт бор эдики, бунинг нималигини унинг ўзи ҳам на тушунар, на тузук-куруқ ифодалаб бера оларди. Хуллас, Садриддиннинг назарида унинг эркатои Мадинага муносиб куёв... жуда бошқача йигит бўлиши керак. Майли, эртаклардагидек шаҳзодаликни талаб қилиб бўлмас, аммо ҳар томонлама мукаммал, сер-фазилат, бир сўз билан айтганда комил инсон бўлмоғи шарт.

Садриддин ўша мақталган, осмонга олиб чиқиб қўйилган йигитларни орқаваротдан суриштириб кўрди.

Йўқ, бўлмайди.

Наҳотки эркатои қизчаси, Мадинаси, ҳали гўдак Мадинаси шундай... ҳали она сути оғзидан кетмаган, қўлидан бир иш келмайдиган, ота-онасининг эркатои бўлган, нари борса институт ёинки университетда таълим олаётган йигитчаларнинг ёри бўлса? Ахир эр хотин учун суянч тоги бўлиши лозим эмасми? Бу болаларнинг эса ўzlари суянчга зорга ўхшайди...

Садриддин бирини “ўпок”, деди, бошқасини “сў-пок” деди, ишқилиб, куёвликка номзодларга рад жа-

вобини беравериб чарчади, аммо совчилар оқими сира сусаймади.

Бу орада Наргиза норозилигини очиқдан-очиқ из-ҳор қилиб, тўнгиллашга ўтиб олди:

– Осмондаги ойни қидирайпсизми, нима бало?!.. Бу кетишингизда шу боланинг бахтини қора қиласиз, кейин тинчийсиз. Ахир не-не одамларнинг болалари қизингизнинг қўлини сўраб турибди. Тезроқ танламайсизми бирорини?! Эрта-бир кун останонгизни ҳеч ким ҳатламай қўйса, пешонангиз деворга урилардику-я. Лекин унда кеч бўлади-да... Анави Илҳом аканинг бояси кимдан кам?

– Қайси Илҳом аканг? – деб сўради сал ғаши келиб Садриддин. Зоро, Наргиза бу исмни бундан аввал ҳам икки-уч марта қандайдир ғалати тарзда эшилиб, чукур ҳурмат билан айтгани ёдига тушганди.

– Танийисиз, дадаси, танийисиз. Бу атрофда Илҳом акани танимайдиган одамнинг ўзи йўқ. Уч марта одам юборди бечора. Ўзи беш йилдан бери солиқнинг бошлиғи бўлиб ишлайди. Бир марта укам бозорда сомса сотиб юриб солиқчилар қўлига тушиб қолганида, у кишининг бир оғиз гапи билан қўйиб юборишган, жаримаям тўллаттиришмаган... Ўғли юридиканинг иккинчи курсида ўқиркан. Бирам одобли, бирам мўмин-қобил дейишадики...

Садриддин асабийлашди:

– Мўмин-қобил бўлса юридикага кироларми? Бир балоси борки... У ёғини сўрасанг, ўшанингниям суриштирганман... орқаворатдан. Мактабда отасининг кучи билан ўқиган экан.

– Э, дадаси, ичи қора одамлар гапираверадида. Айби – амалдорнинг боласи бўлганими? Мен ўзим ўқитганман у болани, ўзим яхши биламан. Бирам тиришқоқ, меҳнатсевар, қунт билан ўқийдиган бола. Агар ҳаммадан айб қидираверсангиз, дадаси, топасиз-да. Ойдаем доғ бор, ахир. Сал кўнглингизни кенг қилинг. Бу дунёда эртақдаги шаҳзодаларни топиб бўлмайди...

Асли она тили ва адабиёти бўйича мутахассис бўлган Наргиза чиройли гапларни қалаштириб ташлаб узоқ гапирди. Бир гапирди, икки гапирди, уч гапирди... Ахийри кўрдики, эр одатдагидай саркашлик билан эмас, бошини иргаб, ўйчан тарзда тингламоқда унинг гапларини. Демак, муз ўрнидан кўчган.

– Сен онасан-ку, – деб гап ташлаб қолди бир куни Садриддин. – Кириб, секин қизингизнинг кўнглига кўл солиб кўр-чи, биронтаси билан ваъдалашгандир; бундай бўлиши-ку, гумон, аммо эҳтимол биронтаси кўнглига ўтиришгандир... Уялмасин, айтаверсин, буни умр савоси дейдилар.

Хотин эрига ажабланиб қаради:

– Қизингиз сиз билан кўпроқ сирдош эди, шекилини.

– Бор, бор, деб, Садриддин бесабр қўл силтади. – Сен айтган ишни қил. Қайси ота қизига бунақа савол беради?

Наргиза норози тарзда қошини чимирганча чиқиб кетди.

Бирон соатлардан сўнг Наргиза яйраб, қошларини ғалати сузиб чиқиб келди ичкари хонадан. Хотинининг ўзини бундай тутиши ёқмаган Садриддин ўқрайди:

– Хўш?

– Бор экан, дадаси, бор экан. Бор бўлганда ҳам йигитларнинг сultonни экан.

- Ким экан у? – пўнгиллади Садриддин.
- Шуҳратжон, дадажониси, Шуҳратжон.
- Қайси Шуҳратжон?

Наргиза яна қош учирди:

– Илҳом аканинг ўғли, дадаси, бу ўша юридикада ўқийдиган бола...

Садриддин бирдан бўшашиб қолди. Унинг назарида, бундай бўлмаслиги керак эди, Мадинадай оқила, эсли-хушли қиз ўзининг шаҳзодаси сифатида бу болани кўрмаслиги керак эди...

Садриддин шубҳаланиб, қошларини чимириди:

– Рост айтяпсанми ё... сомсапаз укангни ўйлаяссанми?

Наргиза хафа бўлган одамдай терс ўгирилиб олди:

– Сиз айтдингиз, мен бориб сўрадим. Ишонмасангиз, марҳамат, Мадинани чақириб беришим мумкин. Эркатойингиз билан бемалол сирлашишингиз мумкин...

– Бўлмаса... – деди бўғиқ овозда Садриддин, – бўлмаса... яна ўша ёқдан одамлар келишса... ўйлаб кўрайлик, деб тур-чи...

– Э, яшанг дадаси! – деди яшнаб кетган Наргиза беихтиёр чапак чалиб юбораркан. – Бу ёгини менга қўйиб беринг, боплайман.

Дарҳақиқат, эридан рўйхўшлик олган хотин бу томонини боплади. Наргиза нима қилди, нима қўйди – билиш мушкул, аммо орадан икки ҳафта ўтар-ўтмас нон синдирилди.

Каттагина тўй бўлди.

Садриддин базм маҳали тўкин дастурхон атрофида ўтирган маст-аласт меҳмонлардан кўра узоқдан бўлса ҳам кўпроқ қизига синчковлик билан қараб-қараб юрди. Назарида, келинчакнинг ҳарир либосига чулғаниб, янада чиройли бўлиб кетган, уялинқираб, бош эгибина ўтирган Мадина ўзи кутган даражада хурсанд эмасдек эди. Аммо ота буни қизининг ибосига йўйди.

Шундай бўлса-да, қизига оқ фотиха тилаб, пешонасидан ўпаётган маҳал Садриддин куйилиб келган кўз ёшлиарини тиёлмай қолди. Унинг назарида, Мадинанинг пиқ-пиқ йигисида алам бордек эди...

Мадина кетди.

Ҳовли отанинг кўнгли мисоли ҳувиллаб қолди.

Садриддин уч-тўрт кунгача ўзини қўярга жой то полмай юрди.

Яхшиям бирорлар “куёв чақири”, бошқалар “чарлар” деб атайдиган русум бор экан.

Садриддин елиб-югуриб иккита хонага дастурхон тузади, ширинликларни уйиб ташлади. Унинг хаёлида, дастурхонга қанча кўп ширинлик кўйса, қизининг ҳаёти шунчалик ширин ўтадигандек эди. Тўрт хил овқат, шунга яраша газак...

Ишқилиб, кичкинагина бир тўйча бўлди-да.

Тўй куни улкан чироқлар ёғдусида юзи ялтираб тургани боисми, Садриддин куёвига яхшилаб разм со-полмаганди. Чакириқ маҳали кўрдики, тузуккина йигита га ўхшайди. Чўзинчоқ юзи оқиш, қалин қошлари тулаш, иягининг сал тутириб чиққаними, кўзларининг чақнаб туришиими уни мард ва жасур йигитга ўхшатарди.

Ота ич-ичидан ризолик тўйди. “Қизим бежиз рози бўлмагандир”, деган, безовта кўнглига тасалли бе-

радиган ўйларга берилди. Шу боис елиб-югуриб хизмат қилди, чарчаш нималигини билмади. Куёви ёнида келган беш-олтита йигитчаларнинг юз грамм ичиб олгандан сўнг кучаниб суюкроқ латифа айтишга уринишларига ҳам ёътибор бермади. Мухими, Шуҳрат ичмади. Машина ҳайдаб келган экан. Буни эшитиб ота яна бир бор ич-ичидан мамнуният тўйди. Ҳар қалай, унинг эркатой қизалоги, Мадинаси у ер-бу ерга боргандада одам тиқилинч автобусларда эзилиб, қийналиб, ёинки бегона машиналарга кўл кўтариб юрмайди. Шунисига ҳам шукр...

Шуҳрат артилган чиннидай топ-тоза машинани ҳайдашни яхши кўради шекилли, бир жўраси билан шамоллашга чиқкан маҳал “Нексия”сига диққат билан қаради-да, сўнг чўнтағидан рўмолчасини чиқариб, машинанинг олд ойнасини артиб кўйди.

Фақат... ким билади, балки Садриддинга шундай туюлгандир, ишқилиб, чақириди тугаб, дастурхонга фотиха ўқилган, ҳамма ўрнидан туриб ҳовлига чиқкан ва хайр-хўшлашиш анчагина чўзилиб кетган маҳал ичкаридан шошиб чиқиб келаётган ота ҳовли четида, меҳмонлар орасида қизи ўзига мўлтираб тикилиб турганини кўрди-ю, юраги жизиллаб кетди. У беихтиёр Мадина томон юрди ва худди шу маҳал куёвининг қизига қараб:

– Машинага чиқ! – деганини эшитди.

Отанинг юраги музлаб кетди. Зоро, Шуҳрат, ҳозиргина қўзига ўтдай кўриниб турган кўёви қизига, унинг суюкли Мадинасига қараб ўшқириброқ гапиргандай бўлганди.

Садриддин бир амаллаб ўзини кўлга олди. “Менга шундай туюлгандир”, деб ўзини ўзи ишонтиришга уринди. Аммо қизининг нечуқдир мунғайиб қолганини, машина тарафга истар-истамас юрганини кўрганида юраги баттар эзилди...

Меҳмонлар кетишиди.

Садриддиннинг кўнгли эса негадир безовта...

Кичик чилласи чиққандан сўнг уйга бирров келиб кетган Мадинанинг кўзлари йиғидан қизаргандай туюлди. Ваҳоланки, Мадина отаси билан икки оғиз ҳолаҳвол сўрашган маҳал ердан кўз узмай турганди.

Ахийри бир куни тонг сахарда Садриддин хотинига бир оғиз айтиб ҳам ўтирасдан қизининг уйига жўнади. Йўл-йўлакай бозорга кириб, у-бу ширинлик харид қилди.

Ҳашаматли икки қаватли ҳовлининг эшиги қия очиқ экан. Садриддин эшикни тақиллатиб ўтирасдан ичкарига кирди.

Болохона ёнида ўша кун Шуҳрат миниб борган опоқ машина ярақлаб турарди.

Отанинг кўнгли бежиз ғаш бўлмаган экан.

Шуҳрат энгашиб, камоли диққат билан машинанинг орт ойнасини назардан ўтказмоқда эди.

Ота тўхтади, йўталиб қўймоқчи ҳам бўлди, зоро орадаги масофа ўн-ўн беш қадам келарди. Аммо ултurmadi...

Тўсатдан куёв бақириб юборди:

– Мадин!

Ичкаридан шошилинч қадам товушлари эшитилди ва бир лаҳза ўтар-ўтмас оёғига эски калиш илиб олган Мадина чопқиллаб чиқиб келди:

– Лаббай?



Шұхрат хотинига чақчайиб қаради-да, сүнг күр-  
саткіч бармомини ойнага бигиз қылғанча үшқириді:

– Хүл латта билан ювғандан кейин устидан куруқ  
латта билан артиб чиқ дегандим-ку!

Мадина қунишиб, айбдорона оханға үзини оқ-  
лашга уринди:

– Айтганингиздай қылғандим...

Шұхрат тутақиб кетиб, ойнадаги тангадай катта-  
ликдаги, билинар-билинмас дөгға ишора қилди:

– Унда манави нима?

Садриддин донг қотиб қолди. Унинг суюкли қиз-  
часи, Мадинасиға бақиришмоқда эди! Үз уйда бўл-  
ғанди-ку, бу маҳмадонанинг тилини суғуриб олган  
бўларди-я! Аммо не қылсинки, энди Мадинажони шу  
хонадоннинг аъзоси, манави ҳафтафаҳм тўнканинг  
умр йўлдоши...

– Кўрмай қолибман... Ҳозир...

Бу Мадинанинг изтиробли товуши эди.

Эр норози тарзда тўнғиллади:

– Кўрмай қолғанмиш... Бор, ишингни қилавер.

Ўзим...

Шұхрат чўнтағидан эринмасдан, айтиш мумкинки,  
ҳафсаля билан рўмолчасини чиқарди ва мана шундай  
эринмасдан, камоли дикқат билан ойнадаги дөғни арт-  
гач, рўмолчасини хотини томон отиб юборди:

– Буни ювиб қўй. Бошқасини опчиқ.

Ҳамон бош эгиб, мутеларча, айбдор сингари турган  
Мадина зипиллаб келиб ерда ётган рўмолчани олди ва  
мана шундай шошқин тарзда ичкарига кириб кетди.

Ота бир лаган лойдай бўшашиб, оёғини базур  
кўтариб босган қўйи бир амаллаб ортга қайтди.

Кечга бориб отанинг иссиғи қирққа чиқиб кетди. У  
энди алаҳлай бошлаганди:

– Қизимга тик боқма... Сен ким бўпсан унинг олди-  
да... Абллаҳ... Қизгинам... Нега сен... Қизалогим...

Қўрқиб кетган Наргиза дўхтир чақириди. Тез етиб  
келган “Тез ёрдам” машинаси отани туман марказида-  
ги шифохонага олиб кетди...

Эртаси куни отани кўришга узун-қисқа бўлиб Шұх-  
рат билан Мадина кириб келишди.

Елкасига оқ халат ташлаб олган Шұхрат гердайиб,  
лекин хушчақча оханға:

– Бурга тепдими, ота? – дея гапни ҳазилдан бош-  
лашга уринди.

Бироқ Садриддин энсаси қотиб юзини ўғиргани  
боис палатага нокулай жимлик чўқди.

Отанинг назарида күёвининг туришида, гапири-  
шида, үзини тутишида недер бир носамимият бордай  
эди. Илгари пайқамаганини...

Садриддин кескин ўғирилиб, күёвига синчковлик  
билан тикилди-да, негадир:

– Раҳмат, – деб кўйгач, истихола қилиб ҳам  
ўтирасдан деди: – Қизим билан озроқ гаплашиб ол-  
сам, дегандим...

Энди ўзига ўтиришга жой қидираётган Шұхрат  
қайнотасига ажабланиб қараб қўйгач, ноилож қўлидаги  
халтани Мадинага тутди ва:

– Майли, – деганча хонадан чиқиб кетди.

– Ўтири, қизим, – деди Садриддин паст, дардли  
овозда.

Озиб кетган, қўзлари киртайиб қолган Мадина  
ўтириди.

Дўхтирлар кўп гаплашишга рухсат бермагани боис  
вақт зиқлигини англаб турган ота гапни айлантириб  
ўтирамай, тилининг учидаги турган савонни берди:

– Турмушинг қалай, қизим?

Мадина “ялт” этиб отасига қаради, сүнг шу заҳоти  
бошини қуйи эгиб оларкан:

– Шукр, ёмонмас, – деди пичирлаб.

Мана шу армонли пичирлашнинг ўзиёқ кўп нарса-  
дан шоҳидлик бериб турарди.

Садриддин хўрсинди.

– Мен сенинг турмушинг “ёмонмас” эмас, зўр  
бўлишини истовдим, қизим... Авзойингга қарасам, уна-  
қага ўхшамайди...

Мадина отасига мўлтираб қаради:

– Сиз... билмасмидингиз буларнинг қанақа одам-  
лар эканлигини...

– Мен сенга ишонгандим, қизим... Бекорга танла-  
магандирсан деб армонда қолдим...

Мадина ҳайрон бўлди:

– Ахир... ахир сиз ўзингиз... сиз ўзингиз танла-  
дингиз-ку... Ойимга айтисиз... “Шундан бошқаси бўл-  
майди”, депсиз... Мен сизга ишониб...

Бу гаплар маъноси онгига етиб борган Садриддин  
бошини чанглаб қолди. Сўнг:

– Наргиза! – деб бўкириди.

Аммо Наргиза болалардан хабар олиш учун уйга  
кетган экан...

Отасининг авзойини қўрибоқ барисини тушунган  
Мадина пиқиллаб ийғлаб юборди...

Наргиза эрининг қаҳрли қиёфасини қўрибоқ гап  
нимадалигини тушунди. Лекин у айбини инкор этиб ту-  
риб олди, Садриддиннинг бақир-чақирларига жавобан  
эса:

– Мен қизимизга яхшилик тилаганман. Худога  
шукр, Мадина кўплар ҳавас қиладиган оиласига келин  
бўлиб тушди, – деб тақрорлайверди.

Бир ҳафтадан кейин Садриддинга жавоб беришди.

Шўрлик ота бетини сидириб ташлаб, қизига  
ишончли воситачи орқали хабар юборди:

– Аҳмоқ отангни кечир, қизим... Кўнглинг бўлмаса,  
шу уйда тур деб зўрламайман... Қайтиб келсанг, бирга  
яшайверамиз...

Ўзи зўрга чидаб турган эканми, Мадина шу куниёқ  
этагини силкиб эрининг уйидан чиқсанг-у, отасининг  
уийга келиб олган.

Кейнги бир-икки ой жанжал-суронларда ўтди.  
Илҳом солиқчи хотини, ўғли билан уч маротаба ке-  
лишди, уларга Наргиза ҳам қўшилди. Аммо ота ва қиз  
ўз аҳдидан қайтишмади. Қарғанавериб ҳаммани безор  
қилиб юборган онасига эса Мадина тик боқиб шундай  
деди:

– Ўша уйни елкамнинг чуқури кўрсинг. Менга битта  
нинаси ҳам керакмас. Мени тинч қўйишса бас...

Наргиза яна авж қилаётган эди, орага Садриддин  
қўшилди:

– Мадинага яна бир оғиз гап гапирсанг – ажрашамиз.

Наргиза дод солди:

– Сизнинг каллангиз айниб қопти ўзи, дадаси?!  
Эрдан қайтган қизингизга ўзингиз истаган шахзодани  
қаердан топасиз?

Бу даъвога нисбатан Садриддиннинг жавоби бит-  
та бўлди:

— Уч талоқсан!

Наргиза эрини мияси айниб қолган деб айюҳаннос солди, дўхтирларга чопди, милицияга югурди, ишқилиб ҳовлини ўзида олиб қолди. Садриддин суюкли қизи Мадина билан бир хонали уйда ижарада яшай бошлади.

Қўни-қўшниларнинг айтишларича, бир-бирига бу қадар меҳрибон ота-болани улар умрлари бино бўлиб кўришмаган экан.

Наргиза эса енг шимариб, навбатдаги жангга тайёргарлик кўриб юрибди. У дўхтирлар билан гаплашиб, эрининг... мияси шамоллаганлиги ҳақидаги маълумотномани олибди. Энди суд Садриддинни ота-

лик ҳуқуқидан маҳрум этса бас экан, ана ўшандада Мадинани унинг қўлидан қонун йўли билан тортиб олса бўларкан...

Ана ундан кейин...

Баъзи гап-сўзларга қараганда, Наргиза қудалари билан яширинча музокаралар олиб бориб юрган эмиш. Бошқа гап-сўзларга қараганда эса, Наргиза Мадинани аввал қонуний ажратиб олиб, сўнг хотини ўлган бир бойвачча савдогарга енг ичида, ими-жимида узатиб юбориш ташвишида...

Хозирча эса, ҳозирча эса бир-бирларига фавкулодда меҳрибон ота ва қиз хотиржам, осуда, баҳтиер умр кечиришмоқда... Хозирча...



## АНЪАНА



**Маргуба ХУДОЙНАЗАРОВА,**  
Санъат ва маданият институти  
магистранти

## ТАРБИЯ УСТУНИ

Қадрият атамаси асли арабча “қадр” сўзидан олингандан бўлиб, “қимматли”, “фойдали” деган маъноларни англатади.

ИНСОННИЯТ шаклланиб борар экан, унинг ҳаёти давомида турли ҳолатдаги, турли кўринишдаги воқеа-ҳодисалар, нарса-буюмлар унинг учун қадрли бўлиб бораверади. Биз бугунги кунда мамлакатимизда янги ҳаёт, янги жамият яратар эканмиз, аввалимбор ҳалқимиз ҳаётининг муҳим ва ажralмас қисмига айланниб қолган маросимлар, анъаналар, урф-одатларга, шу жумладан, бой маданий ва маънавий тарихимизга бир назар солмоғимиз зарурдир.

ИНСОНЛАР минг йиллар давомида табиат инжикликларига, турли бало-офатларга бардош бериш учун ўзларини ҳам руҳан, ҳам жисмонан чиниқтириш максадида турли маросимлар ўтказиб келганлар. Йиллар ўтиб бу маросимлар урф-одат тусини олган. Бугунги кунга келиб эса анънага айланниб, қадрият сифатида қадрланиб келмоқда. Замонлар оша сайқал топган ва нафис бир кўринишга эга бўлган анъана ва маросимларимизни ёш авлод онгига чуқурроқ сингдириш, уларни ўзgartиришларсиз, қай ҳолатда етиб келган бўлса, шу ҳолиша сақлаш ва тарғиб қилиш лозимdir.

Президентимиз таъкидлаб ўтган бугунги кунда фарзандларимизнинг маънавий оламини юксалтириш, уларни миллий ва умуминсоний қадриятлар ру-

ҳида тарбиялаш масаласи биз учун энг долзарб мавзу бўлиб қолмоқда.

Атрофимизга бир назар соладиган бўлсак, гарбона кийини шакллари, ёшларимиз тилидаги жаргонлар, беадаб сўзлар билан мулоқот қилишлари бизнинг она тилимизга ва миллий маданиятимизга бўлган хурматнинг пасайиб кетаётганини англатмайдими? “Тилга ихтиёrsиз – элга эътиборсиз” деб, ғазал мулкининг сultonни Алишер Навоий бежизга айтмаган.

Улуғ ва ҳамиша навқирон бўлган юртимиздан чиқкан буок алломаю мутаффакирлар шу замин, жумладан, ўзбек ҳалқининг маданияти, унинг не ҷоғлик бой тили, тарихий урф-одатлари учун жонларини тикиб, шарқона миллий қадриятни яратиб кетганлар. Собиқ шуролар даврида бу қадриятларимиз топталиб оёқ ости қилинди. Умумхалқ байрамларимиз унутилиш бўсағасига келиб қолди. Мафкура ва тафаккур учун йўл ёпик эди. Бизга мажбурий тазийк остида ўзга тил, ўзга маданиятни, ҳатто яшаш тарзларини киритишга уриндилар. Ҳалқимизнинг эзгу орзу-умидлари мамлакатимиз раҳбарининг ташаббуслари туфайли бугун рӯёбга чиқди.

Кўр-кўрона ғарбга тақлид эшигини ёпиб, шарқнинг зиё эшикларини очиб, ёшларимизни мўътабар ва муқаддас заминнинг миллий ва умуминсоний қадриятларига, урф-одатларга хурмат руҳида тарбиялашимиз лозим.



*Ойдина МУМТОЗ*

## *Сиз юрган йўлмағдан келмоқда ўтгим*



### **КУЗ**

Ланг очиб эшикни хазон ойига,  
Хайрга қўл чўзар қизарган Август.  
Туфлисин ботириб ёмғир лойига,  
Кўлида соябон, шошиб келар куз.  
Ёмғир мудроқ йўлнинг юзини ювар,  
Дарахтлар бағрига босар япроқни.  
Булутлар осмонда қора – изқувар,  
Календар йиртади ёзги варақни...  
Куз...

Заминнинг кўйлагин ювади узоқ,  
Октябр фалакдан қидирап юлдуз.  
Дарахтлар кўйлагин ечди ниҳоят,  
Сан-сариқ рўмолин қуритмагач куз.  
Ноябр пальтосин кияди эрта,  
Қишига бериб қўяр уйнинг тўрини.  
Ва ўзи йўл олар мозий қатига,  
Аёзга қолдириб ёзги сўрини...



### **ДАРАХТЛАР**

Деворга чўкиб борар тобора сурат,  
Нигоҳин яшириб кўзгудан – мендан.  
Яна бўй чўзишига уринар журъят,  
Яна югурмоқда ўтмиши изимдан.  
Хонада ҳайқирап хотира дафтар,  
Куриган гулларга қабристон – гулдон.  
Кўнгилда мавжे уриб маҳзун мисралар,  
Сенинг гул исмингни тақрорлар, ишон.  
Нечун унумтмайди  
Мени согинчлар?  
Шивирлар кечаги қунлар ёдимда.



Ўша бир суратни чизар ўтинчлар,  
Сен пайдо бўласан яна олдимда.  
Мени ишғол қилар  
йиллар чангидা,  
Мудом бу йўллардан баҳт кутган хатлар.  
Ховлида  
жон ҳовучлар иккимиз эккан,  
Кесилиб кетмай деб кекса дарахтлар...

\* \* \*

Ё Тангрим...  
Яримта кўксим ҳам бўлинниб кетди,  
Нотинч бекатларда кечмоқда умрим.  
Ғамлар кўзларимда саргайиб битди,  
Энди бу хазонлар – тугишиган синглим...  
Дардолар томчиланиб кузни ииғлатар,  
Юлдуздан милтиллаб сизмоқда кўз ёши.  
Тўртбурчак дунёдан овозим қайтиб,  
Юрагим ўймоқда безовта наққоши.  
Билмайман, ҳали ҳам теграмда нелар,  
Билганим...  
кўксимда қадимий бир шам.  
Ёниб,  
ёндирмогим,  
ёнмогим келар...  
Мен ёнсам, оловлар бўлишиар мулзам.  
Мени қийнайверар ўша сирли гам,  
Сиз юрган йўллардан келмоқда ўтгим.  
Кўзимга қарайсиз,  
байтларингиз нам,  
Нечун ииғлаясиз, Нодирабегим?



**Хусния ПАРДАЕВА**

# ИККИ ҲИКОЯ

## БУРГУТНИНГ СҮНГИ ПАРВОЗИ

Тонг ёришиб, куёш ҳимматини кўрсатиб улгурмасидан, Сардор Чўнқай чўқчи тепасида пайдо бўлди. Мук тушиб ўтирганча олисларга тикилди. Увада булутлар бир муддат болакайнини кузатиб туриб, сафарга отлангандек, секин-аста силжишиди. Сардор излаганини булутлар орасидан ҳам тополмай, оғир хўрсинди.

– Ҳа, шоввоз, каллаи саҳардан бу ерда нима қилиб ўтирибсан? Ҳалиям ўша дарбадар бургутингнинг йўлига кўз тикяпсанми? – деб сўради пастдан таёғига суюниб чиқиб келаётган чўпон.

Сардор бош ирғади. Чўпоннинг гапи унинг юрагига оғир ботди.

– Менимча, энди бургутинг бу ерларга қайтмайди. Ўзиям тоғда ёлғиз яшаб, зериккан-да, – деди чўпон боланинг ёнига чўккалаб.

Сардор яна кўзини олисларга тикиди.

– Келдиёр тоғанг бургутингни олиб келганига ҳам ўн йилча бўп қолди-ёв, – деди чўпон боланинг диккатини ўзига қаратиш учун.

Сардор яна бошини силкиди-ю, гапирмади.

– Менга қара, ўша бургутинг қайтса шу пайтгача қайтарди, энди кутишнинг фойдаси йўқ. Битта-яримта овчи отиб қўйганни десам, бу яқин орада тоғда ўқ овозини ҳам эшитмадим. Ўлиб-нетиб қолмаганимкин, ишқилиб? Тош-пошларнинг орасига қараб кўрмадингми?

– Кўрдим, ҳеч қаерда йўқ, – деди бола бўғилиб.

– Ундан бўлса, билмадим. Лекин сор деганлари бир кетдими, қайтмайди, дейишади, тагинам, билмадим...

Чўпоннинг гапи Сардор учун янгилик бўлмаса-да, унга жавдираб тикилди. Унинг нигоҳида сўниб бораётган умид чўғи йилтиради. Чўпон болага ачиниб кетди. У шу тобда болага таскин беришни истар, лекин бунинг фойдаси йўқлигини билиб, индамасди. Бир муддат ўтириб, таёғига суюниб ўринидан қўзгалди. Унинг “чухчух”лаган овози йироқлашиб борарди.

– У, барибир, қайтиб келади – деб пичирлади ўзича болакай.





Олислаб кетган чўпон унинг гапини эшитмади. Сардор пешингача шу ахволда ўтириди. Узоқдан тоғаваччаси Асил чақирмаганида ҳали-бери ўрнидан турмасди.

– Шу пайтгача чўққида ўтирганмидинг? Қидиравериб эсим кетди-ку. Отам тағин шаҳарга кетиб қолган бўлса, деб хавотирланди, – деди Асил чопганидан нафаси бўғзига тиқилиб.

Сардор у билан қишлоққа қайтди. Йўлда Асил мактабда ошналари билан бўлган муштлашувини зўр қизиқиш билан гапирди. Сардор ўзини эшитаётгандек тутса-да, хаёли олисада, бургути билан бирга эди. Унинг ҳозир қаердалиги, қандай ахволдалигини ўйлаб, ташвишланарди.

– Шу пайтгача қаерда юрибсан? Бир оғиз айтиб кетгин-да. Мактабингга бормайсанми? – деда қарши олди тоғаси дарвоза олдида.

Сардор «Йўқ», деб бош чайқади. Тоғаси унга синчковлик билан разм солиб, давом этди:

– Менга қара, жиян, бургутинг кетган бўлса, бунга кўпам қайгураверма. Ҳадемай, шаҳарга кетасан. Тошкентдаги каттакон ҳайвонот боғига бор. Аянгга айтсанг, сени ўша ёққа оборади. У ерда истаганингча бургут топилади. Томоша қилиб, қайтаверасан.

– Менга бошқа бургут керакмас! Қайтмас, барibir, қайтади! – деди Сардор ўжарлик билан.

– Ўзи ўша бургутингнинг отини бекор Қайтмас, деб қўйгансан-да, – деда илжайди тоғаси, – Мана, кетди-ю, қайтмади. Қайтанга Қайтар деб қўйганингда шунча куттирмасмиди?

Сардор тоғасининг ҳазилини тушунмасдан, ийғлаб юборгудек бўлиб, ичкарига кирди. Унга Асил ҳам эргаши. Иккови сўридаги дастурхонга ўтириб, косадаги қаймоққа нонни тўғраб, чой ичишди.

– Бугун тепаликда эшак кўпкари бор, борасанми? – сўради Асил.

– Йўқ, бормайман! – деди Сардор кескин.

У кетиб қолса, Қайтмас келиб, уни тополмай, яна учуб кетадигандек эди.

– Юр, бирга борайлик, – деда қистади Асил, – эшакниям оламиз. Майли, кўпкарида эшакни сен чопасан. Бугун тепагузарликлар ҳам келишади. Ўзиям роса мақтанчоқ, қасангилар. Кўрамиз, ким совринни кўп айиради?

Сардор эшак кўпкарини яхши кўрарди. Айниқса, ўзи кўпкарида чопиб, совринни кўлга киритса, кувончи ичига сифмай кетарди. Шунинг учун ҳам Асилни кўялинтирумасдан рози бўлди. Икковлон апил-тапил ногушта қилиб, эшакни миниб, йўлга отланиши.

Бугунги эшак кўпкарига учта қишлоқнинг болалари келиши. Сардор эшакни миниб, кўпкари чопди. Унинг омади келиб, бир неча совринни ютиб олди. Бундан чеккадаги томошибинлар орасида ўтирган Асилнинг севинчи ичига сифмай, ирғишларди.

Шомга яқин узоқ-яқиндан қўй-қўзиларнинг овози эшитилгач, кўпкари тарқади. Асил олдинда, Сардор орқада эшакка миниб, қишлоққа қайтишди. Чўнқай чўққининг ёнидан ўтишаётгандан йўллари чўпон билан тўқнашди.

– Ҳа, шоввозлар, кеч бўлганда қаердан келяпсизлар? – сўради чўпон.

– Эшак кўпкаридан. Ўзиям ҳамма совринни менинг эшагим ютиб олди, – деди Асил мақтаниб.

Чўпон қўзиларнинг маърашидан унинг гапини эшитмай, бошини силкиб қўйди. Асил эшакка хала

бериб, унинг юришини тезлатди. Шу пайт орқадан чўпоннинг бақиргани эшитилди:

– Менга қара, боя сенга айтаман деб, ёдимдан кўтарилибди, – деда ҳаллослаб ортидан етиб келди чўпон.

– Нимани?

– Қани, аввал суюнчини чўз-чи.

– Нима, Қайтмас топилдими?! – деди Асил қулоқларига ишонмай.

Сардорнинг эса юраги қинидан чиққудек дукурларди.

– Айтдим-ку сенга, бургутинг ёлғизлиқдан зерикиб кетган, деб. Унинг жуда олчоқ чиқиб қолди-ку. Катта қишлоқлик чўпон ўғлига мода бургут олиб келган экан. Бургутинг унинг дарагини билган чоғи, олдига борибди. Ўн кундан бери унинг бургутиям йўқ эмиш. Ўғли бургутимни топинглар, деб йиғлайвериб, шишиб кетганмий, бояқиши. Менимча, ошиқ-маъшуқлар эгаларидан қочиб кетишган, чоғи... – деда хоҳолаб кулди чўпон.

Сардор унинг гапига ишонишни ҳам, ишонмасликни ҳам билолмай, донг қотиб туради.

– Ана, кўрдингми, бургутинг уйланибди. Энди сени эсламайди, – деди Асил ҳам кулгига қўшилиб.

Сардорнинг йиғлагиси келди. Назариде энди бургути бир умр ўша мода бургутнинг ёнида қоладигандек туюлди. Онаси ҳам худди шундай қилиб, уни ташлаб кетганди...

Сардор эндинина уч ёшга тўлганида онаси билан дадаси ажрашишганди. Энасининг айтишича, Сардорнинг отаси шаҳарлик бир аёлга илакишиб қолганмий. Бунга чидаёлмаган Шоҳиста Сардорни етаклаган-у, онасиникига қайтиб келган. Онаси сабр-қаноатли бўлганида отаси, албатта, кун келиб қайтармиди, балки? Шунда Сардор ҳам отасиз ўスマсмиди?

«От айланиб қозигини топади. Қайтмай қаёққа ҳам бораради? Боласи борми, эркак киши, барibir, бир куни уйига қайтади», дерди энаси хўрсиниб.

Қайтиб келганига бир йил ҳам тўлмай, Шоҳистага Каттақишлоқдан совчи келди. Энасига қолса, күёвинг қайтишини, ёмон бўлсаям, қизининг эри билан ярашиб кетишини, истарди. Лекин Шоҳиста совчилар шаҳарда ишлайдиган, хотини ўлган каттақишлоқлик кишидан эканлигини айтиши билан «Шунга тегаман», деб туриб олди. Энасининг ҳай-ҳайлашига ҳам, «Болангни бирорнинг кўлига қаратма, отаси келсин», дейишига ҳам қулоқ тутмади. Кейин ўйласа, қизи собиқ эри шаҳарликка илакишиганига алам қилиб, атайин ўшанга теккан экан. Буларнинг барини Сардорга энаси гапириб берарди. Онаси эрга тегиб, шаҳарга кетганидан бери Сардор энаси ва тоғаси билан яшайди. Дарвоқе, онасидан айрилиб, йиғлоқига айланган кезлари тоғаси унга бургут олиб келганди. Шу билан овунса, онасини эсламайди, деб ўйлаганди. Ўн йил ичida Сардор ҳам, бургути ҳам улғайди. Унга Қайтмас деб тоғаси исм қўйган. «Одатда, бургутлар мард, жасур бўлишади. Улар ўз мақсадидан сира чекинишмайди, қайтишмайди. Шунинг учун ҳам унинг отини Қайтмас деб қўямиз», деганди ўшандা тоғаси.

То мактабга боргунигача Сардор кунини Қайтмас билан ўтказарди. Кейин мактабга борди. Сардорнинг дарси тугагунча Қайтмас мактаб ҳовлисидаги устун тепасида уни кутиб туради. Дарс тугаши билан шодон қийқирган болалар уйига ошиққанида Қайтмас бирдан пайдо бўлиб, Сардорга яқинлашарди. Шу тариқа улар

биргаликда уйга қайтишарди. Сардор шундай улкан, ажойиб қуши борлиги учун тенгдошлари унга ҳавас қилишидан ўзича фахрланарди.

Ииллар ўтди. Сардор ўн учга тўлганида энаси касал бўлиб, ётиб қолди. Бир-икки кун Файзи дўхтири укол қилиб юрди. Жума куни тонгда Сардорни тоғаси ўйғотиб, белига белбоғ боғлаб кўйди.

– Энам-ов, деб йиғла, тушундингми? Энди энанг йўқ, – деди тоғаси қизарган кўзини ундан яшириб, – Энанг сени ҳаммадан кўпроқ яхши кўрарди...

Сардор энасининг йўқлигини эшитиб, сесканиб кетди. Ўзини бутунлай ёлғизланиб қолгандек ҳис қилди. Таъзияга онаси ҳам келди. Унинг Сардордан ташқари, яна икки ўғли бор эди. Ўшанда Сардор илк марта укалирини, уларнинг отасини кўрди.

– Ишонганим, посбонимдан айрилдим-ов! Энди сизсиз ҳолим нима кечади, эна?! Боламни сизга қолдириб, кўнглим тўқ эди-ку, эна.. – деди онаси ўртаниб йиғлади.

Сардор йилда бир келадиган онасини унчалик яхши кўрмасди. Унга энаси билан бургуги омон бўлса, бўлди эди. Лекин бугун энаси уни ташлаб кетди...

Етти кун ўтиб, онаси шаҳарга қайтадиган бўлди. Кетар чоғида Сардорни ҳам ўзи билан олиб кетишини айтди.

– Мен кетмайман, шу ерда қоламан, – деди Сардор қайсарлик билан.

– Ундей дема, болам. Энди энам йўқ, сени қандай ташлаб кетаман? Икки хаёлим шу ерда қоладими? Юр, бирга кетамиз, укаларинг билан юрасан, – деди онаси уни кўндиришга уриниб.

– Сардор энди катта йигит. Биз билан шаҳарга боради, у ердаги мактабда ўқиуди, – деди онасининг эри салмоқланиб.

Тоғаси ҳам Сардорни шаҳарга боришга уннади. Барчанинг қистови билан Сардор ноилож йўлга отланди. Лекин кетишаётганда бургуги анча олисгача машина ортидан учуб борди. Уни кўриб, Сардор кўз ёшини тиёлмади.

– Шаҳарда бургут асрраб бўлмайди. Уйимиз тор, бу каттакон күшинг сифмайди, – деди онасининг эри Сардорга машина ойнасидан қараб.

– Йиғлама, ўғлим, бургутинг тоғангницида яшаб туради. Келиб кўриб кетасан, – деди онаси уни пешонасидан ўпиди.

Укалари эса акалик бўлишганидан севиниб, иртишлаб, тўполон қилишарди.

Шаҳар Сардорга жуда ғалати кўринди. Ҳар томонга ғизиллаб ошиқаётган машиналарга қараб, кўзи тиниб кетарди. Одамлар ҳам жуда кўп, тиним билишмайди. Қишлоқдаги мактабда нари борса, элликтакча ўқувчи ўқириди. Бу ердаги ўқувчиларнинг саноқсиз эканлигини кўриб, Сардор ҳайратини яшиrolмади. Сардор шаҳар мактабига боришидан аввал онаси бозорга олиб тушиб, унга бош-оёқ кийим олиб берди. Эртасига эса ясантириб, мактабга олиб борди. Янги кийимда, нотаниш ўқувчилар ёнида Сардор ўзини ёлғиз ҳис қилар, юрагидаги қишлоқ соғинчи борган сари катталашиб борарди.

Бир ҳафта ўтди. Сардор кетаманга тушди. У қишлоғи, бургутини соғинганини айтиб йиғларди. Онаси унинг кетишига йўл қўймай, энди шу ерга кўниши кераклигини айтди.

– Онаси, сен болангни тушунмаяпсан. У тасоди-фан ўсиб-улғайган муҳитдан бутунлай бошқасига ту-

шиб қолди. Шунинг учун кўниши оғир кечяпти. Уни бирданига кўнитириш мажбурлашдек гап. Болани эса мажбурлаб ўргатиб бўлмайди. Яхшиси, бир оз муддат қишлоқда, бир оз шаҳарда яшатиб, кўнитирсақ, қандоқ бўларкин?.. – деди ўғай ота ўйчанлик билан.

Онаси Сардорни кетказмаслигини айтиб, йиғлаб-сиктади. Лекин икки кун ўтгач, Сардор кетиши қарорида қатъий турганини кўриб, ноилож розилик билдири. Якшанба куни эрталаб онаси уни эри билан жўнатиб юборди. Машина ўрнидан кўзғалганида эса онаси дे-раздан қараб: «Яна қайтиб келасан-а?» деб қайтакайта сўради. Онасининг кўзи ёшланиб, зорланганини кўриб, Сардор яна қайтишини айтди.

Пешинга яқин тоқقا кўтарилиб келишди. Тоғасининг уйи орқасида машина тўхташи билан Сардор ўқдек учуб пастга тушди. У аввал осмонга тикилди, кейин ичкаридаги бургутининг инини кўрди. Қайтмасни тополмагач, аламдан йиғлаб юборай, деди.

– Хафа бўлма, бургутинг ҳозир кеп қолади. Сен кетганингдан бери сал дайдироқ бўлиб қолган. Йўқолиб, яна қайтиб келаверади. Ҳозир ҳам узоққа кетиб қолмаган, – деди тоғаси уни юпатиб.

Орадан бир неча соат ўтиб, ҳовлида бургут пайдо бўлди. Сардор уни кўриб, маҳкам бағрига босди. Қайтмас қанотларини кенг ёзиб, Сардорнинг елкасига шапатилади.

– Сардор бир-икки кун қишлоқда қолсин, бургуги билан тўйиб ўйнасин. Кейин онаси билан маъракага келиб олиб кетамиз, – деди ўғай отаси кетишига ҷоғланиб.

Тоғаси ҳам унинг қолишига рози бўлди-ю, бироқ поччаси кетаёт, «Нега шаҳарда қолмадинг? Ахир ҳамма имкониятлар шаҳарда-ку», деб Сардорни койиб берди. Сардор тоғасига шаҳарда зерикканини, у ерда бургуги, тенгдошлари йўқлигини айтиб, тўнгиллади.

– Балки, опангизнинг ўзи ўғлини жўнатиб юборгандир. Ахир унинг отаси бошқа бўлса, эри бирорнинг боласини сиғдирармиди? Ана энди ўзимизнинг тўртта боламиз етмагандек, Сардоргаям қарашимиз қолувди... Энди энангизнинг нафақаси йўқ, буни қандай боқамиз? – деди янгаси чимирилиб.

Тоғаси хотинига «Бас қил», дегандек қовоғини ўиди.

– Сардор, энди энанг йўқ! Бу ўйда қолсанг, менинг бошимни оғритасан. Яхшиси, шаҳарга, онангнинг ўйига қайт, тушундингми? – деди янгаси Сардорни холи чақириб.

Сардор янгасининг гапига бош силкиди. У эрта-индин онаси келса, албатта, шаҳарга қайтишини биларди. Лекин бу қишлоқни, тоғларни, бургутини сира ташлаб кетишини истамасди. У бугун энасисиз бу ҳовлида яшолмаслигини тушунди. Бир пайтлар онаси, гўдаклигиде ўндан воз кечган отасини соғинганида кўнгли ёлғизликни кўмсад, Чўнқай чўққига йўл оларди. Баландга чиқиб, атрофни кузатганида соғинчи бир оз унтутиларди. Қайтмас эса осмонда парвоз қилиб, ўз сарҳадларини кузатарди. Бу тоғдаги майдо күшларни айтмаса, Қайтмасдан бўлак сарлочин йўқ. Шу боис у – бу тоғларнинг яккаш ҳукмрони. Унга Сардорнинг чўққига келиб ўтириши ёқади, ўзи эса қанотларини ёзиб, атрофни кузатади.

– Менияна шаҳарга жўнатишмоқчи. Лекин у жойлар қанчалик зерикарлигини билмайсан-да, – деди Сардор Қайтмас билан дардлашади. – Сенга маза, истаган жойингда яшайсан, осмонда учасан. Ҳеч ким сени бу ерда яша, бу ерда яшама, деб мажбурламайди.



Қайтмас эгасининг гапини тушунгандек, ўткир кўзини унга тикиди.

– Қайтмас, сенинг ота-онанг қаерда яшаркин-а? Нега улар сени соғинишмайди, олиб кетамиз, дейишмайди? Сен ҳам уларни соғинасанми? – деди болакай маҳзун.

Бургут қанотларини ёзиб, само узра қулоч ёйди.

– Гапимдан жаҳлинг чиқдими?! – дея бақирди бола бургутга қараб.

Қайтмас янада баландроққа кўтарилиди. Шу тобда Сардор ҳам бургутга айланиб қолиши, ҳеч кимга қарам бўлмасликни истарди. Шунда ўзи истаган жойда, бирорвларнинг хоҳиши-истагисиз яшарди.

Қайтмас оқ булатларга кўмилиб, кўздан ғойиб бўлди. Сардор аввал ҳам бургути бундай қилиши, орадан бир неча соат ўтиб, қайтишини жуда яхши биларди. Шунинг учун бир оз чўққида ўтириб, уни кутди. Қорни очқаб, уйга қайтди. Қайтмас унинг ортидан етиб олишига умид қилди.

Ўша куни Қайтмас қайтмади. Сардор ўшандан бери чўққига келиб, уни кутади. Анави булатлар уни ямлаб – ютиб юборгандек уларга термилади, топомайди.

Бугун чўпон унинг мода бургут ортидан кетганини айтиб келди. Аввал отаси, кейин онаси, сўнг энаси, энди эса бургутининг ташлаб кетиши Сардорга жуда оғир ботди. Кечаси билан ухлаёлмади. Юрагини «Айбим нима, нега мени барча яқинларим ташлаб кетаверади? Мен шунчалик ёмонманми?» деган аламли ўй ўттарди. Тонг ёришмасидан яна оёқ учida юриб, ҳовлига чиқди. Ҳеч кимга сездирмай, дарвозани очиб, чўққи томон юрди. Куни бўйи Чўнқайдан тушмай, бир нуқтага тикилиб ўтираверди. Асилнинг: «Отам чақиряпти, юр», деб келиши ҳам уни пастга туширолмади. Шом қоронғиси бу кенгликларни забт этишга уринган бир пайтда тоғаси чўққига чиқиб келди.

– Бу нима ўтириш, жиян? Кеча чўпон айтибди-ку, бургутинг модаси билан кетган, деб. Хоҳ бандаси, хоҳ жоновор бўлсин, ёлғиз яшолмайди. Бежизга барча мавжудотни жуфти билан яратилган, дейишмайди. Қайтмасинг ҳам жуфтини топганга ўхшайди. Энди у қайтмайди, уминдинг уз, – деди тоғаси унинг ёнига чўккалаб.

Сардорнинг кўнгли бузилди. Кўзига қалқан ёшни кўрсатмаслик учун бошини этиб олди. Тоғаси билан яна бир оз ўтириб, қишлоққа қайтишди. Сардорнинг томоғидан овқат ўтмади. Чарчаганини айтиб, уйкуга ётди.

– Сардор, уйғон! Қайтмас келиби. Ёнида бегона бургут ҳам бор!.. – дея Асилнинг ҳовлиқиб турткилашидан уйғониб кетган Сардор уйқусираб, аввалига нима бўлганига тушунолмай турди.

Асил Қайтмаснинг қайтганини айтавергач, дик этиб ўрнидан турди. Ҳовлидаги устунда Қайтмас мунғайиб турар, тоғаси унинг қанотини дока билан боғлашга уринарди.

– У келдими? – дея ҳовлиқиб бургутга яқинлашди Сардор ва қушнинг қанотидаги қотган қон доғини кўриб, жойида тўхтади.

– Яраланганга ўхшайди. Бу бир-икки кун олдин яраланган. Тағинам тирик юрганини-чи... – деди тоғаси койиниб.

Сардор Қайтмасни бағрига босди. Бургут ҳам сукут сақлаб, унинг елкасига бошини ишқади. Шу пайт

осмондан бургутнинг чинқириғи эшитилди. Қайтмас ўткир кўзини самога тикиди. Нотаниш бургут осмонда чарх уриб учарди. Қайтмас қанотларини кенг ёзиб, учишга чоғланди. Икки марта қанот қоқди-ю, тап этиб ерга қулади.

– Қайтмас! Тоға, у ўлиб қоладими?! – дея йиғлаб юборди Сардор.

Самодаги бургут яна чинқирди. Кейин эса учеби кетди. Қайтмаснинг осмонга, бургутнинг ортидан тикилишга ҳоли етмади. Бошини ерга қўйиб, чуқур-чуқур нафас оларди.

– Асил, бор, Файзи дўхтири чакир. У одамларни даволагани билан, жониворларнинг касалинням тушунади, – дея тоғаси ўғлини қишлоқ шифокориникига юборди.

Сардор Қайтмаснинг тепасида йиғлагудек бўлиб ўтиради. Тоғаси ишга шошилаётганини айтиб, мактабга отланди. Жиянига мактабга бор, дейишга тили бормади.

Бир оздан кейин Асил Файзи дўхтири шаҳарга кетганини айтиб келди. Сардор Қайтмасга сув, дон тутди. Бургут уларга қайрилиб ҳам қарамади. Сардорнинг бургутига раҳми келиб, бўғзини йиги кўйдириб ўтди. Ҳиқиллаб йиғлаб юборди.

Пешиндан кейин мактабдан қайтган тоғаси Сардорнинг ҳалиям бургути тепасида ўтирганини кўриб, уришиб берди.

– Кўпам қайғураверма! Энди бургутинг соғаймайди. Дарбадарга ўхшаб, кетиб қолмаганида бу кўйга тушмасди. Сен бунга ичикиб, ўзингни қийнама! Бу борйғи бир күш бўлса...

– Балки, анави бургутни кетказмаслик керакмиди?.. – деди Сардор ҳиқиллаб. – Ҳеч бўлмаса, Қайтмас соғайгунча...

– Э, қизиқ гапларни гапирасан-а, – деди тоғаси бошини чайқаб. – Сенинг бургутинг шу тоғларни ватан деб билди. Кўрдингми, бошқа жойга сиғмай, қайтиб келди. У мода бургут ҳам бегона жойга сиғмайди. Шунинг учун ҳам ўзининг маконига кетди. Қайтмас озодлиқда парвоз қилиш қандайлигини кўрди. Айниқса, анави бургут билан бирга учди. Энди у тутқунлиқда, ёлғиз яшолмайди. Ё бу ерларни бутунлай ташлаб кетади, ё нобуд бўлади!

Тоғаси бургутнинг қанотини ечиб, мўмиё билан яна қайтадан боғлади. Сардор Қайтмаснинг бошини силаб ўтириди. Янгаси кечки овқатни сузаётганини айтиб, дастурхонга чақирди. Сардорнинг иштаҳаси бўлмаса ҳам, тоғасининг қистови билан сўрига ўтириди.

Овқатланиб, яна бургутининг ёнига қайтган Сардор унинг қотиб қолганини кўриб, қичқириб юборди. Унинг ёнига болалар, сўнг тоғаси етиб келди.

– У ўлиб қопти!.. – деди йиғлаб Сардор.

– Айтдим-ку, энди сенинг Қайтмаснинг тутқунлиқда, ёлғиз яшолмайди, деб... – деди тоғаси афсус билан.

Тоғаси уни кўмиб келишини айтиб, бургутни олиб кетди. Сардор сўрида ўтириб, унсиз йиғларди. Бир оздан кейин кўлида белкурак билан қайтган тоғасини кўриб, Сардор ўпкасини боссолмади:

– Тоға, мени эртага шаҳарга обориб қўйинг. Энди бу қишлоқда яшамайман. Онам ва укаларимнинг ёнида яшайман!

Тоғаси жиянини бағрига босиб, чуқур хўрсинди.

## ГУНАФША

Тушлиқдан кейин чақчақлашиб ўтиргандик, бир маҳал эшик очилиб, хонага бошлиқ нотаниш бир қизни әргаштириб кириб келди.

– Иш пайти гурунг? – деди бошлиқ қалин қошлари тагидан ёвқарашиб қилип... Мулзам бўлиб қолганимизни кўргач, мамнун илжайди.

– Танишинглар, бу қизимиз янги ходима, бугундан бошлаб сизлар билан ишлайди. Исмингиз? – у нотаниш қизга савол назари билан қаради.

– Гунафша, – деди қиз паст овозда уялинқираб. Кейин бизнинг нигоҳларимизга дош беролмади шекилли, бошини қўйи эгди.

Бошлиқ чиқиб кетди.

– Ўтиринг, чарчаб кетгандирсиз, – деди Зилола кинояли оҳанга.

Гунафша ялт этиб унга қаради. Одмигина кийинган, текис тараплан соchlари белигача тушган. Икки ёноғидаги сепкиллари, катта-катта тиник кўзлари қизнинг соддалигини кўрсатиб турарди. Биз ўлжани куршаган йиртқичлардек унга тикилиб турардик.

– Шундай қилиб ишга кирдим денг, Гунафшахон, – дея ёши улуғимиз Мехрибон опа кулимсиради.

У бош ирғаб тасдиқлади.

Гунафша Зилоланинг ёнидаги ўриндиққа бориб ўтириди.

– Бирор институтни битирганимисиз? – сўради Зилола қошларини чимириб.

Унинг овозидаги беписандликни сезиб, Мехрибон опа огохлантиргандек ўтталиб қўйди.

– Ҳа, филологияни битирдим, – деди қиз кўзларини пирприратиб.

Унинг беғуборлигими, соддалигими, бизнинг қизишишимизни орттираётганди. Куни бўйи Зилола иммоқли гаплари билан Гунафшани сийлаб турди.

Эртасига эрталаб ишхонага келсан, Гунафша хонада ёзиб ўтириби.

– Шунақа кеч келасизларми? – сўради Гунафша ўзи эрта келганидан хижолат тортгандек.

– Ҳали турмушга чиқмагансиз-да, ўзингиздан бошқа ташвишингиз йўқ. Бизга ўшаб, ҳам оилани, ҳам ишни эплаганингизда бундай гапирмасдингиз. Ўзи ёшининг нечада?

– Йигирма бешга чиқдим, – деди Гунафша.

– Нега шу пайтгача турмушга чиқмай юрибсиз? Ахир, вақти-соати етиби-ку. Севган йигитингиз борми? – дея уни саволга тутдим.

– Мен севгига ишонмайман!.. – деди қиз қуруққина қилиб.

Мен унинг жавобидан ўзимча хulosса чиқардим:

Ҳа, йигитларнинг назарига тушмагани учун ҳам ўзига қарамас экан-да!

Гунафша аста-секин ишхонага, бизга кўнига бошлилади. Гурунглашиб қолгудек бўлсак, кўзларини катта-катта очганча бизга ҳайратланиб тикилиб турар, ҳазил аралаш гапларни ҳам рўйи рост қабул қилганидан, уни алдаш жуда осон эди. Айниқса, севги-муҳаббатдан гап кетса, китобларда ўқиганларидан мисоллар келтириб, тўлиб-тошиб гапиради. Шундай пайтда:

– Ахир, сиз севгига ишонмайсиз-ку... – дейман атайин қитиқ патига тегиб.

– Мен... мен севгига ишонаман, лекин ҳозирги йигитларнинг ўлдим-кўйдим дейишига ишонмайман-да. Ҳаммаси алдоқчи, қиз болани қўғирчоқ, деб ўйлашади.

Жаҳали чиққанда Гунафша очилиб кетар, қалдирғоч қанотидек ингичка қошлари чимирилиб, сепкилли юзи жуда маъноли, чиройли кўринарди. Бўй етган қизнинг ёш боладек аразлаганидан менинг завқим келади. Тўғриси, шаҳарда бунчалик беғубор, ишонувчан қизни топиш дарёдан қуруқ тош қидиргандек гап. У ўзига оро бериб, бошқаларга чиройли кўринишга уринмас, бироқ соддадиллиги, очиқлиги билан бизни мафтун этиб қўйганди.

Бир куни Зилола унга, сизни бир йигит билан танишиштимоқчиман, деди. Гунафша ишонқирамай, лабларини чўччайтириди. Орадан ярим соатча ўтгач, шивирлаб Зилоладан сўради:

– Уям бошқа йигитлардек қасамхўр бўлса-чи?

– Қасамхўр деганинг нимаси? – Зилола ўзини тутолмай кулиб юборди, – антиқа гапларни гапирасиз-а?

– Ваъда бериб, ваъдасининг устидан чиқмайдиган йигитларни қасамхўр дейишиди-да, – деди Гунафша астойдил оғриниб. Кейин ёноқлари қизариб: – Ишқилиб бояги айтган йигитингиз ҳам ўшанақалардан эмасми?

– Йўғ-е, жуда вижданли йигит. Менга ақлли, ўқиган бир қиз топиб беринг, деб юради.

– Мен... билмасам... – елкасини қисди Гунафша, бизлар бир-биримизга маъноли қараб олдик.

Ўшанда бу гап шунчаки ҳазилга айтилди, деб ўйлагандик. Бироқ икки кун ўтиб, Зилола қизга йигитнинг телефон рақамини ёзиб берди, биз ҳайрон қолдик.

– Мен телефон қилишим керакми унга? – деди Гунафша кўзларини катта-катта очганча.

– Йўқ, сиз телефон қилмайсиз, унинг ўзи қўнғироқ қиласди. Фақат сиз шу номерни эслаб қолинг.

Зилоланинг гапидан Гунафша мийигида кулиб қўйди.

Тушдан сўнг Гунафшанинг қўл телефони жиринглади.

– Куёв болами? Гўшакни кўтармайсизми? – деди тажанглик билан Зилола.

Гунафша бир муддат иккиланиб қолди. Гўшакни кўтаргиси келаётгани кўзларидан сезилиб турарди. Ниҳоят, Зилоланинг асабий имосидан кейин қимтинигина “алло”, деб жавоб берди, юзи дув қизарди ва бизнинг тикилиб турганимизни қўриб ўрнидан турди-да, ташқарига чиқди. Унинг ҳаяллаб қолганини розилигига йўйдик.

– Ҳа, келин бола, тўй қачон энди? – эшиқдан кирган Гунафшага сўз қотди Зилола.

– Тўй... Ким айтди сизга тўй бўлади деб?

– Йигит, гаплашиб кўрай, кейин тўйни бошлаб юбораман, деганди.

– Қайдам?! – деди Гунафша бошини солинтирганча қимтиниб.

Кейин нимадир эсига тушгандек Зилолага қаради:

– Кўриниши қандай? Чиройлими ўзи? Овози ёқимли экан!

– Вой, манави қизни қаранглар! Сизга унинг чиройи керакми? Йигит кишининг кўриниши маймундан



сал фарқ қилса бўлди-да. Асосийси, ақли ва оилапарварлиги. Жамшид чиройли, ақлли йигит. Муҳими, сизнинг унга ёқишингиз...

– Мен... тўғри, мен хунукман!

Гунафшанинг юзида ҳаяжондан асар ҳам қолмади. Кўзларига соя соглан маъюсликни кўриб, барчамиз лаб-лунжимизни йиғиштиридик.

– Вой, қиз боланинг хунуги бўлмайди, оппоқ қиз. Фақат сиз озроқ ўзингизга қарасангиз, бас! Маликага айланасиз-қоласиз! Учрашувни қачонга белгиладинглар?

Гунафша бу саволдан довдираб қолди, бироз саросималаниб минғирлади:

– Эртага учрашайлик, деб айтди.

Эртасига Гунафша ҳар кунгидек вақтли келганди. Соч турмаклари ўзгариб, эскироқ бўлса-да, хушбичимгина кўйлак кийибди. Ичимда кулиб кўйдим.

– Опа, кўринишим қандай? – сўради ү қимтиниб-гина.

– Ҳа, учрашувга тайёргарликми?

– Опа, ишқилиб, унга ёқармикинман? – унинг ўзига ишонқирамай айтган гапи баттар кулгимни қистатди.

Ўша куни Зилола ишга келмади. Гунафшанинг эса кўзи эшикка қадалган. У сездирмай, телефонига қараб кўяр, йигит учрашувга чақириб қоладигандек ойнача-сига тез-тез кўз ташлаб оларди.

Кечга бориб Гунафшанинг ғамгинлашиб қолганини кўриб, бирортамиз унга ҳазил қилишга ботинолмадик.

Икки кун ўтиб, Зилола ишга чиқди-ю, Жамшид Гунафша билан учраштиринг деб мени ҳоли-жонимга кўймаяпти деб, қизнинг юрагига чўф ташлади.

– Ростданми?! Алдамаяпсизми? – Гунафшанинг нигоҳларида ўт чақнади.

– Алдаб ўлибманми? Телефон номерингизни ўйқотиб қўйибди, шунга... – шундай деб Зилола сумка-сидан пардоз кутисини олиб, Гунафшанинг юзига оро берди.

Ишга шўнғиб кетган эканмиз, тушликка яқин у олдимга келиб, секингина шивирлади:

– Опа, кеча бир шоирнинг шеърини ўқиб қолдим. Сиз ҳам эшитиб кўринг. Гунафша берилиб шеър ўқий бошлади:

*Соғиндим тоғларни шамол эсганда,  
Соғиндим боғларни ёлғиз кезганда.  
Соғиндим, соғинчум юрак эзганда  
Соғиндим ўзимни ёлғиз сезганда!*

– Оббо, сиз-ей, бирпасда соғиниб қолдингизми?! – деган гапимдан Гунафша дув қизарди.

Кейин ён-атрофга бир қараб олди-ю, ҳеч ким эътибор бермаётганига ишонч ҳосил қилгач, шивирлади:

– Соғинмадим-у, лекин унинг қандайлигини ўйлаб, оқшом ухлаёлмадим. Кўзимни очсан ҳам, юмсан ҳам гаплари қулоғим остида эшитилаверади!

– Ие, соғинмадим дейсиз-у, лекин уни ўйлаганингизнинг ўзи соғинч эмасми? Соғинч ахир муҳаббат-ку!

– Опа, сиз жуда чиройли гапирасиз-да?! Кўринишингиз ҳам гўзал! Қанийди, мен ҳам сиздек бўлсан, чиройли гапларни гапирсан...

У гапларимдан завқланиб, мени маҳкам қучоқлаб олди. Тавба, унинг бу қилиғи гўдакни эслатарди.

Эртасига Гунафша ишга кеч келди. Хавотир олиб тургандик, бир маҳал эшик очилиб кириб келди.

– Вой, манави қизнинг очилиб кетганини! – Зилола қичқириб юборди.

Эшик олдида турган Гунафшани таниб бўлмасди: қоматига лойик тикилган адрес кўйлаги, елкасини тўлдириб турган соchlари, юзидаги пардози уни очилаётган гунчадай қилиб қўрсатарди.

Гунафша бугун учрашувга чақириб қолишса, шошилиб қолмай деб каллаи саҳардан холасиникига бориб, холаваччасининг кўйлагини бир кунга сўраб олганини, кейин “гўзаллик салони”га борганини тўлқинланиб гапириб берди. Унинг кўзларидаги куончни шу кунгача кўрмагандим.

Орадан чорак соат ўтар-ўтмас, Гунафшанинг телефони жиринглади. Ҳаммамизнинг қулоғимиз динг.

– Анави киши телефон қиляпти! Нима дей?! – Гунафшанинг аҳволига қараб, кулгидан ўзимизни зўрга тийдик.

– Ўша киши билан гаплашинг-да, – деди Зилола.

Гунафша гўшакни кўтарди. Зилола “ташқарига чиқиб, холи гаплашинг”, дегандек имо қилди.

Бир маҳал Гунафша ҳаяжонланиб кириб келди, кўзларида аллақандай хавотир бор эди.

– Ҳа, учрашувни белгиладингларми? – сўради Муниса.

Гунафша бошини силкиганча жойига бориб ўтириди.

– Йўқ, у киши иш билан узоққа кетиб қолибди. Борганимдан кейин учрашамиз дедилар.

– Вой, шунақа дедими? Кўрмасам, ўлиб қоламан деб оҳ-воҳ қилаётганди-ку. Ўзингизни кўрмаган бўлсаям овозингизни, гапларингизни ёқтириб қолибди, Жамшид тушмагур, – деди Зилола.

Гунафша Зилолага бир муддат тикилиб турди-ю, йиғлаб юборди. Нега йиғлаяпсан, деб қанча сўрамайлик, Гунафша ўпкасини босолмади, бирон сўз дедади.

Орадан кунларни қувиб кунлар ўтди. Гунафша яна одми, содда қизга айланганди. Унинг ҳайрат тўла кўзлари энди аввалгидек чақнамас, ғамгин, ўйчан эди. Бир куни у олдимга келиб, энгашиб, шеър ўқий бошлади.

*Юрагим айтади севармикан, деб,  
Кўзларим кутади келармикан, деб,  
Хаёлим тинч қўймас эслармикан, деб,  
Бир умр ёнимда қолармикун деб?*

– Шоира бўлп кетинг-э! – дедим унга синчковлик билан тикилиб.

– Опа, тўғрисини айтсан, юрагим бошқача бўлиб қолгандек. Севги нималигини ҳали билмайман-у, лекин...

– Яхши қиз, ана шу юрагингизни бошқача қилиб юборган нарса севги, дейилади. Сиз ҳақиқатан ҳам Лайлига айланибсиз, фақат Мажнунингиз олдингизга келса бўлди, – дедим. Гапимдан Гунафшанинг энтиқканини кўриб, ҳазилдан ўзимизни тиёлмадик.

Гунафшанинг кўнгли тоғдек кўтарилди, ҳазиллаrimизга аччиқланмади, аксинча, бизга қўшилиб, мириқиб куларди.

Меҳрибон опанинг танбехидан сўнг у яна соchlарини елкасига ташлаб, ўзига оро бериб келадиган бўлди. Шундай қилса, гўё йигит келиб қоладигандек, учрашувга чақирадигандек, мудом эшикка қараб жавдирайди.

Бир куни пешинда Гунафша белини ушлаб чинкириб қолди. Ранги гезарип кетган, кўзларидан тиркираб ёш оқарди. “Тез ёрдам”ни чақиридик.

— Буйраги хуруж қилиб қолганга ўхшайди. Авваллариям шундай санчиб турармиди, — сўради шифокор текширувдан кейин.

— Баъзи-баъзида симиллаб оғрирди. Лекин... — Гунафша йиғлаб юбормаслик учун лабларини қимтиди.

“Тез ёрдам” шифокори Гунафшани касалхонага олиб кетмоқчи бўлди, бироқ қиз унамади. Шифокор муолажани қилиб, оғриқнинг қолишини бироз кутди-да, жўнаб кетди.

— Сиз соғлигингизга беэътибор бўлманг-да! Қиз бола, бироннинг хасми, бегона хонадонга борасиз. Шу бугундан қолдирмай, касалхонага боринг, даволанинг!

— Мехрибон опанинг гапидан кейин Гунафша ўзини ийғидан тутиб туролмади.

— Мен... мен боролмайман! Ўзи ўтиб кетади!

— Ҳечам-да, даволанмасангиз, касал тузалмайди.

Ёки ўзимиз бориб, онангизга айтайликми?

— Менинг онам йўқ! Отам бошқа аёлга уйланган! Мен тоғамнида яшайман! Улар касалимни билмаслиги керак!..

Шу кунгача биз соддадил деб устидан кулиб юрган қизнинг юрагидаги дардни эшитиб, кўзларимизга ёш қалқди. Уни уринтириб қўймаслик учун ортиқ гапга тутмадик.

Бироз ўтиб, ҳеч нарса бўлмагандек яна ишига берилиб кетди.

Душанба куни эрталаб ишда Гунафшани кўриб, кўркиб кетдим.

— Сизга нима бўлди? Яна мазангиз қочмадими?

— Йўқ, мен яхшиман! Шунчаки... — деди Гунафша ҳорғинлик билан.

Унинг ранги заҳиллашиб, қовоқлари шишиб кетганди. Бошқа ходимлар ҳам унинг кўриниши яхши эмаслигини айтиб, шифокор хузурига боришга ундашди. Бизнинг жон куйдиришимизга жавобан Гунафша маъюс кулимсираб қўиди.

Уч кун ўтиб, у ишга келмади. Касалхонага тушиби.

Жума куни тушлиқда Мехрибон опани олиб, уч киши Гунафшадан хабар олгани бордик. Ҳамшира унинг олдига кириш мумкин эмаслигини айтиб қолди.

— Биз ишхонасидан келдик, бирровга бўлсаям кириб қўриб чиқайлик, — деб ялиниб-ёлворганимиздан кейин у рози бўлди.

Гунафша бир хонали палатада ётарди. Эшиқдан киришимиз билан у бошини илкис бурди-ю, кўзларига ишонқирамай тикилиб қолди.

Гунафшанинг юзи сўлиб, кўзлари чўкиб қолгандек эди. Озиб кетганидан ёноқлари бўртиб чиқсан, сочлали болиш узра паришон ёйилиб ётарди. Бизни кўриб, у ўрнидан туришга уринди.

— Тузук бўлиб қолдингизми, чиройли қиз? — деди Мехрибон опа юзидан авайлабгина чимдилаб.

— Яхши... Мени кўргани келдингизларми-еий!.. — деди ҳануз ишонқирамай.

— Кўринишингиз яхши. Дам олиш сизга ёқибди. Атайлабдан касалхонага ётиб олгансиз, шундайми?! — Гарчи ҳазил қилаётган бўлсам-да, йиғлаб юборишдан ўзимни зўрға тийиб турардим.

— Дўйтирлар буйрагингни операция қилиш керак, дейишди. Билмасам, қачон қилишаркин... Айтгандай,

Зилола опа, анави киши сизга телефон қилмадими? — хиёл уялиб сўради Гунафша.

— Мен... Билмасам... Жамшидми, кеча кўнғироқ қилувди, сизни сўради... — тутила-тутила жавоб қайтарди Зилола.

— Ҳа. Нимагадир менга кўнғироқ қилмай қўйганлар. Кўнгиллари қолмаганимкин, ишқилиб?

— Йўғ-е, у келади, албатта келади!.. — деди Зилола Гунафшанинг кўлинин махкам сиқиб.

Гунафшанинг ёш тўла кўзлари миннатдор бўлиб тикилди. Бироз ўтиргач, ҳамширанинг қистови билан кетишига чоғландик.

— Опа, сизда гапим бориди, — деди Гунафша менга илинж билан қараб. Мен хонада қолдим.

*Қанийди юрагим тошга айланса  
Ва қайсар хотираам қолсайди музлаб.  
Жонсиздек туюлса – жамики нарса,  
Балки йиғламасдим мен сизни эслаб,  
Балки кўникардим ўша ҳаётга.*

У шеърни ўқиб бўлиб, кўзларига қуилиб келган ёшни кўрсатмаслик учун юзини деворга ўгириб олди.

— Бунчалик тушкунликка тушманг! Мана кўрасиз, соғайиб кетишингиз билан Жамшид келади, учрашасиз, тўй қиласизлар! — дедим уни қандай юпатишни билмасдан.

— Ўша кунлар келармикин?! — дея оғир хўрсинди. Бир муддат менга тикилиб қолди-да, давом этди: — опа, тагин ҳеч кимга айтманг-у, менинг икки буйрагим ҳам ишдан чиқканмиш. Дўйтирлар тоғамга “донорликка бошқа буйрак топсангиз, жиянингиз яшаб кетади” деганини ўз кулоғим билан эшитдим. Ким ҳам менга буйрагини берарди?.. Энди ўламан!

— Унда деманг, дардини берган шифосиниям беради. Ҳали кўрмагандек бўлиб кетасиз!.. — деганча унинг олдидан қандай чиққанимни ўзим билмайман.

Ишхонага келиб ҳам ҳушимни йиғиб ооломладим. Йиғлаб туриб бор гапни ҳамкаспларга айтиб бердим.

— Анави Жамшид деганинг Гунафшанинг олдига бир марта келмадиям-а?! Ҳеч бўлмаганда қиз бечоранинг кўнгли кўтарилилармиди, дарди енгиллашармиди, — деди Мехрибон опа Зилолага тик қараб.

— Ҳеч қандай Жамшид йўқ, кўнғироқ қилган мактабда ўқидиган укам эди. Гунафшанинг соддалигини кўриб, бир қитмирлигим тутувди-да. Энди бор гапни айтмоқчи бўлиб юрувдим, қиз бечора касалхонага тушиб қолди, — деди Зилола афсус билан бош чайқаб.

Биз уни ёзғира кетдик.

Ўша куни Зилолага Гунафша соғайиб, касалхонадан чиққунигача укаси Жамшид бўлиб, телефон қилиб туришини тайинладик. Бу орада ишхонадагилар касалхонага бориб, Гунафшадан хабар олиб келишди. Аҳволи яхшиланәтганмиш...

Жума куни эрталаб ишхонага келдим-у, маъюсланиб ўтирган Мехрибон опанинг гапидан донг қотиб қолдим:

— Гунафша кеча тунда оламдан ўтибди. Пешинга чиқаришармиш...

Кўз олдимга одмигина кийинган, беғубор кўзлари ҳайрат билан бокувчи Гунафша келди-ю, юрагим аламга тўлди.



Дилдора ТУРДИЕВА

## ЛОТИН АМЕРИКАСИ ДАХОСИ

2007 йилда у 80 ёшга тўлди. Ўша йили Лотин Америкаси ва Испанияда «Маркес йили» деб эълон қилинди. «Ёлғизликинг юз йили» романининг юбилей нашри эса 500 минг нусхада босилиб чиқди. Ҳаммаси бўлиб китоб 30 миллион нусхада чоп этилган.

2008 йилда унинг асари асосида яратилган «Ўлат пайтидаги севги» фильмни намойиш этилди. Лотин Америкаси даҳосининг энг оптимистик романи экранлаштирилди. Унинг рафиқасига бағишиланган роман. Буюк муҳаббат ҳақида сўйлагувчи роман.

Бундан тўқиз йил аввал шифокорлар унга ҳукм ҷиқаришганди. Унинг ҳамон биз билан эканлиги мўъжизанинг ўзгинаси. Бу унинг ғалати, мистикага йўғирлган ҳаётининг бир парчаси, холос.

Барча яхши нарсалар тўсатдан пайдо бўлади.

Ҳаёт ҳақидаги 12 ҳикмат ёзувчи бўлишни орзу ҳам қилмаган Габриэль Гарсия Маркес қаламига мансуб.

"Мен сени сенлигинг учун севмайман, балки сен билан қандай инсон бўлганлигим учун ҳам мен ўзимни севаман.

Ҳеч бир инсон сенинг кўз ёшларингга арзимайди, ёш тўкишингга муносиб бўлган киши ҳеч қачон сени ийғлатмайди.

Сен хоҳлагандек севишмаса, бу сени бутун қалби билан севишмайди дегани эмас.

Ҳақиқий дўст – бу сенинг қўлингдан ушлаб, юрагингни хис этадиган киши.

Бирор ҳақида қайғурининг энг ёмон усули бу – унинг ёнида бўлиб, ҳеч қачон сенини бўлолмаслигини англаш.

Ҳеч қачон табассум қилишдан тўхтама, гарчи сенга жуда оғир бўлса ҳам. Чунки сенинг табассумингга ошиқ бўлишлари мумкин.


Эҳтимол, бу дунёда оддий инсондирсан, лекин бирор учун сен бутун бир борлиқсан.

Сендан вақтини қизганадиган одамга сен ҳам вақт сарфлама.

Эҳтимол, Тангри ўша ягона инсонни учратмагунимизча йўлимизда ҳар хил кишиларни дуч қилаверса керак.

Ўша сиз орзу қилган ишнинг охир-оқибат амалга ошиши учун ҳам биз миннатдор бўлишимиз лозим.

Ҳеч қачон йиглама, чунки бу ўтиб кетди. Ҳар доим табассум қил, чунки бу бўлиб ўтди.



Сенинг дилингни оғритадиган инсонлар ҳар доим топилади.

Одамларга ишонишда давом этинг. Фақат эҳтиёткорроқ бўлинг.

Ўзинг ҳам яхши бўлишга ҳаракат қил, сени бирор тушунишини хоҳласанг, ўзинг кимлигингни англа.

Ўзингни ҳадеб ўққа-чўққа ураверма, барибир, энг яхши нарсалар тўсатдан содир бўлади".

Энг сўнгги ҳикматни муаллиф ўзи ҳақида ёзган. Шон-шуҳрат ҳам унга тасодифан келди. Чунки у ҳаётда нимагаки эришган бўлса, ҳаммасига қийинчилик билан етишган.

### ФУСУНКОР РЕАЛИЗМ ЧАШМАСИДА

Габриэль Гарсия Маркес Магдалена дарёси соҳилидаги кичкина Аракатака шаҳарчасида таваллуд топди. Атлантика океани баҳайбат тўлқинларининг вахимали товуши билан биргаликда шамол уммоннинг заррин сувларини сочувчи ёқимли шабадани Аракатака кўчаларига ҳам олиб киради. Габриэлнинг отаси телеграфчи бўлиб ишлар, оиласини боқиш учун икки сменада ишлашга мажбур эди. Шу боисдан у уйда жуда кам бўларди. Габриэль онасини жону дили билан яхши кў-

парди. Бироқ ундан ташқари яна ўнта фарзанди бўлган бечора онанинг ўғлини эркалашга вақти йўқ эди. Тақдир тақозоси билан у бобоси ва бувисининг тарбиясига топшириллади. Айнан мана шу инсонлар унда юксак маънавиятнинг шаклланишига салмоқли ҳисса қўшишган.

Бувиси Транкилина ғурурли, ахлоқан соф ва жуда ҳам доно аёл эди. Кейинчалик бувиси унинг кўпгина романларида бир авлод бошида турувчи оналар образида намоён бўлади. Бобоси полковник, 1899-1903 йиллардаги миллий-озодлик уруши қатнашчиси бўлган. Габриэль бобосини ҳам қаттиқ яхши кўрарди. Лекин у 8 ёшга тўлганида бобоси дунёдан кўз юмади. Севимли бобоси Габриэлнинг ҳар бир асарида қайта тириларди. Эҳтимол, у шу тариқа унга умрини бахшида этган инсонлар руҳини шод айлагандир. Бундан ташқари, болакайга уларнинг арвоҳлар дайдиб юрадиган ғалати уйлари ҳам қаттиқ таъсири ўтказганди. Унинг болалик дунёсида сеҳргарлик ва рёй тулашиб кетгандики, бу унинг кейинги ижодида ҳам ўз аксини топади. Габриэль улғайгач, янги адабий жанр – фусункор реализмга асос солади. Макондо мамлакатини у Аракатаканинг тор кўчаларида ўйнаб юрган кезларидаёқ хаёлида барпо этганди.

Габриэль Сапакири шаҳарчасидаги мактаб-интернатда ўқиди. Худди шу ерда у биринчи адабий «тажрибалари»ни амалга оширади. Буни келажақда ёзувчи бўлиш учун эмас, балки хуқуқшунослик касбini эгаллаш учун қилганди. 1946 йилда У Богота университетига ўқишга киради. Габриэлнинг романтик шеърларидан кўпчилик ҳайратга тушарди. 1947 йилда унинг биринчи ҳикояси чоп этилади. Бироқ Маркес факатгина хуқуқшунослик карьераси томон олға интилаётганди. Чунки Габриэлга танлаган қизига уйланиши учун пул керак эди. Ўшанда у 19, танлагани 13 ёшда эди...

## ПЕНЕЛОПА ҲАМОН КУТМОҚДА

Габриэль Гарсиа Маркес астрологияга жуда ишонади. У 1927 йил 6 март куни Балиқ буржи остида туғилган. Шунинг учун ҳам 1932 йил 6 ноябр куни Чаён буржи остида туғилган қиз унинг ягона муҳаббати, рафиқаси, дўсти ва бир умрга йўлдош бўлиши лозим деб ҳисобларди.

Мерседес Барчани у 1945 йилда Сукре шаҳарчасига ёзги таътилга келган пайтида учратди. Уларнинг ота-оналари бир-бирларини яхши танишарди. Танишиш навбати энди уларнинг фарзандларига келганди. Бесўнақай Габо чарос кўзли нозиккина қизалоқ Меченинг кўлини жентельменларга хос ўпди. Ўпди-ю, бир қарашдаёқ ва бир умрга севиб қолди. «Мен ҳозиргина шуни тушундимки, шу пайтгача ёзган шеърларимнинг барчаси сизга бағишлиланган экан, – деди Габо Меченинг кўлини қўйиб юбормасдан. – Менга турмушга чиқинг!».

Жульетта ҳам худди шу ёшда эди. Бироқ XX асрда ҳатто, Колумбияда ҳам бу ёш севги ва никоҳ учун таъқиқланганди. Кейинчалик унинг романларида мана шу мавзу жуда кўп бора кўтарилади. 1945 йилда Мече Барча Габо Маркеснинг кўзларига боқиб шундай деди: «Мен рози. Фақат мактабни тамомлаб олишимга рухсат беринг...»

Севишганлар жуда кўп кутишди. Йўқ, Маркеснинг «Ўлат пайтидаги севги» романидагидек эмас, албатта. Асадаги бош қаҳрамон Флорентино Ариза севгилиси

Фермина Дазега абадий севгисини изҳор қилгач, эллик уч йил, етти ой ва ўн бир кундан кейин уйланади...

Мече Габосини ўн уч йил кутди. У севгилисинг дастлаб юриспруденция, сўнгра журналистика соҳасида муваффақиятли карьера ясашини сабр ила кутди. Неча йиллар орзиқиб кутилган кун етиб келганида Габриэль 31, Мерседес эса 25 ёшда эди. Бу пайтга келиб, Мерседеснинг орқасидан «қари қиз», «Пенелопа» деб атайдиган бўлишди. Чунки у ҳам ўз «Одиссея»ини сабр-тоқат билан кутганди. Лекин уларнинг фарқи шунда эдики, Пенелопа Одиссейнинг қонуний рафиқаси бўлган, Мерседес билан Габриэль эса ҳатто, унаштирилмаган ҳам эдилар.

«Биз шунчаки тақдиримизда борини сабр-тоқат ва қоноат билан кутдик, – дея хотирлайди кейинчалик Маркес. – Турмушимиз давомида биз бирор марта ҳам жиддий гап талашмаганимиз. Эҳтимол, бунга биз ҳамма нарсага никоҳдан олдинги нигоҳ билан қараганимиздир. Оилавий ҳаёт – ҳар куни бошидан бошланадиган жуда машаққатли иш. Шу тариқа умр ўтади. Доимий зўриқиши остида яшаймиз, баъзида бундан чарчаб, зерикамиз... Шундай бўлса-да, ҳаёт, яшаш бунга арзиди!»

Мерседес иккита фарзандини дунёга келтириб, уларни ўраб турган ночорликни ҳам сабр-бардош билан енгарди. Айнан мана шу қадди-қомати келишган, гўзал табассумли аёл туфайли Маркес буюк ёзувчи бўлди.

## 80 ПЕСО ЭВАЗИГА АДАБИЙ ИНҚИЛОБ

Габриэль Гарсиа Маркесни бутун дунёга танитган «Ёлғизликнинг ўз йили» романининг пайдо бўлишида айнан Мерседеснинг хизмати юксак бўлди. Маркес негадир, 40 ёшида буюк асар яратиб, дунёга танилишига ишонарди. У машинасини сотиб, ўн саккиз ойга иш кабинетига қамалиб олди. У ҳатто, оиласи билан ҳам мулокот қилмади. У буткул Макондо мамлакатига кўчиб ўтганди... Бу вақт мобайнida Мерседес дуч келган ишни бажариб, оила бокувчисига айланди.

Кўлёzmани Буэнос-Айресдаги нашриётга юбориш вақти келганида, Мерседес қалин ва оғир папкани кўтариб, почтага ўзи равона бўлди. Бандероль 80 песо турарди. Аммо Мерседесда атиги 40 песо бор эди. У кўлёzmаларнинг ярмини юбориб, уйга қайтиб келди. Электроиситгич, фен ва миксерни гаровга кўйиб, кўлёzmаларнинг қолганини ҳам жўнатиб юборди.

Мерседес Габриэль билан ночорликда ҳам, азобукубатда ҳам бирга бўлди. Гениал асар муваффақиятидан кейинги шон-шуҳратни ҳам у билан бирга муносиб қарши олди. 1967 йилда дунё юзини кўрган «Ёлғизликнинг ўз йили» романи адабиётда «адабий тўнтириш»ни юзага келтирди ва Габриэль Гарсиа Маркесни тирик классика афсонасига айлантириди. Асар миллионлаб нусхада чоп этилар, дунёнинг 35 тилига таржима қилинганди. 1970 йилда романнинг рус тилидаги нашри чоп этилди. Ҳозирда «Ёлғизликнинг ўз йили» жаҳон дурдона асрлари йигирматалигига киритилган.

Шундан кейин омад Маркес билан ёнма-ён юрди. Унинг ҳар бир романи, қиссаси, ҳикояси ва эсселари мухлислар ва танқидчилар томонидан катта хурсандчилик билан кутиб олинарди. Маркес эришган барча ютуқлари рафиқасига тегишли эканлигини тушунарди. «Ўлат пайтидаги севги» романини у «Албатта,



Мерседесга бағишиланади. Бу жойлар ўзининг тождор қироличасини топди...» дегувчи сўз боши билан бошланади. Бу жойлар унинг тасаввурни маҳсулидир. Манандо дунёси. Афсунгарлик ва реализм ўйғуллашган мамлакат. Унинг қаҳрамонлари навниҳол қизларга ошиқ бўлишади. Улар ҳам тўй кунларини ўн ийлаб кутишади. Маркес ҳам гўёки айнан мана шу мамлакатдан ҳаётга келиб қолгандек эди. Мерседес ҳам доимо унинг ёнида. 1972 йилда Ромуло Гальегос номидаги халқаро мукофотни кўлга киритди. Ўн йилдан сўнг ёзувчи Нобель мукофотига сазовор бўлди.

## КЎЧИРИБ ОЛИНГАН ФИНАЛ

1999 йилда шифокорлар Маркесга даҳшатли ташхис қўйиши: лимфатик тизим саратони. «Дунёвий ишлари»ни тутатиб олиши учун унга бир неча ой, эҳтимол, бир йил мухлат бериши. Лекин Габриэль ва Мерседес таслим бўлишади. Ёзувчининг омади бор экан. Ёши катта одамларда касаллик учнчалик тез ривожланмас экан.

Маркес умуман ёзмаслика сўз берганди. Бироқ 2004 йилда «Мен билган ойимчаларнинг хотиралари» («Маъюс хонимчаларнинг хотиралари») романни чоп этилди. Асар бош қаҳрамони умрида бирор марта ҳам севмаган, фақатгина енгилтабиат аёллар «хизмати»дан фойдаланган кишидир. Лекин у тўқсон ёшида 14 яшар қизалоқни севиб қолади. Яна ўша севги қиссаси... У сўнгги деб ўйлаган китоб мисраларида буюк муҳаббатини яна бир бор тилга олади.

Роман чоп этилишига бир ой қолганида қўлпёzmани нашриётдан ўғирлаб кетишади ва асар ақл бовар қилмайдиган нусхада чоп этилади. Маркес ҳеч ким кутмаган жавоб юришини қилди. У романнинг якуний қисмини кўчириб олиб, китоб қилиб чиқарди. Расмий сотувга чиққан роман буткул бошқача якунга эга эди. Бу асар ҳам тез фурсатда миллионлаб нусхада чоп этилди. «Хотиралар»дан сўнг Габриэль Маркес бошқа ёзмаслигини таъкидлади. Бу сафар у сўзида турди. 2006 йилда берган интервьюсида у шундай деганди: «Ўтган иили умримда биринчи марта бир мисра ҳам ёзмадим. Мендаги тажриба билан яна битта роман ёзишининг ҳеч бир қийин жойи йўқ. Лекин муҳлисларим унга юрагимни, қалбимни баҳшида этмаганлигимни дарҳол пайқашарди...».

Бироқ Габриэль Маркес муҳлислари ундан ҳамон ажойиб асарлар, ҳеч бўлмаганда ўша ваъда қилинган мемуарларни кутиб қолишади. Шундан сўнг ёзувчи «Ҳаётни сўйлаш учун яшаш» хотиралар китобини ёзиб тутатди.

## СЎНГГИ МИСТИФИКАЦИЯ ЁХУД ЁЗУВЧИННИНГ СЎНГГИ МАКТУБИ

2000 йилда, касаллиги авж олган паллада Маркес инсониятга атаб ёзган сўнгги мактубини қоғозга тушириди. Мактуб «Мен кетаяпман...» деб бошланарди.

«Агарда Танги менга яна озроқ умр берганида эди, мен хаёлимга келган ҳар бир сўзни айтмаган бўлардим, эҳтимол, мен гапиришдан олдин кўпроқ ўйлаб кўрардим.

Мен ҳар бир нарсага унинг қийматига қараб эмас, балки аҳамиятига қараб баҳо берган бўлардим.

Кам ухлаб, кўпроқ орзу қилардим, юмуқ кўзларнинг ҳар бир дақиқаси олтмиш сонияли ёргу дунёдан маҳрум бўлиш демақдир.

Бошқалар тик турганда, мен юрардим, бошқалар ухлаганда, мен ўйғонардим, бошқалар гапираётганда мен тинглардим.

Шоколадли музқаймоқдан тўйиб-тўйиб еган бўлардим.

Тангри менга яна озгина умр берганида, мен оддийгина кийинардим, күёшнинг илк нуридан ўйғонардим, танамни, қалбимни офтобга берардим.

Ё, Тангрим, қанийди яна озгина вақтим бўлганида эди, мен нафрратимни музга айлантириб, қуёш чиқишини кутардим.

Мен Ван Гог каби юлдузлар шуъласида сурат чи зардим, Бенедетти шеърларини ўқиб, орзу қиласдим.

Мен атиргул тикани оғриғидан фунчаларини кўз ёшларим билан ювардим, гул баргларидан бўса олардим.

Ё, Тангрим, менинг умримни озгина узайтирганингда, севимли кишиларимга уларни яхши кўришимни айтиш учун бирор кунни ҳам ўтказмаган бўлардим. Мен қариганда одамлар севишдан тўхтайди, деган гапларнинг ёлғонлигини исботлаб берардим. Аксинча, одамлар севишдан тўхтаса, қарий бошлайди.

Болага қанот инъом этган бўлардим, ўзим унга парвоз қилишини ўргатардим.

Қарияларга ўлим қариликдан эмас, унутилиб юборишишдан келишини тушунтирадим.

Ахир, мен ҳам кўп нарсани сизлардан ўргандим.

Ҳар бир киши тоғ чўқисида бўлишини, лекин ҳақиқий баҳт уни қиялиқда кутиб туришини тушундим.

Янги туғилган чақалоқ жажжи қўлчалари билан ота бармоғини ушлаганида, уни бир умрга тутиб қолади.

Ҳар бир киши бошқага, тепадан пастга томон қарашга ҳақли, чунки оёққа туришида унинг ёрдами тегиши мумкин.

Мен сизлардан жуда кўп нарсани ўргандим. Тўғрисини айтсам, бундан не наф, билимларим сандини тўлдириб, ўзим кетаяпман...»

Лотин Америкаси даҳосининг сўнгги мактуби Колумбия, Аргентина, Перу нашриётларига тарқатилди. Бир зумда бутун дунё тилларига таржима қилинди. Унинг ижодига ошиқ муҳлислар кўзига ёш қалқди. У кетаяпти, у биз билан хайрлашяпти! Бу орада Маркеснинг аҳволи яхшиланди. Шунда ўзининг ҳассослигидан уялиб, бу сўзлар муаллифлигидан бош тортди: «Мен уят ва аламда қолдим. Чунки мени сидқидилдан яхши кўриб, эъзозловчи муҳлисларим бундай «бемаза иншо»ни менинг асарим деб ўйлашса-я! Айнан мана шу bemaza иншо депрессия ва тушкунлик ҳолатида бўлган кишиларни ҳаётга бошқача нигоҳ билан қарашга мажбур этган. Бундай хайрлашув мактубини Габриэль Маркес номли даҳодан бошқа ҳеч ким ёзолмас эди. Бироқ адабиёт ахли ўтасида ҳануз баҳс, тортишувлар бўлади. Сўнгги мактубнинг ҳақиқий муаллифи ким экан аслида? Маркес ижоди билан шугулланувчи мутахассислар, мактубни унинг ўзи ёзган, дейишади. Фақат Маркес буни тан олишни истамайди. Чунки мурожаат жуда содда, самимий, мулојим тилда ёзилганди. Ҳозирда Габриэль Маркес мактубни Аргентинанинг Перудаги элчиси ёзган деб таъкидламоқда. Элчи қўрқувдан титраб, у ёзувчи эмаслигини, бундай жумлалар тузолмаслигини қайта-қайта тақоррорларди. Шусиз ҳам ҳаммаси аён эди. Бу даҳонинг сўнгги афсонаси бўлса-чи? Эҳтимол, сўнгиси эмасдир. Ҳа, у кетаяпти. Лекин у ҳали тирик. Инсон тирик экан, у ҳали яратишга қодир бўлади. Ҳолбуки, бу инсоннинг номи Габриэль Гарсия Маркес!



Мұхаббат ҲАМИДОВА

# ҲИКОЯЛАР

## БУВИНИНГ ИШ ҚУРОЛИ

Шерзод билан Шаҳзод бувижониси билан боғчага кетаётганди. Қаршиларидан оппоқ яктакли, қўлида қайчига ўхшаган нимадир ушлаган амаки чиқиб қолди.

Болалар бувиларига қўшилиб амакига салом беришди.

– Бувижон, амакининг қўлидаги нима? – сўради Шаҳзод, амаки узоқлашгач.

– Шуниям билмайсанми, токқайчи-ку, – билагонлик қилди Шерзод.

– Вуй, тоғқайчи дейсанми? Нима, амаки унда тоғни қирқадими? – ҳайратланди Шаҳзод.

– Тоғқайчи эмас, токқайчи. Токқайчиди токни хомток қилишади, дараҳтлар, буталарнинг ортиқча шохларини кесишади. Амаки боғбон. Токқайчи боғбонларнинг иш қуроли, – тушунтириди Мавжуда буви.

– Вой, боғча опамиз, милтиқ, танқ, автомат, пулемётни қурол, деганлар-ку.

– Боғча опанг ҳарбий қуроллар ҳақида гапирган. Мен иш қуроли ҳақида гапиряпман. Ҳар бир касб эгасининг ишлатадиган маҳсус асబоблари бўлади. Ана шулар иш қуроли дейилади. Масалан, менинг иш қуролим – игна билан ип. Негаки, мен тикувчиман.

– Адамнинг иш қуроли-чи?

– Адангнинг иш қуроли – автобус. Чунки у ҳайдовчи, автобус ҳайдайди.

– Вой, бувижон, автобус жуда катта-ку, уям иш қуроли бўладими?

– Бўлади.

– Шунинг учун уни қўлларида кўтариб юролмас эканлар-да, – қиқирлади Шаҳзод.

– Автобус иш қуроли бўлгани билан уни кўтариб юриб бўлмайди. Уни ҳайдаб бўлгач, машиналар турадиган уйга кўйиб келадилар, – тушунтириди Шерзод, – тўғрими, бувижон?

– Тўғри, ақллигинам!

– Ойимнинг иш қуроли-чи?

– Ойинг ўқитувчи, унинг иш қуроли дафтар, қалам, доска, бўр.

– Билмадиз, ойимни иш қуроли-чи, бувижон, қозон, чўмич. Қозон, чўмич бўлмаса, ойим бизга овқат пишириб беролмайдилар, – ўзининг гапини маъқуллади

Шаҳзод.

– Бу гапинг ҳам тўғри, ошхона бекасининг иш қуроли қозон, товоқ, чўмич, – қулди Мавжуда буви.

– Бувижонларнинг ҳам иш қуроли борми?

– Бувиларда иш қуроли йўқ, болам. Буви, бу – касб ёки ҳунар эмас-ку, – ўйланиб қолди Мавжуда буви.

– Йўқ, мен биламан: бувиларнинг иш қуроли бор,

– Шерзод бувисини қучоқлади.

– Хўш, билағоним, қани айт-чи, бувиларнинг иш қуроли нима экан?

– Бувиларнинг иш қуроли, бу сиз айтиб берадиган қизик-қизик эртаклар, топишмоқлар.

– Буни қара, шуни ўйлаб кўрмаган эканман. Жуда тўғри топдинг. Бувиларнинг иш қуроли сизни ақли, одобли бўлишга ундовчи ҳикматли сўзлар, топишмоқ ва эртаклар, – Мавжуда буви набираларини меҳр билан қучоқлади.

## ТОПҚИРТОЙ

Иzzat ҳақида сенга айтгандим-а? Ҳа, ўша қақажон болакай. Ҳозир у катта бўлиб қолди. Яқинда беш ёшга тўлади. Уйда ҳалиям ўзидан бошқа бола йўқ. Шундан жуда эркатой. Бобоси, бувиси, адасио ойиси уни еру кўкка ишонишмайди. Сал кўришмаса соғиниб қолишади. Буям етмагандек уни тез-тез “дом” бувиси (ойисининг ойиси) ҳам йўқлаб туради. Кутимаганда тоғаси машинасида ғиз этиб келадио, “дом”га олиб кетади. Бу пайтда катта бувиси уйда бўлмагани учун ҳеч ким қаршилик қилолмайди. Тўғриси, “дом” Иzzатга ёқмайди. Негаки бу ерда ёш бола йўқ. Тоғаси ҳали уйланмаган. Буваси телевизордан бўшамайди, бувиси билан ўйнашни эса ўзи хоҳламайди. Шунинг учун дарров уйга кетаман, деб ҳархашага тушади. Намунча, ўша қишлоғингни яхши кўрасан, кечгача кўчада юриб офтобда қорайиб кетганингни қара, – койииди “дом” бувиси. – Тоғангга айтаман, эртага “Ҳайвонот боғи”га олиб боради. Айиқполвонни кўрасан.

– Керакмас, айиқполвонни яқинда циркда кўрганман, велосипед миниб юриди. Уйимизга кетаман. Беҳзодни мапедига минамиз, – бидирлади Иzzат.



– Беҳзод ким бўлди? – кўзойнагини олиб невара-  
сига жиддий қараб қолди буваси.

– Кўшниси Саломатнинг невараси, – жавоб берди  
бувиси. – Тенги-да, тил топишволган.

– Беҳзод биздан ҳам яхшими? – сўрайди буваси  
Иzzatни тizzasiga ўтқазвониб.

– Мана, мен ҳозир сенга эртак айтиб бераман.  
Беҳзод ҳам эртак айтадими?

– Эртак айтишини билмайди. Уларнинг ҳовлisisidan-  
чи, буважон, ариқ оқиб ўтган. Ариқ бўйидаги отқулоқ-  
ларда кўм-кўк, чироили ниначилар учади. Биз уларни  
ушлаймиз. Бир марта Журъат ниначи тутаман, деганда  
у учиб кетган. Журъат бўлса сувга тушиб кетган.

– Вой шўрим, бувиси қаёққа қаради, тутволиши-  
ми ишқилиб? – Ҳовлиқиб қолди бувиси.

– Э, нега қўрқасиз, ариқча катта эмас, мени бу  
еримдан келади, – белини кўрсатди Иzzat. – Бувиси  
катта бувим билан гаплашиб ўтирганди. Журъат қўрқ-  
қанидан йиғлаворди. Мен билан Беҳзод қўлидан тор-  
тиб, сувдан чиқариб олдик. Тутган ниначимни унга бер-  
дим.

– Ҳо катта йигит-ей, сирам ариқни ёнига борма,  
Худо кўрсатмасин, оқиб-поқиб кетсанг... – уни бошини  
силади бувиси.

– Оқиб-поқиб кетсам ҳам қўрқманг, кўприкчasi  
бор, чиқволаман. Кўприкни тагида-чи бувижон, фиж-фиж  
балиқлар бор. Биз тутиб бутилкага солганимиз.

– Вой шўрим, кўлинг билан-а?

– Йўқ, Беҳзоднинг тўри бор, ўша тўрри иккала-  
миз аста судраб борганимиз-да, шаппа кўтарганимиз.  
Қарасак лиқ тўла балиқлар.

– Ўҳё, шунча балиқни нима қилдинг?

– Беҳзодди товуқларига бердик. Лиқ-лиқ қилиб,  
талашиб еб қўйишиди, – қиқирлади Иzzat.

– Ёқмай кетсин, ҳамма ёғингни сув қилиб балиқ  
тутасану, нега энди бироннинг товуғига берасан?

– Биззи товуғимиз йўқ-да. Биззи бузогимизга-чи,  
бувижон, Журъатнинг ойиси чеълак-челак пўчоқ олиб  
чиқиб беради. Бувижон, тоғамга телефон қилиб чақи-  
ринг, тезроқ уйимизга обориб қўйсинлар.

– Дарров-а, шошма, овқатим пишсин, кейин кетар-  
сан.

– Катта бувим соғиниб қоладилар-да.

– Катта бувинг ҳали ишда, соғинишга вақти ҳам  
йўқ. Бир мактаб бола билан овора, – энсаси қотди  
“дом” бувининг.

Иzzat хушёр бола, бувисининг жаҳли чиққанини  
сезиб гапни бурди.

– Буви, тоғамнинг балиқларига дон берайми?

– Қўй тегма, қайси донни беришни билмайсан, та-  
ғин тоғангдан балога қолмайлик.

– Шунақасан-да, кампир, болани ўз ҳолига қўй-  
майсан. Кейин кетаман, дейди-да. Юр, тойчогим, ик-  
каламиз балиқларга қараймиз, – неварасини балконга  
бошлади буваси.

Иzzat чопқиллаб бориб балкондаги тахта каравот-  
га чиқди-да, деразадан кўчага қаради.

– Бува, қаранг, анави бола Беҳзодга ўхшаркан.  
Беҳзод келган бўлса-я, ҷақирайми? – суюниб кетди у.

– Беҳзод бу ерга келмайди, бузогига қарайди, –  
гапга қўшилди орқаларидан кириб келган бувиси.

– Алдаманг, бузоққа акаси қарайди, – ишонмади  
Иzzat, – акасини дала бувиси, зерикиб кетдик, деб уйи-

га олиб кетган. Биз ҳам зерикканимиздан сени олиб  
келдик-да, болам. Тоғанг ҳам уйланади, бемин-  
натгина неварамиз бўларди.

Иzzat бирдан жимиб қолди, кейин мунчоқ қўзлари  
чақнаб “дом” бувисига тикилди.

– Бувижон, ойимга айтинг, менга ҳам ука олиб кел-  
син. Ана шунда укам сизлар билан ўйнарди, зерикмас-  
динглар.

Бувиси Иzzatning топқирлигидан кулиб юборди.

## АДАШГАН ҚЎНҒИЗЧА

Рустамжон чироили ниначи ва капалакларни жу-  
да-жуда яхши кўради. Уларнинг гулзорда гуллар билан  
ўйнаб, бир-бирлари билан қувалашиб юрганини кўрса,  
ўзида йўқ қувониб кетади.

Гулзордаги гулхайри ҳамма гуллардан эрта очил-  
ди. Унинг қип-қизил гулкосачалари атрофида хол-хол  
қўйлакли капалакчалар ҳам, шоша-пиша бол тўпла-  
ётган хипчабел асалари ҳам, кончиларга ўхшаб пешо-  
насига чироқ ўрнатиб олган ниначилар ҳам парвона  
бўлишарди. Рустамжон ҳар кеч пақирчасида гулхайри-  
нинг тагига сув қўйиб турарди. Ўша дамларда гулхай-  
ри япроқларини силкитиб, Рустамжоннинг юзларини  
силаб, гўё раҳмат болакай, деб қўяди.

Рустамжон одатдагидай кечки пайт гулхайрини  
сугораётганди, гулкосачада бепарвогина шарбат эма-  
ётган тиллақўнғизчани кўриб қолди. Атрофга эса қо-  
ронғулик чўқаётганди.

– Вой бечора, кечикиб қолибсан-ку. Энди уйингга  
қандай кетасан? Овоздан чўчиган қўнғизча безовта-  
ланди.

– Кетмоқчи бўлаяпсанми? Бугун бизникида қо-  
лақол. Тағин йўлда очофтат чумчук тутиб олмасин.  
Бир пас кутиб тур. Мен ҳозир келаман. – Рустамжон  
чопқиллаганча уйга кириб кетди. Зум ўтмай ойиси-  
нинг тилла узуги турадиган кутичани кўтариб чиқди.  
– Мана, тилла қўнғизчага тилла уйча, – у шундай деб  
қўнғизчани гулдан олиб кутичага солди, кейин қўшиб  
қўйди, – қўрқма, бу ер тинч, иссиқ. Эрталаб оғтоб чи-  
қиши биланоқ учирив юбораман. Хўпми, қўнғизвой...

Рустам одатдагидай эрта уйғонди. Қўнғизчадан  
хабар олгач, ташқарига чиқди. Қуёш эндиғина тоғ тे-  
пасидан кўтарилаётган экан. Ойиси ҳовлига сув сепа-  
ётган, енгилгина эсаётган шабадада гулхайри чиро-  
ли тебраниб ашула айтиётган экан. Рустамжон оёғига  
шиппакчасини илди-ю гулга яқинлашди. Қараса, гулко-  
са атрофида каттакон тиллақўнғиз учиб юрибида.

– Ойи, қўнғизчамнинг ойиси ўғлини қидириб келиб-  
ди, – севиниб кетди Рустам. Қўнғиз хола, ўғлингизни  
қидиряпсизми, ҳозир олиб чиқаман. Фақат илтимос, уни  
уришманг, қоронғига қолиб кетгани учун мен меҳмон  
қилиб олиб қолдим. – Рустам ичкаридан кутичани  
олиб чиқиб, аста қопқоғини кўтарди. Қуёш нурини сез-  
ган қўнғизча ғимирлаб қолди. Сўнг қанотларини пир-  
пиратганча “виз” этиб гулга кўнди. Унинг кетидан ўша  
гулга катта тиллақўнғиз яқинлашди-да, узун оёқлари  
билан ўғилчасини бир-икки туртиб қўйди. Қўнғизча  
хурсандлигидан қанотларини кенг ёзди-ю, ойисидан  
ҳам баландга парвоз қилди. Кутилмаганда она-бала  
тиллақўнғизлар ортларига қайтишиб, Рустамжоннинг  
боши устида айланиб хайрлашгач бежирим қанот-  
ларини куёшда товлантириб учиб кетишиди.



### СОГИНЧ

Согинч узун йўлдир, ниҳояси йўқ,  
Йўловчиси – шошган, куйган юрагим.  
Фурсат учиб борар, у отилган ўқ,  
Согинганман, йўқми сенга керагим?

Согинч – тубсиз жарлик, кўнглим – парлари  
Тўзеган, кўйингда афтода, беҳуши,  
Патларим қоплайди согинч жарларин,  
Согиндим, керакми қаноти йўқ қуши?

Согинч – поёни йўқ, долгали уммон,  
Кумуш елканларим кетар ярақлаб.  
Мен сени излайман, излайман ҳамон,  
Елканимни бир бор ўпгин чарақлаб.

Согиниб кетаман, юрак учади  
Бепоён йўлларда, денгиз, жарларда.  
Хаёлим дунёни зумда қучади,  
Югурап ёзларда, кузда, қорларда.

Сен-чи, қаердасан, баҳордамисан,  
Бошиқа ҳамма жойни чиқсанман кезиб.  
Ўша ерда кутгин, етиб бораман,  
Совуқлардан мен ҳам кетдим-ку безиб...

\* \* \*

Хаёлимнинг маҳзун титроқларида,  
Киприкларим васл, фироқларида,  
Орзумнинг гойиб нигоҳларида



*Мунаввара ҚУРБОНБОЕВА*

## Согинч – поёни йўқ, долгали уммон

Фақат ўзинг борсан, ўзинг, азизим,  
Умиднинг ноумид сўроқларида...

Чил-чил синди ақлу-хушим кўзгуси,  
Кўзим қамаштириб ғаминг ёғдуси,  
Куй чалиб юборди қалбим чолгуси.  
Юрган эканман-да дард чекдим дея,  
Эндиги дард менинг жоним олгуси...

Кўнглим ярасига лабинг босдинг – чўғ,  
Бу азоб, бу роҳат бу дунёда йўқ.  
Руҳим боғларига нурларингни тўй!  
Күёшим ҳам ўзинг, осмоним ўзинг,  
Қалбим камалакдек юксалтирган кўк.



Вақт бедов, азизим, учиб борамиз,  
Ёлгизликни маҳкам қучиб борамиз –  
Наҳот баҳтимиздан чўчиб борамиз?  
Мен кўнглингдадурман, сен кўнглимдасан,  
Кўнгилдан ҳам яқин қолди орамиз!...

### БИР КУН

Кун бўйи хаёлинг билан юриб мен,  
Ўзга оламларда яшаб келаман.  
У гаройиб юртнинг подшосисан сен,  
Шамол бўлиб унда хушбўй еламан.  
Сен мени излатиб тўртта томонга,  
Чопарлар жўнатиб довул қоқасан.  
“Мўъжиза келтиринг!”, – деб оломонга  
Ҳадялар улашиб, тилло тақасан.



*Мўъжизалар оқар юртингга шунда:  
Патлари ёқут, дур, лаъл анқо қуши,  
Олтин балиқ, сеҳрли чироқ ҳам бунда,  
Сим-сим хазинаси, парилар туши.*

*Учар гилам билан қанотли тулпор,  
Ойнаижсаҳону, қайнар хумча ҳам.  
Сен учун қилинар тилсимлар бисёр,  
Сеҳрлар тўхтамас юртингда бир дам.*

*Барчасин кўрасан, ҳаловатингдан  
Ажраб тилсимларга тугал етасан.  
Мени излаб олтин, олмос юртингдан,  
Бир кун дарвеш бўлиб чиқиб кетасан!*

### **СЕНИ КУТГАНИМДА**

*Сени кутиши – кўниши, яшамай туриши –  
Дақиқалар чексиз коинот қадар.  
Нафас олмай туради теграмда турмуши,  
Вақтнинг оёги шол, қулоқлари кар.*

*Соатга айланиб қолар юрагим,  
Жим-жит, гўё жонсиз тўхтаб қолади.  
Наҳот бу бозорда йўқдир керагим,  
Бемор юрагимни ким ҳам олади?*

*Бу ҳолатда қолмоқ – ўлим, ҳалокат,  
Сени кутмасликка аҳд қилдим буткүл.  
Ўчим сенга айтмоқ қанчалик роҳат,  
Ўйласам юрагим ҳапқирап нуқул!*

*Ха, тамом, кутмайман, ўйламайман ҳам,  
Хаёлим фазодан иигиб оламан.  
Шўхчан қўшиқларим куйламайман ҳам,  
Маҳзун куйлардан ҳам безиб толаман.*

*Гулларнинг жисолоси, ифорига ҳам  
Совуқман, бефарқман, гўёки карахт.  
Булбулнинг навоси бемазмун, бешаън,  
Кутганимдек қалбим тўлдирмади баҳт.*

*Вақтнинг тезкорлиги сизмагай онга,  
Айланар теграмда йиллар сурони.  
Кунларимни тунга, тунимни тонгга  
Уламоқ – зарраси каби бир оннинг.*

*Соат юриб кетди, тўхтади юрак,  
Сени кутмай қўйган дақиқамданоқ.  
Атрофимда гувлаб чарх уради фалак,  
Умрим мазмунига етолмас бироқ...*



*Муҳаббатим менинг, баҳтимдан дарак,  
Сени яна кутгум, ўзинг бер најсот!  
Соат тўхтаб, ура бошлиди юрак,  
Сени кутиши – ёниши, яшаш ва ҳаёт!*

\* \* \*

*Тобора чуқурроқ юрак яраси,  
Тобора теранроқ согинч ва алам.  
Муҳаббат, нафратнинг қанча ораси,  
Уларга бормикан бир одил ҳакам?*

*Гоҳида учаман ўз-ўзимдан шод,  
Ағдарилар гоҳи ичимда недир.  
Кўз ўнгимда дунё бўлади барбод,  
Кўз ўнгимда дунё қуёшига тенгдир.*

*Умримдан бир мазмун излайман ёниб,  
Кунлардан ҳаётим қуриб оламан.  
Тақдирдан қочиб ё бўлгайми тониб –  
Тонгларда аксингни кўриб қоламан.*

*Хаёлинг дунёмни олади босиб,  
Жанг-жсадал, қиргинсиз, шовқин-суронсиз.  
Шууримни дорга қўясан осиб,  
Согинч лашкарларинг дилсиз, омонсиз.*

*Согинчинг тобора айлади маҳкум,  
Согинчинг тобора айлади адo.  
Наҳот ёлғизликка қиласан ҳукм,  
Билгинки, ёлғизнинг ёридир Худо!...*





*Муборак РУСТАМОВА,  
ЖИДУ қошидаги академик  
лицей ўқувчиси*

## ЭХ... БОЛАЛИК

### Ҳикоялар

Бугун адабиёттимиз бўсағасидан бўйлаётган жажжи ижодкорларимизнинг саъй-ҳаракатларини кўриб завқланамиз. Улардаги дадиллик, адабиётга ошуфталик ўзига хос тарзда намоён бўлаяпти. Муборак Рустамова ана шундай умидли қаламкашлардан биридир. Биз унинг туркум ҳикоялари билан танишар эканмиз, кўнглимизда хайриҳоҳ туйғулар кечди. Муборак Рустамова сунъийликдан қочади. Унинг битиклари табиий. Кўрган-кечирганлари ҳақида, тенг-тўшлари ҳақида самимий, содда ҳикоя қиласди. Муборак Рустамованинг ижодида ҳарорат бор, тафт бор. Бу илуклиқ юракларни иситади. Муборак янги шаклий, услубий йўллар топиш йўлида жиёддий изланишлар олиб бораётпти. Зоро, бу устозлар назаридаги энг эътиборга, таҳсинга лойик жиҳатидир. Бу бежиз эмас, албатта. Чунки ўз устида ишлайдиган, ижодий янгиликлар ахтараётган наевқирон қалам соҳибидан келажакда умидли ижодкор чиқиши ҳақиқатга яқиндор.

*Таҳририят*

## БИРОВНИНГ ЮКИ

Автобусда одам сийрак эди. Фақат ўриндиқларгина банд. Унда-мунда тик турган йўловчилар ўз хаёллари оғушида паришон кетишарди. Лекин Олмоснинг жаги-жағига тегмайди: ўтган кунги мусобақа ҳақида дўсти Азизбекка тўлиб-тошиб гапириб берарди.

Ха, рост. Олмоснинг омади чопди. Кураш бўйича туманда ғолибликни кўлга киритиб, шаҳар босқичида куч синашадиган бўлди. Унинг бу ютуғидан мактабдаги устозлари, синфдошлари хурсанд. Бири кўйиб, бири олиб Олмос Қодировни кутлашади. Оғизларидан бол томиб уни мақташади. Айниқса, Азизбек дўстининг ғалабасидан беҳад севинди. Чунки иккени уч йилдан бери кураш билан шуғулланишади. Арзимас бир сабабга кўра тиззаси лат еганлиги учун Азизбек тумандаги мусобақага қатнаша олмай қолди. Лекин Олмоснинг ютуғини ўз ютуғидай билди.

Мана, бугун улар дарсдан сўнг галдаги машғулотга отланишиди.

Автобус бир маромда имиллаб бораради. Баланд-паст иморатлар, гавжум кўчалар, автолар, одамлар оқими дераза ортидан лип-лип ўтиб тураради. Қай куни кузнинг илк ёмғири ёғиб ўтгани учунми, ҳарнечук, ҳаво анча салқин.

– Рақибимнинг қўли жуда қаттиқ экан, – дея ҳануз жўшиб ҳикоя қиласди Олмос, – билагимни омбурдай

қисди. Лекин жуда эҳтиётсиз ҳаракат қиласкан. Анча пайт пойлаб турдим.

Дўстининг ҳаяжони Азизбекка ҳам юқанди. Олмоснинг ҳар бир сўзини диққат билан тинглаб, кураш манзараларини кўз олдида жонлантириб бораради. Баъзан беихтиёр беллашувга монанд ҳаракатлар қилиб кўярди.

– Энди шаҳар босқичига яхши тайёрланишинг кепрақ, – деди у кўлларини маҳкам мушт қилиб.

– Тўғри, қаттиқ шуғулланишим шарт, – деди Олмос кўзлари чақнаб, сўнг афсусланганнамо бош чайқади, – сенинг қатнаша олмаганинг чакки бўлди-да.

Азизбек хомуш бош эгди.

– Биласан-ку, тиззам панд берди.

– Айб ўзингда. Доим бирор ишкалга аралашиш юрасан.

– Тўғри...

Рост, Азизбек доим ўзини ўтга-чўқقا уриб юради. Бир куни бозорда кичкина болани калтаклаётган учтўрт безори билан олишиб кетди. Уларни қочиб қолишга мажбур қилди, лекин ўзи ҳам бир-икки мушт еди. Бурни қонади, қовоғи кўкарди. Энг ёмони, ўша ерда юрган участка нозири уни тутиб кетди. Безорилиқда айблади. Дадасини чакиртирди. Азизбек тавба-тазарру қилиб зўрга кутулди.



Тагин бир куни ғалати воқеа бўлган. Ўшанда галдаги машгулотдан қайтишаётган эди. Кўчада бир одам ийқилиб ётган экан. Одамлар бепарво ўтишарди. Лекин Азизбек чўзилиб ётган кишининг бошига энгашди.

“Кўйсанг-чи, ғирт маст бу”, – деб кўлидан тортқилади Олмос.

“Мастмасман”, – деб жавоб берди шу пайт ўша киши, – юрагим санчиб қолди. Илтимос, ёрдам беринглар...

Азизбек шоша-пиша бир йўловчи машинани тўхтатди. Сўнг дўстлар биргалашиб ҳалиги беморни касалхонага етказишиди. Жуда кечга қолиб кетишиди. Уйдагилар роса хавотирланиб туришган экан. Бўлган воқеани эшитди-ю, Олмоснинг дадаси баттар тутоқди.

“Сен тирранчага ким қўйибди бирорнинг ғамини ейишни, – деди у ўғлиниң қулоғидан чўзиб, – ўзингни ўйласанг-чи...”

Ўша кеч дадаси Олмосга яна одатдагидек узундан-узоқ насиҳат қилди. Бўлажак чемпион ҳар нарсага ҷалғимай, фақат ўзини ўйлаб мақсад сари интилиши кераклигини бот-бот тақрорлади.

“Ҳали зўр бўлиб кетганингдан сўнг бирорларга яхшилик қиласан”, – деб қўшиб қўйди гап охирида.

Олмосга насиҳатлар бемаъни туюлди. Негадир Азизбекни ёмон қўриб кетди.

“Шуни деб роса таъзиримни едим”, – хаёлидан ўтди унинг.

Азизбек эса ҳануз ўша-ўша. Бирорларга ёрдам берман деб ҳамиша ўз бошига ташвиш орттириб юради. Ана, қайси кун мактабга анча эрта келиб фаррошга сув ташиб кўмаклашибди. Тўсатдан сирпанчиқ ерда сирғалиб кетиб, тиззаси лат еган. Шунинг оқибатида мусобақага боролмади.

– Кейинги мусобақада албатта қатнашаман, – деб қўйди Азизбек лабларини қўмтиби.

Олмос ҳам бош иргаб уни маъқуллади.

Шу орада улар манзилга етиб келишиди. Автобус гавжум бекатда тўхтади.

– Илтимос, болаларим, бироз ёрдам беринглар!

Ҳар иккиси овоз келган тарафга ялт этиб қарашди.

Ўриндиқдан аранг кўзғалаётган соч-соқоллари опоқ, озғин бир кекса киши уларга жавдираб қараб турарди. Оёқлари остида алланималар солинган икки кути кўринарди.

– Нарсаларимни автобусдан тушириб беринглар, – деди қария ҳансира.

Азизбек дарров ёрдамга шошилди. Олмос эса иккиланиб қолди. Сўнг ноилож дўстига эргашиб, истар-истамас қутилардан бирига қўл чўзди.

Бекатда одам гавжум эди. Кимлардир туртиниб-суртиниб автобусдан тушар, кимлардир чиқишга уринарди.

– Баракалла, азаматлар, – дея алқади қария болаларни, улар қутиларни олиб тушиб бир чеккага қўйгач, – кўл яшанглар!

Азизбек бир чолга, бир атрофга кўз югуртди.

– Бу ёғига қандай олиб кетасиз, ота. Ўйингиз қарда?

– Хув муюлишдаги кўчада, – деб ишора қилди қария, – қани... ўзим бир амаллаб олиб кетарман.

– Кўяверинг, биз ёрдам берамиз, – деди Азизбек яна кути томон интилиб.

Олмос унинг биқинига туртиб ўқрайди, сўнг қарияга юзланди.

– Ёрдам берардик-а, лекин машгулотга шошиляпмиз.

– Хўп, болам, хўп... Раҳмат сизларга, бораверинглар.

Аммо Азизбек аллақачон қутилардан бирини қўлтиқлаб олган эди. Олмос ҳам димогида пўнғиллаганича иккинчи қутига қўл узатди.

Қария йўл бошлади.

Шаҳарга аста-секин кеч кириб келарди. Теваракка қандайдир кулранг бўёқ тўкилиб кетганга ўхшарди. Катта йўл бўйлаб автолар чинқириб чопишади. Ҳаммаёқ шошқин-тошқин.

Олмос умрида бундай оғир юк кўтартмаган эди. Ҳаш-паш дегунча жиққа терга тушди. Кўлидаги қутини гоҳ у, гоҳ бу биқинига олади. Зимдан дўстига кўз ташлади. Азизбек эса мамнун бир қиёфада илдамгина борарди.

– Қанақа машгулотта боряпсизлар? – деб сўради қария тез-тез юрганидан ҳансира.

– Кураш клубига қатнашамиз, – деб жавоб берди Азизбек.

– А-ҳа-а, полвонмисизлар?! Баракалла...

– Дўстим, – деб Олмосга ишора қилди Азизбек, – туманда ғолиб бўлди. Зўр курашли.

– Баракалла.

Улар қария кўрсатган кўча бўйлаб юриб, пастаккина дарвоза ёнида тўхташди

– Шу ерга қўя қолинглар, – деди қария, сўнг Олмосга кулимсираб кўз ташлади, – ия, полвон болам роса терлаб кетиби-ку?

– Нарсангиз жуда оғир экан, – деб ғудранди Олмос, қутини дарвоза ёнига қўйиб.

– Тўғри, – деб бош чайқади қария, – бирорнинг юкини елканѓа кўтариш ҳамиша ҳам оғир. Бирорнинг юкини қийналмай елкасига олган одамгина ҳақиқий полвон, болам.

Олмос хижолатланиб юзидағи тेरларини артди.

Қария табассум билан унинг елкасига қоқиб қўйди.

Шу пайт дарвоза очилиб кимнингдир қораси кўринди.

– Ия, отажон? – деди ажабланиб, қарияга ногоҳ кўзи тушиб. – Ассалому алайкум! Сиз қачон келдингиз? Нега бизга хабар қилмадингиз?

– Сизларни безовта қилмай дедим-да, болам.

Бу орада болалар ҳам ҳанг манг қотиб қолишган эди. Чунки қаршиларида туйкус пайдо бўлган одам уларнинг мураббийси эди.

– Ассалом, устоз! – дейишиди болалар бараварига.

– Салом. Сизлар бу ерда нима қилиб турибсизлар?

– Улар нарсаларимни опкелишиди, – дея гапга араплашди қария. – Жуда тарбияли болалар экан.

Мураббий викор билан томок қириб қўйди.

– Булар менинг шогирдларим, ота. Жуда ақлли, мард болалар.

– Умрлари зиёда бўлсин.

Олмос худди елкасига оғир юк ортилгандай хижолатдан эгилиб-букилиб турарди.

Ота дуога қўл очди.

## ЎҒРИЛИК

Бизнинг гуруҳда ўқийдиган Танзиланинг мобил телефони йўқолиб қолди. Сўнти русумдаги қиммат-баҳо телефон. Бу воқеа бутун коллежимида шов-шув бўлиб кетди.

– Кодини мелисага берсанг, дарров топиб беришади, – дея билағонлик қилди кимдир.

Тағин бирор норизо пўнгиллади:

– Эҳтиёт қиломасанг, нега кўтариб юрибсан унақа нарсани?

Хуллас, маслаҳат берувчилар, панд-насиҳат қилювчилар саноқсиз эди. Аммо Танзила ўзини алланечук беларво тутарди.

– Ман мелиса-пелисага айтиб юрмайман, – дерди у баҳузур сақич чайнаган кўйи, – уч кун муҳлат бераман, шу пайт ичида олган одам телефонимни қайтиб берсин, йўқса, бошқача гаплашаман.

Танзиланинг мардана гап-сўзлари кўпчиликни қойил қолдирди.

Ўғрилик ҳақида шивир-шивир бўларкан, ҳамма гурухимиздаги Неъмат исмли болага зидан кўз ташларди. Чунки у безорилиги, такасалтанглиги билан анча машҳур эди. Айтишларича, шаҳардаги аллақандай киссавурлар тўдасининг аъзоси эмиш.

Шубҳали қарашларни пайқаган, шекилли, Неъмат танаффус пайти ҳаммага эшииттириб қичқириди.

– Мендан кўрғансанларми?! Мен аллақандай телефон учун номусимни булғамайман. Керак бўлса, бошқа ерда, бошқа ишларга қўл ураман. Бошқа менга ўкрайгандарингни кўрмайин.

Гуруҳдаги деярли барча болалар унга ишонишгандай бўлди. Аммо гурухимиз раҳбари – Гулюз Шаймановна яна оловга ёғ қўйди.

– Телефон эгасига қайтсин, – деб ғазабини сочди у, – шов-шув директоргача бориб етди, мени ўқитувчилар олдида роса қизартириди. Мен... бундай шармандалилкка чидай олмайман, телефонни тезроқ топинглар! Эрматов! Бу гап энг аввало сенга тегишили.

Неъмат ўз фамилиясини эшитиб аввалига ҳангуга манг қотди. Атрофга, болаларга худди нажот сўрагандек жавдираб қаради. Лекин ҳеч ким уни оқламади, тарафини олмади. Неъмат аччиқ илжайган кўйи қарскурс қадам ташлаб, синфонадан чиқиб кетди.

– Жаҳҳал қилганига ўлайми бунинг, – деди ижирғаниб Гулюз Шаймановна.

Болалар индамай ерга қарашди.

Телефон йўқолиб қолган, Неъмат алам билан чиқиб кетган куннинг эртаси эди. Мен иккинчи дарсга ултурмадим. Кўчанинг нариги бетидаги дўкондан дафтар сотиб олиш учун бордиму анча кечикиб қолдим. Машғулотга кирган устоз жуда қаттиққўл, талабчан эди. Дарсда қатнашмаган ўқувчиларни аяб ўтирасиди. Шунинг учун ҳам, кечикиб бўлса-да, синфонага киришга қарор қилдим. Аммо... шоша-пиша коллеж дарвозасидан кирган пайтим қулоғимга жуда ғалати, жуда таниш мусиқа саси эшитилди! Танзиланинг йўқолган телефони жиринглаган пайт худди шундай антиқа мусиқа чалинарди!

Шоша-пиша атрофимга алангладим. Шунда... дарвозадан анча наридаги, қуюқ дараҳтлар танасида-ги ёғоч ўриндиқда ўтирган қиз гира-шира кўринди. Бе-

ихтиёр унга яқинроқ бордим. Не кўз билан кўрайки, у ерда орқа ўтирган кўйи Танзила ўтиради! Қўлида уша маълуму машҳур телефон! У аллаким билан шўхшаън гаплашарди.

– Ҳаммаси зўр бўлди... телефонимни излашяпти. Айтганинг тўғри экан, бир кунда ҳамманинг эътиборига тушдим. Устоз уйингдагиларга айтмай тур деб ялинди...

Мен беихтиёр орқага чекиндим. Юрагим қинидан чиққудек гурс-гурс уради. Ҳовлиқанча ўқув биноси томон югурдим.

“Айтаман! Кўрган-билғанларимни болаларга айтиб бераман! Ярамас қиз ҳаммамизни лақиллатди...”

Шундай хаёллар билан синфонага қандай кириб борганимни, қачон ўз жойимга бориб ўтирганимни ҳам билмайман. Ранг-рўйим ўзгариб кетган бўлса керак, болалар менга ажабланиб кўз ташлашарди.

Мен дарсга ҳам тузукроқ қулоқ солмадим. Фикру зикрим Танзилани фош қилиш билан банд эди. Танаффус пайти айтар сўзларимни хаёлимда пишитардим. Негадир кўз олдим тиниб, бироз бошим айланарди. Ҳойнаҳой, ҳаяжондан бўлса керак.

Ниҳоят, танаффусга қўнғироқ ҷалинди. Ўқитувчим шоша-пиша чиқиб кетди. Синфонада ғала-ғовур кўтарилиди.

– Болалар! Зарур гап бор! – дедим мен доска ёнига ҳаяжон билан бориб.

Ҳеч ким менга деярли эътибор бермади. Шу пайт узун йўлакда аёл кишининг шанғиллагани, ҳўнграб йиғлагани эшитилди. Болалар жим бўлиб қолишибди. Мен ҳам айтар сўзимни унуби эшик томон қарадим. Бир пайт синфонаномизга ранг-рўйи бўздай оқарган Гулюз Шаймановна кириб келди.

– Болалар, – деди у ғамгин, бўғиқ бир товушда, – Неъмат ўз жонига қасд қилиб, сирка ичиб қўйибди. Ҳозир касалхонада экан. Ана, онаси тўполон кўтариб директорнинг олдига кириб кетди.

Биз лол қотиб қолган эдик. Шу орада Танзила ҳам сирғалиб кириб келди. Ҳамма унга ўқрайиб қаради. Сирни фош қилишнинг айни пайти эканини пайқаб, гапга оғиз жуфтладим. Бироқ туйқус миямга бир фикр урилди:

“Танзила маккор қиз. Телефон ҳозир унинг ёнида йўқ. Қаергадир яшириб келяпти. Агар кўрган-билғанимни айтсам, гапимни исботлай олмай ўзим шарманда бўлиб қоламан. Яхшиси, кейинроқ...”

Ўша куни барчамиз Гулюз Шаймановна бошчилигидаги касалхонага, Неъматни кўргани бордик. Гуруҳдошимиз биз билан гаплашишни истамади. Гулюз Шаймановна ҳам хижолат бўлди. Сўнг барчамиз кечирим сўраб, узундан-узоқ хат ёзиб, келтирган озуқаларимиз билан палатага ҳамшира қиз орқали киргизиб юбордик...

Эртаси куни, ҳали биринчи дарс бошланмай туриб Танзила тилга кирди.

– Болалар, телефоним топилди! – деди у хотиржам, ғолибона бир товушда, – огоҳлантирганим учун ўғри ўзидан билиб, тағин сумкамга солиб кетибида. Мана, у!

Танзила қўлидаги уша қимматбаҳо телефонни ба-

ланд кўтарди. Болалар таажжубланиб бир-бирига кўз ташлашди. Уларнинг нигоҳида “Ўғри ким экан?” деган савол кезиниб юрарди. Танзила гуруҳдошларининг саросимага тушиб қолганидан қувонгандай илжайиб жойига бориб ўтиреди. Кўп ўтмай синфхонага ўқитувчи кириб келди.

Шу билан шов-шув, миш-мишга хотима ясалгандай бўлди. Аммо энг муҳим воқеа ҳали олдинда эди. Орадан бир кун ўтиб Танзиланинг ўша тантик телефоны чинакамига йўқолиб қолди! Бироқ буни ҳеч ким билмади. Танзила тўрга тушган қуёндек типирчилар, гоҳ сумка-

сини, гоҳ синфхонани, танаффус пайтлари коллеж теварагини жонсарак кўздан кечирарди. Ранг-рўйи учиб, муштдеккина бўлиб қолди. Лекин дами ичиди, телефони йўқолиб қолгани ҳақида ҳеч кимга ботиниб айта олмади. Айтган тақдирда ҳам ҳеч ким унга ишонмаслиги ойдай равшан эди. Танзила ичикиб, ўз-ўзича телефонини изларди. Лекин у ҳеч қачон топилмайди. Болаларга шунча ташвиш келтирган, бир бегуноҳни ўлим тўшагига ётқизган бу ярамас матоҳ аллақачон чил-чил синган, коллеж яқинидаги ахлат ўрага улоқтириб юборилган эди. Мен буни жуда яхши билардим.

## БАХТ ҚУШИ



Нихоят, шаҳар ортда қолди. “Нексия” эгри-буғри, паст-баланд тоғ йўлига чиқиб олди. Машинанинг ярим очиқ олд ойнасидан муздек шабада ёпирилиб кира бошлиди. Йўлда қатнов сийрак. Яккам-дуккам автолар аҳён-аҳён гиз-ғиз ўтиб қолади.

Сожида орқа ўриндиқда хаёл суриб келарди. Гоҳо чапдастлик билан машина бошқариб бораётган дадасига юзланиб, мамнун жилмаяди. Дадаси ҳам пешойнадан тез-тез қизига қараб кўз қисиб қўяди.

– Қалай, қушчанг безовта бўлмаяптими? – деб сўради олд ўриндиқда ўтирган ойиси орқага ўгирилиб.

Сожида бош чайқади. Бежирим, ихчам тўр қафасдаги миттигина, қанотлари чип-чиройли қушчасига меҳр билан қаради.

Бу қушчани ўтган ҳафта, Сожиданинг ўн ёшга тўлиши муносабати билан дадаси совға қилди.

“Қара, қизим, сенга баҳт қуши опкелдим!” – деди ўшанда у тантанавор.

Дадаси – Шавкат ака жуда яхши одам. Ёлғиз фарзанд бўлгани учунми, Сожидани еру кўкка ишонмайди. Ҳатто ойиси – Нодира опадан ҳам ортиқ эркалатади. Ҳар куни ишдан қайтар пайти қизига атаб нимадир олиб келади. Туғилган кунлари-ку, асти қўяверасиз, совғаломга кўмиб ташлайди. Ҳар бир ҳадяси ғаройиб, ҳеч кутилмаган бўлади. Мана, бу гал ҳам...

Сожида миттигина, оёқлари нозиккина қушчани кўрдию, жуда-жуда севиниб кетди. Ахир кўпдан бери шунақасини орзу қилиб юрарди-да! Аммо ота-онасига айтишга ийманарди. Қаранг-а, дадаси қизининг кўнглидагини сезибди!

Нодир ака қафасдаги ҳадясини топширган пайт меҳмонхонада Сожиданинг синфдош дўст-дугоналари ўтиришарди. Улар қафасдаги қушча устига баб-баравар ёпирилишиди.

“Ву-уй, чиройлилитини! Ҳудди эртақдан чиқиб келганга ўхшайди!” – деб чинқириб юборди синф фаоли Ҳилола.

Азиза ҳам уни қўллаб-қувватлади.

“Ростдан ҳам бу баҳт қуши!”

“Бунақаси фақат тропик мамлакатларда бўлади,” – дея ўз билимини намойиш этган бўлди Хайрулла. У яқинда жуғрофия фани бўйича шаҳарда ўтказилган мусобақада ғолиб бўлиб келган эди.

Мактабдан кўра бозорда ўтиришни афзал биладиган Даврон ҳам ўз ҳис-ҳаяжонини яшириб туролмади.

“Ўлай агар, бу камида беш юз доллар туради! Жуда ноёб парранда!”

Сожида дўстларининг ҳайратидан, таърифларидан ял-ял яшнади. Шундай антиқа совға келтирган дадасига ич-ичида миннатдорчилик билдириди.

У синфдошлари тарқалишгач, қафасни ўз ётогига киргизиб олди. Чип-чиройли, кўзлари қаҳрабодай қушчанинг олдига дон-дун, сув қўйди. Аммо қушча жуда безовта эди. Гоҳ нолакор чирқиллар, гоҳ бир чеккада ҳудди совуқда қолгандай қунишибигина турар эди. Сожиданинг эркалашларига парво ҳам қилмасди.

“Қўявер, ҳали янги жойга кўнинкани йўқ”, – дея қизини овутарди ойиси.

Сожида қушчага боғланди-қолди. Эртаю кеч атрофида гирдикапалак. Ҳатто ҳар хил тақинчоқлар тақиб қафасни безади. Лекин қушча ҳануз ётсирап, алланечуқ маъюс мўлтирап эди. Унинг аҳволини кўриб Сожида ҳам хафа бўлиб кетарди. Ҳатто бир-икки кўз ёши ҳам қилиб олди. Бир куни у ҳануз чиройи очилмаётган қушчасига термулиб ўтираркан, тўсатдан ўтган йили Фарангистонга боришгани хаёлидан ўтди.

Париж деганлари бир мўъжиза экан! Ҳамма ёқозода, шинам ва жозибали! Бир-биридан гўзал, осмон-

ўпар биноларни айтмайсизми! Ана, Эйфел минораси – дунёдаги етти мўъжизанинг бири!

Сожида ота-онаси етовида ана шундай ажойи-ботларни томоша қилиб, кечки пайт меҳмонхонага қайтишиди. Меҳмонхонада ҳам улар учун ҳамма шартшароитлар муҳайё эди. Уларга ажратилган хоналар кенг, шинам ва ёруғ. Истаганча дам олиш, истироҳат қилиш мумкин. Аммо Сожида беихтиёр ўзини ёлғиз ва ғарип ҳис қила бошлади. Кўнглига қил ҳам сиғмасди. Шаҳарнинг барча гўзалликлари кўз ўнгидага хира тортиб борарди.

“Қачон уйга қайтамиз?” – деб пиҷирлади у ойисининг қўйлагига сўйкалиб.

Нодира опа қизига беадоқ таажужуб билан тикилди.

“Дарров зерикиб қолдингми? Қара, қанча томошага арзийдиган нарсалар бор!”

“Одамлар ўз шахридан бир қадам нарига чиқишига зор, бунинг эса...хатто Парижда ҳам тургиси келмаяпти,” – деди Шавкат ака хафа бўлган оҳангда.

Сожида ота-онасини ранжитиб қўйганидан хижлат чекди. Ўзини қўлга олишига, кувнаб юришига ҳаракат қилди. Бироқ барибир қўнглидаги маъюсликдан ҳалос бўла олмади. У шундагина ўз уйини, ўз шахрини кўмсаётганини, шўх-шашын дўстларини соғинаётганини англади. Беихтиёр маҳалласидаги болалар қийқириги қулоқлари остида жаранглагандек туюлди. Кўчасидаги қатор дарахтларнинг, ҳовлисидаги райҳонларнинг ифори димогига урилгандай бўлди. Аввалгидан баттар бе-саранжомлашди. Ҳатто овқатта ҳам иштаҳаси бўлмади. Ота-онаси ҳам ташвишланиб қолишиди. Қизимиз бирор касалга чалинмадимикан, деган хаёлда бир-бирига безовта тикилишиди. Оқибат шу бўлдики, улар сафар муддати тугашини ҳам кутмай, тағин Ўзбекистонга қайтишиди.

Улар аэропортда она заминга оёқ босишар экан, Сожида беихтиёр қанот боғлаб учиб кетаётгандек, бўй-басти сарв қадар узайгандек туюлди. У бахтиёр қиёфада ота-онасига бир-бир кўз ташлади.

Сожида ғаригина бўлиб турган қафасдаги қушчасига хомуш тикилиб тураркан, ўша сафар тафсилотлари шу тахлит хаёлидан бир-бир ўтди. Дадаси совға қилган қушчанинг, баҳт қушининг аҳволини тушунгандай бўлди.

Кечакечки овқат устида Шавкат ака гап бошлаб қолди.

“Эртага тоққа чиқамиз. Бир дўстим дачасига таклиф қилган”.

“Жуда яхши бўларди-да, – деди Нодира опа ҳам мамнун, – анчадан бери шаҳардан чиқмадик”.

Сожида ҳам қувончдан чапак чалиб юборди.

“Уре-е-е!”

Аммо тўсатдан хомуш бўлиб қолди.

“Ха, қизим, нега ўйланиб қолдинг?” – деб сўради ойиси.

“Ахир... баҳт қушимга ким қараб туради. Уйда бошқа ҳеч ким йўқ-ку?”

“Кўявер, асал қизим, – деди дадаси чойдан хўплаб, – кечгача қайтиб келамиз, унгача баҳт қушинг сени бироз соғиниб туарар”.

Сожида индамай ерга қаради. Унинг қушчани сира ёлғиз қолдиргиси йўқ эди. Тун бўйи анча пайтгача нима қилиш кераклиги ҳақида ўйлаб, уйқуси қочди. Тўсатдан хаёлига ажойиб фикр келди. Ранг-рўйи ёришиб кетди.

“Албатта, шундай қилман”, – жилмайиб пиҷирлади у кўзларини ширин уйқуга юмар экан.

Тонг отди. Оила йўлга отлана бошлади.

“Тезроқ бўл, қизим”, – деда Сожидани қистаб қўйди ойиси.

Дадаси машинани ўт олдириди. Ҳовли дарвозасини очди.

“Ойижон, баҳт қушимни ҳам олиб кетаман”, – деда кўнглидаги ниятини айтди Сожида.

Нодира опа дарвоза томон савол назари билан қаради. Шавкат ака ҳам пича ўйланиб тургач, бош ирғади.

“Бўпти, ола қолсин”.

Сожида севинч билан ичкаридан қафасни олиб чиқди. Машинанинг орқа ўриндигига қўйиб ёнига ўзи ўтириди. Қушча ҳам қувончдан қанотларини қоқиб, шўхчан чирқиллади.

Мана, улар йўлда.

Ўнгу сўлдан қир-тепаликлар, қуюқ дарахтзор боғлар лип-лип ўтарди. Ўз томорқаларида куймаланиб юрган одамлар, кенг майдонда футбол ўйнаётган бо́лалар киши кўнглига аллақандай хотиржамлик, сурур бағишлияди. Осмон ҳозиргина артилган шишадат тип-тиник. Чўққиларини оппоқ қор қоплаган тօғлар, имлаб чақираётган донишманд, сервиқор боболарга ўхшайди. Беихтиёр ўша томонларга қийқириб чопгинг, мусаффо ҳаводан энтиқиб-энтиқиб нафас олгинг келади.

– Шу ерда бироз дам оламиз, – деди дадаси улкан чинор соясида машинани тўхтатиб.

Бу ер баланд төғ этаги эди. Қоп-қора тасмадек ястанган автойўл қоялар орасига кириб кўздан пана бўлиб кетган. Сал нарида ёйилиб оқаётган сойнинг шовуллаши барадла эштилади.

– Дўстингизни безовта қилмай, шу ерда дам олиб қўйсак-чи? – деди Нодира опа атрофга суқланиб тикилар экан, – қаранг, жуда хуш манзара жойлар экан.

Шавкат ака унга норизо кўз ташлаб қўйди.

– Дўстимнинг дачасига борсанг, бу ерлар сенга чўлдай туюлиб қолади.

Сожида ота-онасининг гап-сўзларига кўп ҳам эътибор бермас, ўз хаёлларидан ўзи ҳаяжонланиб турарди.

Улар машинадан тушишиди. Сожида ерга оёқ бо-саркан, теваракка ўғринча алланглаб қўйди. Сўнг қафасин очди-да, қушчани авайлабгина қўлига олди.

– Нима қилияпсан? – деб ҳайрон сўради ойиси.

Дадаси ҳам қизига ажабсиниб қараб турарди.

– Баҳт қушим қафасда бўлишини истамайман, – деди Сожида бироз ҳаяжонланиб, – осмонларда эркин учиб юришини хоҳлайман.

У момиқ патларга бир-бир лаб босди-да, қушчани ҳавога улоқтириб юборди. Ортидан қувонч билан ирғишилаб, чапак чалди.

– Об-бо-о, нодон қиз-ей, – деб бош чайқади Шавкат ака, – жуда қимматга сотиб олгандим-а...

Нодира опа лаб буриб, елка учирди.

– Кейин пушаймон бўласан.

Сожида гап-сўзларга эътибор бермас эди. У хануз ирғишилаб, чапак чалган қўйи тип-тиник осмонда парвоз қилаётган қушчадан кўз узмай турарди.

– Ойижон! Дадажон! – деди у қийқириб, – қаранг, менинг баҳт қушим осмонга жуда ярашди.

Сожида севинчдан яшнаб онасининг бағрига отилди. Онаси унинг бошини силаган қўйи дадасига кўз ташлади. Уларнинг чехрасида ҳам табассум балқиб турарди.



**Юлдуз ЗОИРОВА**



## *Болалик – ҳаётни безар зар лавҳанг*

### **ҲАЁТ**

Кече баҳт аллалаб юрарди мени,  
Йиғласам, бошимни силарди осмон.  
Еллар тебратарди беланчагимни,  
Юлдузлар кўзмунчоқ тутади ҳамон.

Мажнунтол силарди майсадек сочим,  
Хурлар қошларимга ўсма қўярди.  
Тамишаниб кўксига уйқуга кетсан,  
Ялпизлар ҳидидан меҳр туярдим.

Кийик сўқмоқларда югурар ҳамон,  
Болалик – ҳаётни безар зар лавҳанг.  
Ўқидим бобомнинг юзида бугун –  
“Нуронийлик” дея қўйган сарлавҳанг.

Эй ҳаёт, ўйлама юраги бўши деб,  
Кўнглим гул бўлса-да, иродам метин.  
Хозирча синайвер, маррага етгач,  
Голибликка имзо қўяман секин!

\* \* \*

Ой нурларин ўғирлаган тун,  
Ишқ сирларин ўғирлаган тун.  
Кириб олиб юракка унсиз –  
Согинчингиз чуғурлаган тун.  
Меҳр истаб мунгайиб қолдим,  
Сизни кўздан яратиб олдим.

Баҳтни дилга қўчирган куним,  
Армонларни ўчирган куним.  
Дийдор тилаб тушиган киприкни



Сиз томонга учирган куним,  
Баҳорлардан баҳт тилаб толдим –  
Сизни куздан яратиб олдим.

Ҳаётнинг бор болини тотиб,  
Қисматнинг бор заҳридан қотиб.  
Кириб борсам, кўнглингиз томон –  
Энг покиза ҳислар уйготиб,  
Кўзингизга жойлашиб қолдим,  
Сизни Сўздан яратиб олдим.

\* \* \*

Вақт – нақдига ўйнайди ўйин,  
Қарзга тилаб олинган орзу.  
Юрагимга термулиб туриб,  
Сирларимни сотиб қўйдинг-ку.

Ҳаёт ўзи моҳир қиморбоз,  
Диёнатни унумтар гоҳо.  
Инсон умрин ўртага қўйиб,  
Таваккалдан чекади имзо.



Икки бўлак кўрдим дунёни,  
Бирида қувонч, бирида орзу.  
Азоблардан зада муҳаббат,  
Тұхматлардан тўқилган туйғу.

Соҳта кулгу ярашмас юзга,  
Яширинар бир қатим кибр,  
Ҳаётимни ўйин қилганча,  
Гаров ўйнар мен билан тақдир!



*Тургуной КАЗИЕВА*

## шоғ жақида доғмож

Нон барча замонларда ҳам байраму сайлларнинг, дастурхонларимизнинг кўрки, одамларнинг ҳақиқий мададкори ва қуввати бўлган. Нон тўкинлик, фаровонлик, аҳиллик, биродарлик, одамийлик, қадрқиммат, самимият ва дўстлик рамзиdir. Нон ана шундай табаррук ва муқаддас неъматdir.

Ўзбек шеъриятида ўз ўрнига эга бўлган истеъоддили ва кўп қиррали шоир Сирожиддин Сайид ҳам бу қадимиш ва бетакрор мавзуда жиддий достон яратди ва уни “Нон ва ном” деб номлади.

Аввало шуни эътироф этиш керакки, халқ достони ва эртакларида, мақол ва маталларида одамийлик, ватанпарварлик, меҳнатсеварлик каби фазилатлар улуғланади. С.Сайид ҳам фольклор анъаналаридан ижодий фойдаланган ҳолда достон битган.

“Нон ва ном”нинг сюжети анъанавий, халқона сюжет асосига қурилган. Достон қаҳрамони Омон полвон меҳнат кишиси. Достон асосида меҳнатни улуғлаш мотивлари ётади.

Шоир достонга бу халқона сюжетни шунчаки олиб кирмайди, балки унинг ҳар бир ҳалқасига маълум бир ғоявий-бадиий вазифани юклайди. Муаллиф мустақиллик туфайли баҳт-саодатга эришган, мустақиллик ғалабаларини ҳимоя қилиш учун ёниб яшаётган мамлакати фаровонлиги, дастурхонлар тўкин-сочинлиги йўлида фидоийларча курашаётган инсон образини яратиб беришни ўз олдига мақсад қилиб қўяди.

“Нон ва ном” достонида мамлакатимизнинг ғалла мустақиллиги, мамлакат тегирмонларига келтирилган донни унга айлантириш жараёни ҳақида ҳикоя қилинади. Асадаги Омон полвон ана шундай жараёнда фидоийлик кўрсатаётган инсонлардан. Шоир ўз қаҳрамони Омон полвонга нисбатан бўлган илик ва самимий муносабатларини “Омон ака зўр-да, укалар!”, “Эй, Омонбойга гап йўқ, қандини урсин” каби олқишлилар орқали таърифлайди. Шоирнинг ютуғи шундаки, фольклор сюжетига ижодий ёндошиб, катта ижтимоий мазмунни истиқлол йиллари воқеалари,

шарт-шароитлари билан боғлаш орқали маҳоратли ифодалашга эришган.

“Бир пайлар шўро даврида уфқлардан-уфқларга қадар фақат пахтазорлардан иборат бўлган Ўзбекистон мустақиллик замонида қисқа мuddат ичida олтин буғдойзорлар мамлакатига ҳам айланди, – деб ёзади шоир, – Ўзбекистон ери ёлчиб буғдой кўрди, ёлчиб дон кўрди. Буғдойни-ку ким экишини биз яхши биламиз, унинг игнадай майсадан то бўлиқ бошоқлар ҳолатига келгунича чекиладиган меҳнату заҳмати кимнинг зиммасида экани ҳам яхши маълум. Буғдой ўрилиб, янчилиб, алал охир тегирмонга келади. Мамлакат тегирмонларига бу тегирмонлар бошида кимлар турибди, кимлар ишлайти, уларнинг ўй-хаёллари не, улар қандай кишилар, орзу-умидлари, ташвишлари қанақа – ҳикоямиз шу хусусда, яъни тегирмон бошида турганлардан бири, Шароф Рашидов номидаги Шўрчи дон маҳсулотлари комбинати хиссадорлик жамиятининг раҳбари Омон Бекназаров ҳақида”.

Шоир достонда одамзотнинг азал-азалдан, неча минг йиллардан буён икки нарса – НОН ва НОМ талашиши, курашиши, жон чекиб тер тўкиши, ранжу заҳмат тортишини ҳикоя қиларкан, қўидагиларни ёзади.

“Агар одам бўлсанг яратгин ўзингга НОМ”, дейди чексиз буғдойзорлар диёрининг улуғ оқини.

“Ийит киши қирқ ёшгача ўзига НОМ чиқариши, обрў-эътибор қозониши керак, қирқ ёшдан кейин уни шу ном боқади”, деган ҳикматнамо гап ҳам юради элнинг орасида.

Бизнинг Ватанимиз улуғ НОМлар мамлакати, дунёда ўз улуғ фарзандлари номини бизчалик эъзозлайдиган бошқа диёр йўқ. Дунёда НОНни бизнинг элимиздай кўзга суруб қадрлайдиган бошқа бир халқ бўлмаса керак.

*Бу диёр  
Буғдой нон исли диёр*



*Ширмон нон исли диёр  
Гул, райхон исли диёр  
Осмонлар эркалаган,  
Ой қуёш юзли диёр.*

Энди шоирнинг ўз қаҳрамони ҳақида айтган таърифига эътибор қаратайлик.

Бироз ғуур, бироз муболага уйғунлашиб кетган таърифларда шоирнинг ўз қаҳрамонига бўлган меҳрумұхаббати мужассам:

“Ҳар давру замоннинг эл-улус орасида номи чиқкан, донғи кетган инсонлари бўлади. Бундай зотларнинг ўз файзи, ўз ўрни бор. Уларга ҳамма кўз тутади, ҳамма ташвиши борми, дарду илинжи борми уларга айтади, бундай зотлар ҳамманинг мушкулини ҳал қилиш, ҳамманинг кўнглини кўтариш учун туғилгандай, уларсиз ўтадиган тўю маърака қандайдир тушкун, улар иштирокисиз кечадиган давра ё йигин селсиз, тошқинсиз даралардай сокин ва бетароват. “Худо назар қилган одам”, деб ҳам сифат беради эди, “Қаҳрамон” дейиши мумкин, “жонкуяр, куйинчак” ёки “хақиқий тадбиркор, ишбилармон” деса ҳам тўғри келаверади, ёинки “эл дарди билан яшайди” дебон китобий ташбиҳлар ила чопон кийгизилса ҳам ярашикли чиқади. Бу хислат, сифат, фазилат ва ҳоказоларнинг бари унда жамулжам эканини инкор қилмаган ҳолда мен достон қилмоқчи бўлганим бу инсонга фақат биргина сўз лойик, муносиб: Полвон. Омон Полвон “Сурхону Қашқа воҳаларида овозаси кетган, ўспиринлик чоғларидаёқ курашга тушган, тўйлардан кейин номи ўсмир полвонлар орасида нақлу ривоятларга айланган, ҳаёти турфа хил саргузаштлару қизиқ-қизиқ ҳангомаларга тўлиқ бир ажабтовор инсон эди. Келбати тօғдай, товадай панжалари мушт бўлиб туғилганда, темирчининг сандони дейсиз. Эгнидаги чопонига мендай озғин шоирларнинг бешови бемалол сиғиши мумкин. Худо кўнгилни ҳам гавдага, қадду-бастга қараб берса керакки, бағри кенг, қалби ёз осмонидай очиқ”.

Воҳадаги энг йирик саноат корхоналаридан бирини даврнинг талабу, эҳтиёжлари даражасига кўтариш, равнақ топтириш, шунинг баробарида ҳалқнинг эҳтиёжини ҳам ўз вақтида қондириш, бу ҳақда узлуксиз ўйлаш, йўл излаш, режа тузиш, баязан ҳафталаф, ойлаб роҳат-ҳаловатнинг баҳридан кечиш, яна комбинатнинг эшигу дарвозаси, тўсиқларидан ўтиб қабулхонагача зорланиб келадиган эҳтиёжманд борми, бева-бечора борми, барчасининг ҳар куни неча мартараб дардини эшитиб, кўнглини кўтариш, ёрдам кўлини чўзиш .... буларнинг ҳамма-ҳаммаси Омон полвон қилган ва қилаётган ишлардан бир шингилолос.

Бугина эмас, Омон полвон давраларда кураш тушиб, ўз қишлогининг, аждодларининг номларини улуғлайди. Курашганда ҳалол курашиб неча полвонларнинг курагини ерга теккизиб туради.

Омон полвоннинг фикрича “Юрт нима, Ватан нима дейди баъзилар. Мана шу буғдоизорлар, шу меҳнат, тандирдаги, дастурхондаги нон ҳам Ватан. Ана чангга беланиб ишлаётган ишчи бор-ку, шул ҳам Ватан. Ўз-ўзидан бўлмайди. Билган бор, билмаган бор буни”.

Омон полвоннинг одамларни қабул қилиши ҳам қизиқ. У қабулхонадаги барча одамларни бирданига қабул қиласди. Улар билан гапни дангал ва лўнда қилиб гаплашади. Дастлаб момоларнинг дардини эшигади. Кимдир иш, кимдир маърака ўтказиш ва ҳоказо масалаларда Омон полвоннинг ҳузурига келган. Полвон уларни ноумид қайтармайди. Омон полвон рафиқаси касалхонада ётган ишчининг маошини ололмай қийналётганлигини эшитиб, ҳисобчига унинг иш ҳақини дарҳол беришни буоради ва масъулиятсизлиги учун кассирни шу ернинг ўзида ишдан бўшатиб юборади. Бу Омон полвоннинг одамлар тақдирига бефарқ бўлган ходимларни кечирмаслиги ни кўрсатувчи ҳолатdir.

Омон полвон ҳалқ мулкини кўз қорачигидек эҳтиёт қиласди. Корхонада талон-тарожликка йўл кўймайди. Шунинг учун ҳам Омон полвон номдор шоирдан ун бериб юбориш ҳақида хат олиб келган ҳофизга қарата “Биз шоирни ҳурмат қиласмиз. Лекин биласизми, мен ҳар куни бундоқ ҳатлардан юзтасини оламан. Худога шукр, таниш-билиш кўп. Ҳар бирига бир қопдан ун бериб юборганда ҳам юз қоп бўлади. Үйим куяди-ку, ука! Айбга буюрмайсиз энди...” деб изза қиласди.

Омон полвон ҳалқимизнинг тарихини ҳурмат қиласди. Азиз инсонларнинг қабрларини зиёрат қилиб туради. Омон полвон “Бўта бўзлар ота” зиёратгоҳини Оллоҳнинг йўлида хайр-эҳсон бўлсин деб ўзи тиқлаганлиги ҳақидаги лавҳа бунинг исботидир. Хуллас, шоир ўз достонида истиқлол фидоийларидан бўлган юртошларимизнинг образини реал ҳаётий лавҳалар орқали кўрсатиб беради. Худонинг барча бандалари қатори Полвонни ҳам кимлардир яхши кўради, кимларнингдир унга боқиб кўзлари куйгани-куйган, дейди.

Халқона услубда ёзилган “Нон ва ном” достондаги ҳар бир сўз, оҳанг ва шеърий парчалар баёнидаги ритм китобхонни воқеалар оқимига кучли жалб этади. Муаллиф ўз қаҳрамонини эртагу достонлардаги қаҳрамонларга қиёслайди. Омади юришган, эл-юрт ташвишида ёниб яшаётган Омон полвон ҳамиша элнинг олқишини олиб яшайди. Эртак ва достонлардаги қаҳрамонлар баҳтга сеҳрли буюмлар, парилар ёрдамида эришсалар. Омон полвон ўз баҳтини ҳалол меҳнати орқали кўлга киритади. Бундай ҳалқ қаҳрамонларини эса фақатгина ҳалқнинг ўзи яратиши мумкин. Сирожиддин Саййиднинг “НОН ва НОМ” достони ўзбек достончилиги деган муazzзам китобнинг ёрқин саҳифаларидан бири бўлиб қолиши шубҳасиз.



Зу ВИНТЕР

## БИРИНЧИ МУҲАББАТ

### Ҳикоя

Бу воқеа содир бўлган пайтда, қизча эндиғина ўн ёшга тўлган эди. Ўша кезларда у мактаб ҳовлисида ва йўлакларда болалар орасида шодумон югуриб юрарди. Ёш болаларнинг шўхликларини бироз тартибга солиш учун ўқитувчилар юқори синф ўқувчиларидан навбатчилар тайинлайдиган бўлишиди. Юқори синф ўқувчилари эса бу ишга чинакамига киришиб, қаттиқ назорат ўрнатишиди. Кичиклар назарida навбатчилар қандайдир самовий кудратга эга эдилар. Болалар икки қатор бўлиб синфларга кўтарилаётгандарида, улар зинанинг икки томонида туриб кузатишар, танаффус пайтларида эса йўлка бўйлаб юришар ва синфларни текширишарди. Кимдир югуришдан ўзини тўхтата олмаса ёки бирор ножӯя иш қилаётганда кўлга тушиб қолса борми, унинг ҳолига вой – танаффуснинг қолган қисмини эшик ёнида тик туриб ўтказишга мажбур бўларди. Бола бола-да, шумтакалар аксига олиб, янгидан-янги бебошликлар билан назоратдагиларни алдаб, бегуноҳларни жазога гирифтор қилишарди. Қизча шунаقا шумликка дучор бўлди. У эшик ёнида турганида ўғил болалардан бири келиб орқасидан шашт билан итариб юборди. Қизча эшикдан отилиб чиқиб, тартибни назорат қилиб юрган юқори синф ўқувчиларидан бирига бориб урилди. Йигит унинг қўлидан маҳкам ушлаб, эшик ёнига олиб келди:

– Шўхлик қилганинг учун мана шу ерда турасан!

Қиз бошини кўтариб йигитга қаради. Бу ишни унинг ўзи атайлаб қилмаганлигини, ўғил болалар итариб юборишганини айтмоқчи бўлди-ю айттолмади. Томогига бир нарса тиқилиб, кўзларидан маржон-маржон ёш юмалаб туша бошлади. Йигисини тиёлмаётган бўлса-да, жазолаётган йигит ахён-аҳёнда унга қараб қўяётганини пайқади.

Қизча эшик ёнида қотиб турар, кўзларидан ҳамон ёш оқарди. Ниҳоят, йигит унинг ёнига келиб, чўнтағидан дастрўмол олганча, қизнинг кўзларини артиб қўйди. Нега бунақа қилганини эҳтимол ўзи

ҳам билмасди, балки шу тариқа қизга озгина ёрдам бермоқчи, кўнглини кўтармоқчи бўлгандир.

Қиз йигитга миннатдорчилик билан қараб қўйди, бир неча дақиқа уларнинг нигоҳлари тўқнашди. Йигит қиз ўйлаганчалик енгилтак ва тошбағир эмас, унинг кўзларида чукур маъно, олижаноблик ва меҳр бор эди. Кейинги дарсларнинг қандай ўтганини қиз пайқамади. Йигитнинг нигоҳи қизнинг кўз ўнгидан кетмас, мурғак қалбида аллақандай мавхум, туманли, аммо ширин туйғулар уйғонган эди...

Дарё тугаб, уйга қайтаётганда қиз: «Балки у орқамдан қараб тургандир», деган ўйда бошини мағрур кўтариб кетди. Бироқ бу пайтда орқада йигитнинг қораси ҳам кўринмасди. Кечкурун уйқуга ётаётганда яна ўзининг эшик ёнида тургани, йигит келиб чўнтағидан дастрўмол чиқарганча кўзларини артиб қўйгани қизнинг хаёлидан кетмади.

Эртасига у мактабга ўқдек учеб борди. Эҳтимол бугун ҳам улар учрашиб қолишар. Қизча бу учрашувдан кувонар, бирозгина қўрқарди ҳам. Катта танаффус пайтида у бир неча болалар билан қувлашиб, атайлаб йигитнинг атрофидан айланниб чопди, аммо йигит унга эътибор бермади. У тўполончи ўғил болани огоҳлантириб турган эди. Синфда ўтирганида, қиз: «Кейинги танаффус пайтида ўғил болалар билан жанжаллашаман, кейин у келиб мени эшик ёнига турғизиб қўяди, шунда яхшилаб кўриб оламан», деб кўнглига тугиб қўйди. Қизнинг бу режаси ҳам амалга ошмади, чунки кейинги танаффусда йигит йўлақда кўринмади.

Эртасига қиз зинадан кўтарилаётганда улар тасодифан юзма-юз келиб қолишди. Йигит қизнинг кўзларига термулиб қаради, қизча ҳам унга тикилдию, уялиб кетдими, дарров кўзларини олиб қочди. Нигоҳларнинг шу бир лаҳзалик учрашуви қизнинг бир неча ҳафталар давомида ширин-ширин тушлар кўриши учун етарли эди. У йигитга рўбарў келган кезлари завқ-шавққа тўлиб кетар, кўришмаган

пайтлари эса рутубатли куз кунларидек, зерикарли ва ғамгин ўтарди. Йигитни деб у бир марта тушлик овқатга кечиқди, онасини анча куттириб, хавотирга солиб қўйди. Ўшанда юқори синф болалари мактаб ховлисида қўл тўпи ўйнаётган эдилар. Қиз жилдини деворга суяб қўйганича, йигитнинг қандай ўйнаётганини кузатиш учун томошабинлар орасидан жой олди. Ҳовли бурчагида жимгина ўтириб, унинг ҳар бир ҳаракатини зимдан кузата бошлади. Қизнинг шу ердалигини пайқаган йигит эса болаларнинг барчасидан яхшироқ ўйнарди. Баъзан у рақиб дарвозаси ёнида тўпни қўлига олиб баландга сакрар ва бир лаҳза ҳавода гўёки муаллақ туриб қоларди. Дарвозабон унинг ҳаракатларидан алданиб ўзини бир тарафга олар, йигит эса тўпни иккинчи тарафга секингина ташлаб қўяр ва томошабинларнинг қийқириқларига сазовор бўларди. Қизча ўзининг шу ердалиги йигитга қанот бағишлиётганини гира-шира ҳис этса-да, бунга ўзини ишонтиrolмасди. Йигит унинг назарида баланд бир чўққида, ўзи эса... Одатда, ўнинчи синф болалари ёш қизчаларни унчалик писанд қилишмайди-да...

Ўқув йили тугади. Йигит мактабни битириб кетди. Қиз ғамгин бир ҳолга тушиб қолган, шу билан ҳаммаси тамом бўлди, деб ўйлар эди.

Таътил кунлари тугаб, янги ўқув йили бошланди. Йигитнинг ўрнида энди кичкинтойларни бошқа бир бола назорат қиласар, бу эса қизчанинг мурғак қалбига битмас-туганмас жароҳатлар со-ларди. Бироқ йилларнинг ўтиши, ҳар куни янги-янги воқеалар юз бериб туриши натижасида қизнинг кўз ўнгидаги йигитнинг сурати аввалига хирадлашиб, сўнгра ўчиб кетди. Вақт ҳар қандай дардни даволайди, деганлари рост экан. Қизнинг ғамлари бирор босилгандай бўлди. Сурати кўз ўнгидан кетган

бўлса-да, у йигитни бутунлай унотолмади. Йиллар ўтиб, бошқа бир йигит ундан илк бор бўса олганда ҳам, қиз буни биринчи муҳаббатим, деб атай олмади. Изҳор этилмаган биринчи муҳаббатини у юрагининг энг тўрида, энг маҳфий жойида, болалик дамларининг сеҳрли ва оҳанрабо эртаги сифатида авайлаб-асраб келарди...

Қиз турмушга чиқди. Фарзанд кўрди. Қизчаси икки ёшга тўлди. Сентябрь ойининг ўрталари эди. Касдошлари уни зиёфатга таклиф этишди. Кимдир институтни сиртдан тамомлаган экан. Барча бир ресторанга йигилишди. Аёл қувноқлар даврасида гул-гул очилиб ўтирасар, қозонилган муваффақият шарафига атрофдагилар билан қадаҳ уришитирар эди. Бир вақт қўшни стол атрофида ўтирган йигитлардан бири ўрнидан туриб, унинг ёнига келди ва рақсга таклиф этди. Қиз ялт этиб қаради-ю, қалбининг тўрида яшириниб ётган туйғулар юзага чиқиб, бутун вужудини ёндириб юборгандай бўлди. Қалтираб кетди. Не кўз билан кўрсинки, бу ўша – мурғак қалбнинг шаффоғ эҳтирослари ила севиб қолган, кўз ўнгидан сурати ҳеч қачон кетмаган йигит эди!

Улар рақсга туша бошладилар. Бир-бирини қўлларидан тутиб айланишаркан, аёлнинг ўзига ҳам ҳозир кулгили бўлиб туюлаётган ўтмиш болалиги тўғрисида сўзлаб бериш истаги туғилди. Аммо у йигитнинг кўзларига тикилиб қарай олмади. Йигит эса уни оҳиста ўзига тортиб, юзини унинг жингала, қўнғир соchlарига қўйганча, қулоғига шивирлади:

– Биласизми, эҳтимол сиз мени масҳаралаб куларсиз, аммо бир вақтлар, мактабда ўқиб юрганимизда мен сизни жуда қаттиқ севиб қолган эдим.

**Немис тилидан Йўлдош ПАРДАЕВ  
таржимаси**



Жұманазар БЕКНАЗАР

## *Умр сархадлағы*

**I**

Хаёт чигал, хаёт мураккаб,  
Кимдир яшар кимнидир мақтаб,  
Кимлар эса дунёни қарғаб,  
Тақдир ҳукмида яшар одамлар.

Доноликнинг белгиси ёймас,  
Зукко одам синовдан қочмас,  
Ўзин англаб ҳаддидан оймас,  
Тақдир ҳукмида яшар одамлар.

Ёнар экан толе юлдузинг,  
Тиргак бўлса ўғилу қизинг,  
Шулар сенинг ортингда изинг,  
Тақдир ҳукмида яшар одамлар.

Ёниб турса қалбинг олови,  
Ҳилпираиди умр ялови,  
Топилади турмуши қалови,  
Тақдир ҳукмида яшар одамлар.

Хаёт ўзи ҳикматларга кон,  
Излаганга топилар имкон,  
Нурли умр этар армугон,  
Тақдир ҳукмида яшар одамлар.

**II**

Нима кўрдим дунёга келиб,  
Нима топдим югуриб-елиб,  
Ёнаяпман бағримни тилиб,  
Қайга кетдинг, жоним, онажон?



Ноиложман, мен ҳам бандаман,  
Лекин энди бурда-бурдаман,  
Нима қилай сенсиз бунда ман?  
Қайга кетдинг, жоним, онажон?

Нега келдим, қайга кетурман?  
Фигонларим кимга айтурман?  
Наҳот энди ғамда ўтурман,  
Қайга кетдинг, жоним, онажон?

Олис тунлар ииғлайди юрак,  
Орзулар йўқ, йўқ дилда тилак,  
Энди йўқдир ёнимда тиргак,  
Қайга кетдинг, жоним, онажон?

**III**

Мақсад сари ёғилди офтоб,  
Оишно бўлди сеҳрли китоб,  
Шу китобдан таралди хитоб:  
“Тақдирингда не бор, билмайсан!”

Бўлди билим олмоққа хумор,  
Бахтдан осиб бўйнига тўмор,  
Ўқишидан сўнг хаёлга чўмар,  
Тақдирида не бор, билмасдан.



Хаёл шундоқ бўлганда эрксиз,  
Қандай яшии яшамоқ кексиз,  
Ниятлар оқ, орзулар чексиз,  
Тақдирида не бор, билмасдан.



Тинмай ўқир ой шуъласида,  
Роман, достон, қисса, қасида,  
Шеър ёдлашдан кўнгли осуда,  
Тақдирида не бор, билмасдан.

Ёмон ўйлар хаёлдан қочар,  
Даштни кезиб, осмонни қучар,  
Сирлар сирин тинмайин очар,  
Тақдирида не бор, билмасдан.

Орзуларга бўлганди асир,  
Мўъжизали илмдан қаср,  
Гёё эди унга мунтазир,  
Тақдирида не бор, билмасдан.

Ўйлар суар тундан кундузга,  
Шунда бирдан ўхшаб юлдузга,  
Онажони қўринар кўзга,  
Тақдирида не бор, билмасдан.

Донишманолик тожини кийди,  
Минбар қўрки бўлиб улгайди,  
Аммо қолди биргина дарди,  
Тақдирида не бор, билмасдан.

Унинг қони Синого тортди,  
Таклиф этди Океан орти,  
Бундан унинг гайрати ортди,  
Тақдирида не бор, билмасдан.

Минбарда у, ҳайратда барча,  
Улкан замин гўёки шарча,  
Шу шарчадан очди кенг дарча,  
Тақдирида не бор, билмасдан.

Танг қолдириди илмий қашфиёт,  
Тиб илмида бу тараққиёт,  
Кулиб боқди унга ҳур ҳаёт,  
Тақдирида не бор, билмасдан.

Беихтиёр қаради... алҳол,  
Тикиларди мушиғиқ бир аёл,



Юрак бўлди безовта, беҳол,  
Тақдирида не бор, билмасдан.

Хаёлотда хотир бўлиб жам,  
Юрагида қолмайин чидам,  
Аёл томон ташлади қадам,  
Тақдирида не бор, билмасдан.

Юрак саси аллага ўхшаб,  
Ихтиёrsиз меҳрини тушаб  
Қолди бирдан дийдаси юмишаб,  
Тақдирида не бор, билмасдан.

Дикқат билан тикилди яна,  
Аёл қарар қилгандай гина,  
Бундан юрак урди тезгина,  
Тақдирида не бор, билмасдан.

Кўзи тиниб, гувуллаб калла,  
Нур қўринди-айнан шу палла,  
Қулогига чалинди алла,  
Тақдирида не бор, билмасдан.

## VI

Изламадим илинж табибдан,  
Нажот сўрдим, онам – ҳабибдан,  
Юпатгандай бўлди гойибдан:  
– Шукр қилиб яшагин, болам!



Гоҳ ёмонлик кулади хандон,  
Аичиқ турмуши қилар имтиҳон,  
Гоҳ қолурсан бунда беимкон,  
Шукр қилиб яшагин, болам!

Қисматингга тополмай чора,  
Аро йўлда қолсанг овора,  
Шунда сен Унга минг бора,  
Шукр қилиб яшагин, болам!





Хидоят ОЛИМОВА

# ЭСКИРМАГАН ЭРТАКЛАР

## ЧОЛ ВА ОЛТИН БАЛИҚ

Олтин балиқ тутиб эл оғзига тушган ўша чол яна балиқ овига отланибди. Бу гал чолга кампири ҳам ҳамроҳ бўлибди. Буни қарангки, кампирнинг пойқадами ёқиб чолнинг қармоғига яна олтин балиқ илиниб турганиш.

Олтин балиқни кўрган кампирнинг боши кўкка етибди. Кампир: «Бу гал сени қўйиб юборадиган аҳмок йўқ» деб ўйлади ичиди. Чол: «Эҳ, олтин балиқ, энди сенинг шўринг курийдиган бўлди. Кампиримдан осонликча қутилолмайсан» деб унга раҳми келиби.

– Тила тилагингни. Олтин десанг олтин, зар-кумуш десанг зар-кумуш бошингдан сочай. Фақат жонимни омон қолдир, – дебди олтин балиқ.

Чол нима дейсан деб кампирига қарабди. Кампир ихтиёр ўзига текканидан боши айланиб шундай деганини билмай қолибди.

– Чолимнинг қўлида тутган қармоғи олтин қармоққа айланиб қолсин.

– Тилагинг бажо, бегим. Сен айтгандек бўлади, – олтин балиқ шундай дегани заҳоти чолнинг қўлидаги қармоқ олтин қармоққа, унинг тўрлари зар ипларга айланниб қолибди.

Олтин балиқ эса кумуш тўлқинлар ичига кириб бир зумда фойиб бўлибди.

Чол-кампир олтин қармоққа қараб ўзларida йўқ шод бўлишибди. Дарров бирор кўриб қолмаслиги учун кампир бошидаги катта рўмолини ечиб олтин қармоқни ўраб-чирмаб олибди. Қармоқ оптинга айланганидан унинг вазни ҳам оғирлашиб қолибди. Улар олтин қармоқни бир амаллаб уйига олиб келибдилар.

– Энди бу олтин қармоқни нима қиласиз? – дебди чол кампирига ҳайрон боқиб.

– Нима ҳам қилардик, овсар чолгинам. Энди у билан балиқ овлармидингиз? Уни бўлакларга бўлиб берсангиз заргарга олиб бориб пуллаб келардим. Пулига эса истаган нарсамизни олишимиз мумкин.

Чол шунгаям ақли етмаганидан кампири олдида хижолат бўлибди.

Улар кампир айтганидек йўл тутишибди. Шу кундан бошлаб олтин балиқни ҳам унтиб ҳаётида камлик нималигини билмай яшай бошлабдилар.

Кунларнинг бирида чолнинг яна балиқ овига боргиси келиб қолибди. Кампирига: – Қўшнидан қармоғини сўраб чиқ. Жуда ов қилиш хумори тутаяпти, – дебди чол.

Кампир «Қўлимизда шунча бойлик бўла туриб балиқ овига чиқиб юрасизми?», – деса ҳам чол балиқ овига бораман деб туриб олибди.



## ОЙ ВА ҚҮЁШ

Охири кампир қўшнисининг қармоғини келтириб чолининг қўлига тутибди. Чол қармоқни қўлига олиши билан у ўз-ўзидан олтин қармоққа айланабди. Чол кампирга, кампир эса чолга қараганча бу синоатдан лол қолишибди. Очкўз кампир бу ишдан қувонса, чол олтин қармоқ билан балиқ овлаб бўлмаслигидан қайғуга чўмибди.

Шу куни кампир уйи билан бозор ўртасида зирқатнаб тўртта оддий қармоқни олтин қармоққа айлантириб олиби.

– Чол, эртага яна бозорга бориб қармоқ олиб келаман. Сиз уларни ҳам олтин қармоққа айлантирасиз. Энди биз подшоларда ҳам йўқ бойликларга эга бўламиз, – дебди кампир очкўзлиги ҳаддан ошиб.

Шу куни алламаҳалгача чол-у кампирнинг кўзига уйқу келмабди. Кампир бу олтин қармоқларни пуллаб, ундан тушадиган даромадга нима қилсак экан деб турли режалар тузибди.

Тонгга яқин чолнинг кўзи илиниб уйқуга кетиб, бир туш кўрибди.

Тушида уйи, ҳовлиси олтин қармоқларга тўлиботишиб кетганмиш. Ҳатто олтин қармоқларнинг кўплигидан юришга ҳам жой йўқ эмиш. Шунда ҳам кампир бир амаллаб бозорга бориб қармоқ келтириармиш. Бир пайт подшо аскарлари – олтин қармоқлардан хабар тошиб чолнинг уйига қўшин тортиб келиб қолиби. Улар чол билан кампирнинг оёқ-қўлини занжирбанд қилишиб зинданга ташлаб бойликларига эга чиқиби. Шунда зиндан туйнугидан уларга қараб турган олтин балиқ:

– Истасангиз олтин қармоғингизни оддий қармоқларга алмаштириб беришим мумкин, – дермиш.

Чол севинганидан уйкусидан уйғониб кетибди. Олтин балиқ бежиз тушимга кирмаган, бунда бир гап бор деб ўйлабди чол ва ёнида ётган кампирини уйғотиб юбормаслик учун оёқ учida кулбасидан чиқиб дарёга йўл олиби.

Қирғоқда уни офтобда ярақлаб олтин балиқ кутиб олиби.

– Жон олтин балиқ, олтин қармоғингни олгин-да ўзимнинг қармоғимни қайтариб бер.

Шундай қилгинки, бўлган барча воқеаларни гўё кампирим тушида кўрганман деб ўйласин. Бўлмаса яна сен билан мен кампиримдан балога қолишимиз тайин, – дебди чол олтин балиққа ялиниб.

– Тилагинг бажо, бобо, – олтин балиқ шундай дешиши билан қирғоқда унинг қадрдан қармоғи турганмиш. Олтин қармоқ эса ўз-ўзидан фойиб бўлиби. Бобо қувониб қармоғини кўзларига суртиби. Сўнг яна олтин балиқни қирғоққа чақириби.

– Яна нима бўлди, бобо. Ёки олтин қармоқларни қайтариб берганингдан афсусдамисан? – дебди олтин балиқ.

Шунда чол сўнгги тилагини баён қилиби.

– Жон олтин балиқ, энди мен қармоғим учига битта қизил ип боғлаб кўяман. Сен эса зинҳор учига қизил ип боғланган қармоққа яқин келма.

Шундай қилиб чол то кампирни қармоққа боғланган қизил ипнинг сирини билиб қолмагунича хуррамлиқда кун кечириби. Сўнг эса ... буёғи бошка эртак.

Тун салтанатининг подшоси бўлган Ой Қўёшга ҳавас қиларкан. Тун сукунати ва қоронғулиги унинг юрагини сикқанда, хаёлан Қўёшга ёлвориб бир кунгина уни ўзига ҳамроҳ қилишини ўтиниб сўраркан.

Кунларнинг бирида мўъжиза юз бериби. Ой ўзини Қўёшнинг ёнида кўриби. Ой дунёни кун ёруғида кузатар экан, унинг шунчалар гўзал эканини аввал билмаганидан афсус қилиби. Пурвиқор қорли тоғлар, тоғлардан қуюлаётган биллур жилғалар, кўм-кўк бахмал қир-адирлар, оқ, қизил, пушти – ранг-баранг гулларга бурканган гулзорлар барча-барчаси унинг кўзларини қамаштириби. Ой янада пастваб одамларни томоша қилгиси келиби. Ахир Ой одамларни фақат тун пардаси ортида, уйқу оғушида кўрган экан-да.



У қасрдек ҳашаматли бир ҳовли тепасига келиб астагина мўралабди. Бу қаср – уй унга аввалдан таниш экан. Ҳовлида яшайдиган ёш соҳибжамол аёл ва унинг навқирон эрини ётогида кўп кўрган экан. Улар уйқуда шунчалар гўзал эди, уйғонгандарида қандай экан, деган ўйда уларни кузата бошладби.

– Хой, уйкучи хотин, ўрнингдан турсанг-чи! Ҳадемай ишчилар келади. Қара, қўшнининг уйи тобора қасрдек баландлаб бораётпти. Бизники ундан паст бўлиб қолмаслиги керак, – дебди эр қўшни томонга ҳасад ва ғазаб билан қараб.

– Икки қаватли уйимизнинг устига яна бир қават курсак, унинг “қасри” бизнининг олдида ҳеч гап бўлмай қолади, – дебди ёш бека эрига таскин бериб.

Уларни кузатиб турган Ойнинг кўзига эр-хотин шунчалар хунук қўриниб кетибди-ки, унинг тезроқ бу қасрдан нари кетгиси келиб қолиби. Аммо шу куни қаерга бормасан, одамларнинг ўзаро жанжал ва тортишувлари устидан чиқиби. Шунда у Қўёш кундан-кунга бунчалар оташ бўлиб ёниб қизиб бораётганинг сабабини тушуниби. Одамлардан ҳафсаласи пир бўлган Ой тезда кундузини тарқ этиб тун қаърига қайтиб кетиби. Шу-шу Ой зинҳор Қўёшга ҳавас қилмайдиган бўлиби...



*Mирза АҲАД*

## ШИНГИЛ ТАБАССУМЛАР

\* \* \*

*Афтинг қийшиқ бўлса, ойнадан ўпкала.*

\* \* \*

*Ақл билан бирни кўндирасан, бақир билан – мингни.*

\* \* \*

*Ақлинг бўлмаса, бир кун илгари ҳаракат қил.*

\* \* \*

*Тарбиясиз хотин тешик тогорага ўхшайди.*

\* \* \*

*Хотинсиз ўтган кун – олтинга ҳам топилмайди.*

\* \* \*

*Хотиннинг сояси ҳам калта бўлади.*

\* \* \*

*Ақлли гап ташир, оқибатда бош қашир.*

\* \* \*

*Озгин отнинг озиғи кўп.*

\* \* \*

*Олдин бирони кузат, кейин ўзингни тузат.*

\* \* \*

*От олсанг, кўриб ол, хотин олсанг, уриб ол.*

\* \* \*

*Отнинг яхиси – ола, хотиннинг яхиси – бало.*

\* \* \*

*Оч киши мой танлар, қари қиз бой танлар.*

\* \* \*

*Оғзинг катта бўлса, қошиқдан ўпкала.*

\* \* \*

*Оғриган бошимга олтин сирға.*

\* \* \*

*Йигитга етмиш ҳунар кўп.*

\* \* \*

*Йиғсанг – кетасан, совирсанг – етасан.*

\* \* \*

*Йўлбарс тулки изидан юради.*

\* \* \*

*Йўқолған бузокнинг арқони бир пул.*

\* \* \*

*Этигинг тор бўлса, дунё кенглигидан на фойда.*

\* \* \*

*Ой ботмаса ҳам бой ётади.*

\* \* \*

*Ола товуқ сомон сочмайди.*

\* \* \*

*Олмайдиган мол олтин бўлиб кўринади.*

\* \* \*

*Аёл ақлда эмас, ҳусну пардозда билинади.*

\* \* \*

*Арқофини кўриб бўзини олма, онасини кўриб – қизини.*

\* \* \*

*Айбини яширган бой бўлади.*

\* \* \*

*Айрилмаган йўлда қолади, бўлинмаган эса дўлда.*

\* \* \*

*Андишанинг оти – ботир.*

\* \* \*

*Кўрмаганнинг кўчаси оз.*

\* \* \*

*Лўлининг эшагини суғормай, пулини ол.*

\* \* \*

*Келмаганнинг кетидан бор.*